

প্রকৃতি



রবীন্দ্রনাথ ঠাকুর

সূচী

সাধারণ	1
গ্রীষ্ম	15
বর্ষা	35
শরৎ	159
হেমন্ত	193
শীত	201
বসন্ত	217

সাধারণ

৯ গান

সাধারণ — সূচী

#1 বিশ্ববীণারবে বিশ্বজন	5
#2 কুসুমে কুসুমে চরণচিহ্ন	7
#3 একি আকুলতা ভুবনে	8
#4 আজ তালের বনের করতালি	9
#5 আঁধার কুঁড়ির বাঁধন	10
#6 পূর্ণচাঁদের মায়ায় আজি	11
#7 কত যে তুমি মনোহর	12
#8 আকাশভরা সূর্য-তারা	13
#9 ব্যাকুল বকুলের ফুলে	14

#1 বিশ্ববীণারবে বিশ্বজন

বিশ্ববীণারবে বিশ্বজন মোহিছে।

স্থলে জলে নভতলে বনে উপবনে

নদীনদে গিরিগুহা-পারাবারে

নিত্য জাগে সরস সঙ্গীতমধুরিমা,

নিত্য নৃত্যরসভঙ্গিমা।—

নব বসন্তে নব আনন্দ, উৎসব নব।

অতি মঞ্জুল, অতি মঞ্জুল, শুনি মঞ্জুল গুঞ্জন কুঞ্জে—

শুনি রে শুনি মর্মর পল্লবপুঞ্জে,

পিককুজন পুষ্পবনে বিজনে,

মৃদু বায়ুহিলোলবিলোল বিভোল বিশাল সরোবর-মাঝে

কলগীত সুললিত বাজে।

শ্যামল কান্তার-’পরে অনিল সঞ্চারে ধীরে রে,

নদীতীরে শরবনে উঠে ধ্বনি সরসর মরমর।

কত দিকে কত বাণী, নব নব কত ভাষা, ঝরঝর রসধারা॥

আষাড়ে নব আনন্দ, উৎসব নব।

অতি গস্তীর, অতি গস্তীর নীল অম্বরে ডম্বরু বাজে,

যেন রে প্রলয়ঙ্করী শঙ্করী নাচে।

করে গর্জন নির্ঝরিণী সঘনে,

হেরো ক্ষুর ভয়াল বিশাল নিরাল পিয়ালতমালবিতানে

উঠে রব ভৈরবতানে।

পবন মল্লারগীত গাহিছে আঁধার রাতে,
 উন্মাদিনী সৌদামিনী রঙ্গভরে নৃত্য করে অম্বরতলে।
 দিকে দিকে কত বাণী, নব নব কত ভাষা, ঝরঝর রসধারা॥
 আশ্বিনে নব আনন্দ, উৎসব নব।
 অতি নির্মল, অতি নির্মল, অতি নির্মল উজ্জ্বল সাজে
 ভুবনে নব শারদলক্ষ্মী বিরাজে।
 নব ইন্দুলেখা অলকে ঝলকে
 অতি নির্মল হাসবিভাসবিকাশ আকাশনীলাম্বুজ-মাঝে
 শ্বেত ভুজে শ্বেত বীণা বাজে-
 উঠিছে আলাপ মৃদু মধুর বেহাগতানে,
 চক্রে উল্লসিত ফুলবনে ঝিল্লিরবে ত্রাস্থানে রে।
 দিকে দিকে কত বাণী, নব নব কত ভাষা, ঝরঝর রসধারা॥

প্র: আশ্বিন ১৩০২ (1895)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

4 লাইনে সঙ্গীত ⇒ **সংগীত**

৭ লাইনে রচনাবলীতে: অতি মঞ্জুল, শুনি মঞ্জুল গুঞ্জন কুঞ্জে

8 লাইনে পল্লবপুঞ্জে ⇒ **পল্লবে পুঞ্জে**

10 লাইনে বায়ুহিল্লোলবিলোল ⇒ **বায়ুহিল্লোলবিলোল ১২ লাইনের শেষে
‘রে’ নেই। ৩ স্তবক ২ লাইনের প্রথম ‘অতি গস্তীর,’ নেই।**

3 লাইনে প্রলয়ংকরী শঙ্করী ⇒ **প্রলয়ংকরী শংকরী’ ৪ স্তবক ২ লাইনের প্রথম
‘অতি নির্মল,’ নেই।**

#2 কুসুমে কুসুমে চরণচিহ্ন

কুসুমে কুসুমে চরণচিহ্ন দিয়ে যাও, শেষে দাও মুছে।
ওহে চঞ্চল, বেলা না যেতে খেলা কেন তব যায় ঘুচে।
চকিত চোখের অশ্রুসজল বেদনায় তুমি ছুঁয়ে ছুঁয়ে চল—

কোথা সে পথের শেষ কোন সুদূরের দেশ

সবাই তোমায় তাই পুছে॥

বাঁশরির ডাকে কুঁড়ি ধরে শাখে, ফুল যবে ফোটে নাই দেখা।
তোমার লগন যায় যে কখন, মালা গাঁথে আমি রই একা।
'এসো এসো এসো' আঁখি কয় কেঁদে। তৃষিত বক্ষ বলে 'রাখি বেঁধে'।
যেতে যেতে, ওগো প্রিয়, কিছু ফেলে রেখে দিয়ো
ধরা দিতে যদি নাই রুচে॥

প্র: ২৫ ফাল্গুন ১৩৩১ (1925)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

2 লাইনে বেলা-না-যেতে ⇒ বেলা নাহি যেতে' ৮ লাইন রচনাবলীতে: এসো
এসো এসো আঁখি কয় কেঁদে, তৃষিত বক্ষ বলে রাখি বেঁধে।

9 লাইনে যেতে-যেতে, ওগো-প্রিয়, ⇒ যেতে যেতে ওগো প্রিয়,

#3 একি আকুলতা ভুবনে

একি আকুলতা ভুবনে! একি চঞ্চলতা পবনে॥
 একি মধুরমদির রসরাশি আজি শূন্যতলে চলে
 ভাসি,
 বারে চক্রে একি হাসি, ফুল- গন্ধ লুটে গগনে॥
 একি প্রাণভরা অনুরাগে আজি বিশ্বজগতজন জাগে,
 আজি নিখিল নীলগগনে সুখ- পরশ কোথা
 হতে লাগে।
 সুখে শিহরে সকল বনরাজি, উঠে মোহনবাঁশরি বাজি,
 হেরো পূর্ণবিকশিত আজি মম অন্তর সুন্দর
 স্বপনে॥

প্র: ১৬ কার্তিক ১৩০২ (1895)

#4 আজ তালের বনের করতালি

আজ তালের বনের করতালি কিসের তালে
 পূর্ণিমাচাঁদ মাঠের পারে ওঠার কালে॥
 না-দেখা কোন বীণা বাজে আকাশ-মাঝে,
 না-শোনা কোন রাগ রাগিণী শূন্যে ঢালে॥
 ওর খুশির সাথে কোন খুশির আজ মেলামেশা,
 কোন বিশ্বমাতন গানের নেশায় লাগল নেশা।
 তারায় কাঁপে রিনিঝিনি যে কিঙ্কিণী
 তারি কাঁপন লাগল কি ওর মুহুর্তালে॥

প্র: জ্যৈষ্ঠ ১৩২৯ (1922)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

2 লাইনে পূর্ণিমাচাঁদ ⇒ পূর্ণিমা চাঁদ

4 লাইনে রাগ-রাগিণী ⇒ রাগ-রাগিণী

#5 আঁধার কুঁড়ির বাঁধন

আঁধার কুঁড়ির বাঁধন টুটে চাঁদের ফুল উঠেছে ফুটে॥

তার গন্ধ কোথায়, গন্ধ কোথায় রে।

গন্ধ আমার গভীর ব্যথায় হৃদয়-মাঝে লুটে॥

ও কখন যাবে সরে, আকাশ হতে পড়বে ঝরে।

ওরে রাখব কোথায়, রাখব কোথায় রে।

রাখব ওরে আমার ব্যথায় গানের পত্রপুটে॥

প্র: জ্যৈষ্ঠ ১৩২৯ (1922)

#6 পূর্ণচাঁদের মায়ায় আজি

পূর্ণচাঁদের মায়ায় আজি ভাবনা আমার পথ ভোলে,
 যেন সিন্ধুপারের পাখি তারা, যায় যায় যায় চলে॥
 আলোছায়ার সুরে অনেক কালের সে কোন দূরে
 ডাকে আয় আয় আয় ব'লে॥
 যেথায় চলে গেছে আমার হারা ফাগুনরাতি
 সেথায় তারা ফিরে ফিরে খোঁজে আপন সাথি।
 আলোছায়ায় যেথা অনেক দিনের সে কোন ব্যথা
 কাঁদে হায় হায় হায় ব'লে॥

প্র: ১৩২৮ (1921)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

6 লাইনে সার্থি ⇒ সাথী

#7 কত যে তুমি মনোহর

কত যে তুমি মনোহর মনই তাহা জানে,
 হৃদয় মম থরোথরো কাঁপে তোমার গানে॥
 আজিকে এই প্রভাতবেলা মেঘের সাথে রোদের খেলা,
 জলে নয়ন ভরোভরো চাহি তোমার পানে॥
 আলোর অধীর ঝিলিমিলি নদীর ঢেউয়ে ওঠে,
 বনের হাসি খিলিখিলি পাতায় পাতায় ছোটে।
 আকাশে ওই দেখি কী যে— তোমার চোখের চাহনি যে।
 সুনীল সুধা ঝরোঝরো ঝরে আমার প্রাণে॥

প্র: পৌষ ১৩২৯ (1923)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

2 লাইনে থরোথরো ⇒ থরথর

4 লাইনে ভরোভরো ⇒ ভরভর

oeSP লাইনে ঝরোঝরো ⇒ ঝরঝর

#8 আকাশভরা সূর্য-তারা

আকাশভরা সূর্য-তারা, বিশ্বভরা প্রাণ,

তাহারি মাঝখানে আমি পেয়েছি মোর স্থান,

বিস্ময়ে তাই জাগে আমার গান॥

অসীম কালের যে হিল্লোলে জোয়ার-ভাঁটায় ভুবন দোলে

নাড়ীতে মোর রক্তধারায় লেগেছে তার টান,

বিস্ময়ে তাই জাগে আমার গান॥

ঘাসে ঘাসে পা ফেলেছি বনের পথে যেতে,

ফুলের গন্ধে চমক লেগে উঠেছে মন মেতে,

ছড়িয়ে আছে আনন্দেরই দান,

বিস্ময়ে তাই জাগে আমার গান।

কান পেতেছি, চোখ মেলেছি, ধরার বুকে প্রাণ ঢেলেছি,

জানার মাঝে অজানারে করেছি সন্ধান,

বিস্ময়ে তাই জাগে আমার গান॥

প্র: আশ্বিন ১৩৩১ (1924)

#9 ব্যাকুল বকুলের ফুলে

ব্যাকুল বকুলের ফুলে ভ্রমর মরে পথ ভুলে॥
 আকাশে কী গোপন বাণী বাতাসে করে কানাকানি,
 বনের অঞ্চলখানি পুলকে উঠে দুলে দুলে॥
 বেদনা সুমধুর হয়ে ভুবনে আজি গেল বয়ে।
 বাঁশিতে মায়া-তান পুরি কে আজি মন করে চুরি,
 নিখিল তাই মরে ঘুরি বিরহসাগরের কূলে॥

প্র: ভাদ্র ১৩২৪ (1917)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

2 লাইনে বাতাসে করে কানাকানি ⇒ বাতাস করে কানাকানি

4 লাইনে ভুবনে আজি গেল বয়ে ⇒ ভুবনে গেল আজি বয়ে

গ্রীষ্ম

১৬ গান

গ্রীষ্ম — সূচী

#10 নাই রস নাই	19
#11 দারুণ অগিহ্নাণে রে	20
#12 এসো এসো হে তৃষ্ণার জল	21
#13 হৃদয় আমার, ওই বুঝি তোর	22
#14 এসো, এসো, এসো হে বৈশাখ	23
#15 নমো নমো, হে বৈরাগী	24
#16 মধ্যদিনে যবে গান	25
#17 ওই বুঝি কালবৈশাখী	26
#18 প্রখর তপনতাপে	27
#19 বৈশাখের এই ভোরের হাওয়া	28
#20 বৈশাখ হে, মৌনী তাপস	29
#21 শুষ্কতাপের দৈত্যপুরে	30
#22 হে তাপস, তব শুষ্ক কঠোর	31
#23 মধ্যদিনের বিজন বাতায়নে	32
#24 তপস্বিনী হে ধরণী	33
#25 চক্ষু আমার তৃষ্ণা ওগো	34

#10 নাই রস নাই

নাই রস নাই, দারুণ দাহনবেলা। খেলো খেলো তব নীরব ভৈরব
খেলা॥

যদি ঝ'রে পড়ে পুঙ্ক পাতা, লান হয়ে যাক মালা গাঁথা,

থাক জনহীন পথে পথে মরীচিকাজাল ফেলা॥

শুষ্ক ধুলায় খসে-পড়া ফুলদলে ঘূর্ণী-আঁচল উড়াও আকাশতলে।

প্রাণ যদি কর মরুসম তবে তাই হোক হে নির্মম,—

তুমি একা আর আমি একা, কঠোর মিলনমেলা॥

প্র: অগ্রহায়ণ ১৩২২ (1925)

#11 দারুণ অগ্নিবাণে রে

দারুণ অগ্নিবাণে রে হৃদয় তুষায় হানে রে॥
 রজনী নিদ্রাহীন, দীর্ঘ দহনদিন
 আরাম নাহি যে জানে রে॥
 শুষ্ক কাননশাখে ক্লান্ত কপোত ডাকে
 করুণ কাতর গানে রে॥
 ভয় নাহি, ভয় নাহি। গগনে রয়েছে চাহি।
 জানি ঝঞ্ঝার বেশে দিবে দেখা তুমি এসে
 একদা তাপিত প্রাণে রে॥

প্র: বৈশাখ ১৩২৯ (1922)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

রচনাবলীতে কোথাও “রে” নেই।

এসো এসো হে তৃষ্ণার জল, কলকল ছলছল—
ভেদ করো কঠিনের ক্রুর বক্ষতল কলকল ছলছল॥
এসো এসো উৎসস্রোতে গুঢ় অন্ধকার হতে
এসো হে নির্মল কলকল ছলছল॥
রবিকর রহে তব প্রতীক্ষায়।
তুমি যে খেলার সাথি, সে তোমারে চায়।
তাহারি সোনার তান তোমাতে জাগায় গান,
এসো হে উজ্জ্বল, কলকল ছলছল॥
হাঁকিছে অশান্ত বায়,
'আয়, আয়, আয়।' সে তোমায় খুঁজে যায়।
তাহার মৃদঙ্গরবে করতালি দিতে হবে,
এসো হে চঞ্চল, কলকল ছলছল॥
মরুদৈত্য কোন মায়াবলে
তোমারে করেছে বন্দী পাষাণশৃঙ্খলে।
ভেঙে ফেলে দিয়ে কারা এসো বন্ধহীন ধারা,
এসো হে প্রবল, কলকল ছলছল॥

প্র: ৮ বৈশাখ ১৩২৯ (1922)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

১ লাইনের শেষে 'কলকল ছলছল' নেই।

৬ লাইনে সার্থি ⇒ **সাথী** রচনাবলীতে 'কলকল ছলছল' এ হসন্ত নেই।

#13 **হৃদয় আমার, ওই বুঝি তোর**

হৃদয় আমার, ওই বুঝি তোর বৈশাখী ঝড় আসে।

বেড়া-ভাঙার মাতন নামে উদ্দাম উল্লাসে॥

তোমার মোহন এল ভীষণ বেশে, আকাশ ঢাকা জটিল
কেশে—

 বুঝি এল তোমার সাধনধন চরম সর্বনাশে॥

বাতাসে তোর সুর ছিল না, ছিল তাপে ভরা।

পিপাসাতে বুক-ফাটা তোর শুষ্ক কঠিন ধরা।

এবার জাগ রে হতাশ, আয় রে ছুটে অবসাদের বাঁধন
টুটে—

 বুঝি এল তোমার পথের সাথি বিপুল অট্টহাসে॥

প্র: জ্যৈষ্ঠ ১৩২৯ (1922)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

oeSP লাইনে সার্থি ⇒ **সাথী**

#14 এসো, এসো, এসো হে বৈশাখ

এসো, এসো, এসো হে বৈশাখ।
 তাপসনিশ্বাসবায়ে মুমূষুরে দাও উড়ায়ে,
 ব সরের আবর্জনা দূর হয়ে যাক॥
 যাক পুরাতন স্মৃতি, যাক ভুলে-যাওয়া গীতি,
 অশ্রুবাষ্প সুদূরে মিলাক॥
 মুছে যাক গ্লানি, ঘুচে যাক জরা,
 অগ্নিন্শ্বানে শুচি হোক ধরা।
 রসের আবেশরাশি শুষ্ক করি দাও আসি,
 আনো আনো আনো তব প্রলয়ের শাঁখ।
 মায়ার কুজ্জাটিজাল যাক দূরে যাক॥

প্র: ২০ ফাল্গুন ১৩৩৩ (1927)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

7 লাইনে অগ্নিন্শ্বানে-শুচি হোক ⇒ অগ্নিন্শ্বানে দেহে প্রাণে শুচি হোক

#15 নমো নমো, হে বৈরাগী

নমো নমো, হে বৈরাগী।

তপোবহির শিখা জ্বালো জ্বালো,
নির্বাণহীন নির্মল আলো
অন্তরে থাক জাগি॥

প্র: ২২ অগ্রহায়ণ ১৩৩৪ (1927)

#16 মধ্যদিনে যবে গান

মধ্যদিনে যবে গান বন্ধ করে পাখি,
 হে রাখাল, বেণু তব বাজাও একাকী॥
 প্রান্তরপ্রান্তের কোণে রুদ্র বসি তাই শোনে
 মধুরের-স্বপ্নাবেশে-ধ্যানমগন-আঁখি—
 হে রাখাল, বেণু যবে বাজাও একাকী॥
 সহসা উচ্ছ্বসি উঠে ভরিয়া আকাশ
 তৃষাতপ্ত বিরহের নিরুদ্ধ নিশ্বাস।
 অম্বরপ্রান্তে যে দূরে ডম্বরু গন্তীর সুরে
 জাগায় বিদ্যুতছন্দে আসন্ন বৈশাখী—
 হে রাখাল, বেণু যবে বাজাও একাকী॥

প্র: ২০ ফাল্গুন ১৩৩৩ (1927)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

3 লাইনে প্রান্তরপ্রান্তের ⇒ শান্ত প্রান্তরের

4 লাইনে মধুরের-স্বপ্নাবেশে-ধ্যানমগন-আঁখি ⇒ মধুরের ধ্যানাবেশে
 স্বপ্নমগন আঁখি

8 লাইনে অম্বরপ্রান্তে যে ⇒ অম্বরপ্রান্তের

9 লাইনে বিদ্যুতছন্দে ⇒ বিদ্যুৎ ছন্দে

#17 ওই বুঝি কালবৈশাখী

ওই বুঝি কালবৈশাখী

সন্ধ্যা-আকাশ দেয় ঢাকি

ভয় কী রে তোর ভয় কারে, দ্বার খুলে দিস চার ধারে—

শোন দেখি ঘোর হুঙ্কারে নাম তোরই ওই যায় ডাকি॥

তোর সুরে আর তোর গানে

দিস সাড়া তুই ওর পানে।

যা নড়ে তায় দিক নেড়ে, যা যাবে তা যাক ছেড়ে,

যা ভাঙা তাই ভাঙবে রে যা রবে তাই থাক বাকি॥

প্র: আষাঢ় ১৩২৬ (1919)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

4 লাইনে হুঙ্কারে ⇒ হুংকারে

oeSP লাইনে থাক-বাকি ⇒ থাক বাকি

#18 প্রখর তপনতাপে

প্রখর তপনতাপে আকাশ তৃষায় কাঁপে,
 বায়ু করে হাহাকার।
 দীর্ঘপথের শেষে ডাকি মন্দিরে এসে,
 ‘খোলো খোলো খোলো দ্বার॥’
 বাহির হয়েছি কবে কার আহ্বানরবে,
 এখনি মলিন হবে প্রভাতের ফুলহার॥
 বুকে বাজে আশাহীনা ক্ষীণমর্মর বীণা,
 জানি না কে আছে কিনা, সাড়া তো না পাই তার।
 আজি সারা দিন ধ’রে প্রাণে সুর ওঠে ভরে,
 একেলা কেমন ক’রে বহিব গানের ভার॥

প্র: জ্যৈষ্ঠ ১৩২৯ (1922)

#19 বৈশাখের এই ভোরের হাওয়া

বৈশাখের এই ভোরের হাওয়া আসে মৃদুমন্দ।
 আনে আমার মনের কোণে সেই চরণের ছন্দ॥
 স্বপ্নশেষের বাতায়নে হঠাৎ -আসা ক্ষণে ক্ষণে
 আধো-ঘুমের-প্রান্ত-ছোঁওয়া বকুলমালার গন্ধ॥
 বৈশাখের এই ভোরের হাওয়া বহে কিসের হর্ষ,
 যেন রে সেই উড়ে-পড়া এলো কেশের স্পর্শ।
 চাপাবনের কাঁপন-ছলে লাগে আমার বুকের তলে
 আরেক দিনের প্রভাতের হতে হৃদয়দোলার স্পন্দ॥

প্র: বৈশাখ ১৩২৯ (1922)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

4 লাইনে আধো-ঘুমের-প্রান্ত-ছোঁওয়া ⇒ আধো-ঘুমের প্রান্ত-ছোঁয়া

6 লাইনে এলো-কেশের ⇒ এলোকেশের

#20 বৈশাখ হে, মৌনী তাপস

বৈশাখ হে, মৌনী তাপস, কোন অতলের বাণী

এমন কোথায় খুঁজে পেলো।

তপ্ত ভালের দীপ্তি ঢাকি মন্থর মেঘখানি

এল গভীর ছায়া ফেলে॥

রুদ্ধতপের সিদ্ধি এ কি ওই-যে তোমার বক্ষে দেখি,

ওরই লাগি আসন পাতো হোমছতাশন জ্বলে॥

নিষ্ঠুর, তুমি তাকিয়েছিলে মৃত্যুক্ষুধার মতো

তোমার রক্তনয়ন মেলে।

ভীষণ, তোমার প্রলয়সাধন প্রাণের বাঁধন যত

যেন হানবে অবহেলে।

হঠাৎ তোমার কণ্ঠে এ যে আশার ভাষা উঠল বেজে,

দিলে তরুণ শ্যামল রূপে করুণ সুধা ঢেলে॥

প্র: আষাঢ় ১৩২৯ (1922)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

৬ লাইনে পাত্তো ⇒ পাত

#21 শুষ্কতাপের দৈত্যপুরে

শুষ্কতাপের দৈত্যপুরে দ্বার ভাঙবে ব'লে,
রাজপুত্র, কোথা হতে হঠাৎ এলে চলে॥

সাত সমুদ্র-পারের থেকে বজ্রস্বরে এলে হেঁকে,
দুন্দুভি যে উঠল বেজে বিষম কলরোলে॥
বীরের পদপরশ পেয়ে মূর্ছা হতে জাগে,
বসুন্ধরার তপ্ত প্রাণে বিপুল পুলক লাগে।
মরকতমণির থালা সাজিয়ে গাঁথে বরণমালা,
উতলা তার হিয়া আজি সজল হাওয়ায় দোলে॥

প্র: পৌষ ১৩২৯ (1923)

#22 **হে তাপস, তব শুষ্ক কঠোর**

হে তাপস, তব শুষ্ক কঠোর রূপের গভীর রসে
 মন আজি মোর উদাস বিভোর কোন সে ভাবের বশে॥
 তব পিঙ্গল জটা হানিছে দীপ্ত ছটা,
 তব দৃষ্টির বহিবৃষ্টি অন্তরে গিয়ে পশে॥
 বুঝি না, কিছু না জানি
 মর্মে আমার মৌন তোমার কী বলে রুদ্রবাণী।
 দিগদিগন্ত দহি দুঃসহ তাপ বহি
 তব নিশ্বাস আমার বক্ষে রহি রহি নিশ্বসে॥
 সারা হয়ে এলে দিন
 সন্ধ্যামেঘের মায়ার মহিমা নিঃশেষে হবে লীন।
 দীপ্তি তোমার তবে শান্ত হইয়া রবে,
 তারায় তারায় নীরব মন্ত্রে ভরি দিবে শূন্য সে॥

প্র: ১৩২৯ (1923)

#23 মধ্যদিনের বিজন বাতায়নে

মধ্যদিনের বিজন বাতায়নে

ক্লান্তি-ভরা কোন বেদনার মায়া স্বপ্নাভাসে ভাসে মনে মনে॥
 কৈশোরে যে সলাজ কানাকানি খুঁজেছিল প্রথম প্রেমের বাণী
 আজ কেন তাই তপ্ত হাওয়ায় হাওয়ায় মর্মরিছে গহন বনে
 বনে॥
 যে নৈরাশা গভীর অশ্রুজলে ডুবেছিল বিস্মরণের তলে
 আজ কেন সেই বনযুথীর বাসে উচ্ছ্বসিল মধুর নিশ্বাসে,
 সারাবেলা চাঁপার ছায়ায় ছায়ায় গুঞ্জরিয়া ওঠে ক্ষণে ক্ষণে॥

প্র: বৈশাখ ১৩৩১ (1924)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

3 লাইনে যে-সলাজ ⇒ **যেই সলাজ**

তপস্বিনী হে ধরণী, ওই-যে তাপের বেলা আসে—
তপের আসনখানি প্রসারিল মৌন নীলাকাশে॥

অন্তরে প্রাণের লীলা হোক তবে অন্তঃশীলা,
যৌবনের পরিসর শীর্ণ হোক হোমাগিনিশ্বাসে॥

যে তব বিচিত্র তান উচ্ছ্বসি উঠিত বহু গীতে
এক হয়ে মিশে যাক মৌনমন্ত্রে ধ্যানের শান্তিতে।

সংঘমে বাঁধুক লতা কুসুমিত চঞ্চলতা,
সাজুক লাভণ্যলক্ষ্মী দৈন্যের ধূসর ধূলিবাসে॥

প্র: বৈশাখ ১৩৩৩ (1926)

#25 চক্ষু আমার তৃষ্ণা ওগো

চক্ষু আমার তৃষ্ণা ওগো, তৃষ্ণা আমার বক্ষ জুড়ে।
 আমি বৃষ্টিবিহীন বৈশাখী দিন, সন্তাপে প্রাণ যায় যে পুড়ে॥
 ঝড় উঠেছে তপ্ত হাওয়ায়, মনকে সুদূর শূন্যে ধাওয়ায়—
 অবগুণ্ঠন যায় যে উড়ে॥
 যে ফুল কানন করত আলো
 কালো হয়ে সে শুকালো।
 ঝরনারে কে দিল বাধা নিষ্ক্স পাষাণে বাঁধা
 দুঃখের শিখরচূড়ে॥

প্র: ভাদ্র ১৩৪০ (1933)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

7 লাইনে নিষ্ক্স-পাষাণে বাঁধা ⇒ তাপের প্রতাপে বাঁধা

ବର୍ଷା

୧୧୭ ଗାନ

বর্ষা — সূচী

#26 এসো শ্যামল সুন্দর	43
#27 ওই আসে ওই অতি	44
#28 ঝরঝর বরিষে	46
#29 গহন ঘন ছাইল	47
#30 হেরিয়া শ্যামল ঘন	48
#31 শাউনগগনে ঘোর	49
#32 মেঘের পরে মেঘ জমেছে	50
#33 আষাঢ়সন্ধ্যা ঘনিয়ে এল	51
#34 আজ বারি ঝরে ঝরঝর	52
#35 কাঁপিছে দেহলতা	53
#36 আমার দিন ফুরালো	54
#37 বাদল-মেঘে মাদল বাজে	55
#38 ওগো আমার শ্রাবণমেঘের	56
#39 তিমির-অবগুণ্ঠনে	57
#40 আকাশতলে দলে দলে	58
#41 কদম্বেরই কানন ঘেরি	59
#42 আষাঢ়, কোথা হতে আজ	60
#43 ছায়া ঘনাইছে বনে	61
#44 এই শ্রাবণ-বেলা বাদল-ঝরা	62
#45 শ্রাবণবরিষন পার হয়ে	63
#46 আজ কিছুতেই যায় না	64
#47 গহন রাতে শ্রাবণধারা	65
#48 যেতে দাও গেল যারা	66

#49 ভেবেছিলেম আসবে ফিরে	67
#50 আজি ওই আকাশ-’পরে	68
#51 ও আষাঢ়ের পূর্ণিমা	69
#52 শ্যামল ছায়া	70
#53 আহ্নান আসিল মহো সবে	71
#54 কোন পুরাতন প্রাণের টানে	72
#55 নীল-অঞ্জনঘন	73
#56 আজ শ্রাবণের আমন্ত্রণে	74
#57 পথিক মেঘের দল জোটে	75
#58 বজ্রমানিক দিয়ে গাঁথা	76
#59 ওরে ঝড় নেমে আয়	77
#60 এই শ্রাবণের বুকুর ভিতর	78
#61 মেঘের কোলে কোলে	79
#62 উতল-ধারা বাদল ঝরে	80
#63 ওই-যে ঝড়ের মেঘের	81
#64 কখন বাদল-ছোঁওয়া	82
#65 আজ নবীন মেঘের সুর	83
#66 আজ আকাশের মনের কথা	84
#67 এই সকাল বেলার বাদল-আঁধারে	85
#68 পূব-সাগরের পার হতে	86
#69 আজি বর্ষারাতের শেষে	87
#70 শ্রাবণমেঘের আধেক	88
#71 বহু যুগের ও পার হতে	89
#72 বাদল-বাউল বাজায় রে	90
#73 একি গভীর বাণী এল	91

#74 আজি হৃদয় আমার যায়	92
#75 ভোর হল যেই শ্রাবণশর্বরী	93
#76 বৃষ্টিশেষের হাওয়া	94
#77 বাদল-ধারা হল সারা	95
#78 ঝরে ঝরো ঝরো ভাদরবাদর	96
#79 এসো নীপবনে	97
#80 কোথা যে উধাও হল	97
#81 আজ শ্রাবণের পূর্ণিমাতে	98
#82 পূব-হাওয়াতে দেয় দোলা	99
#83 অশ্রুভরা বেদনা	99
#84 ধরণীর গগনের	100
#85 বন্ধু রহো রহো	101
#86 একলা বসে বাদল-শেষে	102
#87 শ্যামল শোভন শ্রাবণ	103
#88 নমো, নমো, নমো করুণাঘন	104
#89 তপের তাপের বাঁধন	104
#90 ওই কি এলে আকাশপারে	105
#91 গগনে গগনে আপনার মনে	106
#92 শ্রাবণ, তুমি বাতাসে কার	107
#93 কেন পাস্থ, এ চঞ্চলতা	108
#94 আজি শ্রাবণঘনগহন	109
#95 আজি ঝড়ের রাতে	110
#96 চলে ছলোছলো নদীধারা	111
#97 আমাদের যদি জাগালে আজি	112
#98 আবার এসেছে আষাঢ়	113

#99 এসো হে এসো সজল ঘন	114
#100 চিত্ত আমার হারালো আজ	115
#101 আবার শ্রাবণ হয়ে এলে	116
#102 ধরণী, দূরে চেয়ে	117
#103 হৃদয়ে ম্লানি	118
#104 মধু-গন্ধে ভরা	119
#105 আমি তখন ছিলাম মগন	120
#106 আমি শ্রাবণ-আকাশে ওই	121
#106 আমি শ্রাবণ-আকাশে ওই	121
#107 ভোর থেকে আজ বাদল	123
#108 নীল নবঘনে আষাঢ়গগনে	124
#109 থামাও রিমিকি-ঝিমিকি	126
#110 আজি পল্লিবালিকা অলকগুচ্ছ	127
#111 ওই মালতীলতা দোলে	128
#112 আঁধার অন্ধরে প্রচণ্ড ডম্বর	129
#113 হৃদয় আমার নাচে রে	130
#114 আজ বরষার রূপ হেরি	131
#115 মনে হল যেন পেরিয়ে	132
#115 মনে হল যেন পেরিয়ে	132
#116 তৃষ্ণার শান্তি	134
#117 মম মন-উপবনে চলে	135
#118 আজি বরষনমুখরিত	136
#119 যায় দিন, শ্রাবণদিন যায়	137
#120 আমি কী গান গাব যে	138
#121 কিছু বলব বলে	139

#122 মন মোর মেঘের সঙ্গী	140
#123 মোর ভাবনারে কী হাওয়ায়	141
#124 আমার প্রিয়ার ছায়া	142
#125 ওগো সাঁওতালি ছেলে	143
#126 বাদল-দিনের প্রথম কদম ফুল	144
#127 আজি তোমায় আবার চাই শুনাবারে	145
#128 এসো গো, জেলে দিয়ে যাও	146
#129 আজি ঝরো ঝরো মুখর	147
#130 শ্রাবণের গগনের গায়	148
#131 স্বপেন্ আমার মনে হল	149
#132 শেষ গানেরই রেশ নিয়ে	150
#133 এসেছিলে তবু আস নাই	151
#134 এসেছিঁনু দ্বারে তব	152
#135 নিবিড় মেঘের ছায়ায়	153
#136 আমার যে দিন ভেসে গেছে	154
#137 পাগলা হাওয়ার বাদল-দিনে	155
#138 আজি মেঘ কেটে গেছে	156
#139 সঘন গহন রাত্রি	157
#140 ওগো তুমি পঞ্চদশী	158

#26 এসো শ্যামল সুন্দর

এসো শ্যামল সুন্দর,

আনো তব তাপহরা তৃষাহরা সঙ্গসুধা।

বিরহিণী চাহিয়া আছে আকাশে॥

সে যে ব্যথিত হৃদয় আছে বিছায়ে

তমালকুঞ্জপথে সজল ছায়াতে,

নয়নে জাগিছে করুণ রাগিণী॥

বকুলমুকুল রেখেছে গাঁথিয়া,

বাজিছে অঙ্গনে মিলনবাঁশরি।

আনো সাথে তোমার মন্দিরা

চঞ্চল নৃত্যের বাজিবে ছন্দে সে—

বাজিবে কঙ্কণ, বাজিবে কিঙ্কিণী,

ঝঙ্কারিবে মঞ্জীর রুণু রুণু॥

প্র: কার্তিক ১৩৪৪ (1937)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

oeSP লাইনে ঝঙ্কারিবে ⇒ ঝংকারিবে

#27 ওই আসে ওই অতি

ওই আসে ওই অতি ভৈরব হরষে

জলসিঞ্চিত ক্ষিতিসৌরভরভসে

ঘনগৌরবে নবযৌবনা বরষা

কেতকীকেশরে কেশপাশ করো সুরভি,

শ্যামগম্ভীর সরসা।

ক্ষীণ কটিতটে গাঁথি লয়ে পরো করবী॥

গুরু গর্জনে নীল অরণ্য শিহরে,

কদম্বরেণু বিছাইয়া দাও শয়নে,

উতলা কলাপী কেকাকলরবে বিহরে—

অঞ্জন আঁকো নয়নে।

নিখিলচিত্তহরষা

তালে তালে দুটি কঙ্কন কনকনিয়া

ঘনগৌরবে আসিছে মত্ত বরষা॥

ভবনশিখীরে নাচাও গণিয়া গণিয়া

স্মিতবিকশিত বয়নে—

কোথা তোরা অয়ি তরুণী পথিকললনা, কদম্বরেণু বিছাইয়া

ফুলশয়নে॥

জনপথবধু তড়িতচকিতনয়না,

মালতীমালিনী কোথা প্রিয়পরিচারিকা,

এসেছে বরষা, এসেছে নবীনা বরষা,

কোথা তোরা অভিসারিকা।

গগন ভরিয়া এসেছে ভুবনভরসা॥

ঘনবনতলে এসো ঘননীলবসনা,

দুলিছে পবনে সনসন বনবীথিকা,

ললিত নৃত্যে বাজুক স্বর্ণরসনা,

গীতময় তরুলতিকা।

আনো বীণা মনোহারিকা।

শতেক যুগের কবিদলে মিলি আকাশে

কোথা বিরহিণী, কোথা তোরা অভিসারিকা॥

ধ্বনিয়া তুলিছে মত্তমদির বাতাসে

শতেক যুগের গীতিকা।

আনো মৃদঙ্গ মুরজ মুরলী মধুরা, শতশতগীতমুখরিত

বনবীথিকা॥

প্র: বাজাও শঙ্খ, হ্লুরব করো বধুরা ১৭ বৈশাখ ১৩০৪ (1897)

দ্র: ওগো প্রিয়সুখভাগিণী। দ্র:গীতবিতান (১৯৭৩) আর রচনাবলী (১৯৮৭)
তে

তফাত: কুঞ্জকুটিরে অয়ি ভাবাকুললোচনা, ৩ স্তবকের ৫ লাইনে কুঞ্জকুটিরে
=> কুঞ্জকুটিরে ভূর্জপাতায় নবগীত করো রচনা মেঘমল্লাররাগিণী। এসেছে
বরষা, ওগো নব-অনুরাগিণী॥

#28 ঝরঝর বরিষে

ঝরঝর বরিষে বারিধারা।

হায় পথবাসী, হায় গতিহীন, হায় গৃহহারা॥

ফিরে বায়ু হাহাস্বরে, ডাকে কারে জনহীন অসীম প্রান্তরে—
রজনী আঁধারা॥

অধীরা যমুনা তরঙ্গ-আকুলা অকুলা রে, তিমিরদুকুলা রে।

নিবিড় নীরদ গগনে গরগর গরজে সঘনে,
চঞ্চলচপলা চমকে নাহি শশীতারা॥—

প্র: ২০ সেপ্টেম্বর ১৮৯৫ (1895)

#29 গহন ঘন ছাইল

গহন ঘন ছাইল গগন ঘনাইয়া।
 স্তিমিত দশ দিশি, স্তম্ভিত কানন,
 সব চরাচর আকুল— কী হবে কে জানে—
 ঘোরা রজনী, দিকললনা ভয়বিভলা॥
 চমকে চমকে সহসা দিক উজলি
 চকিতে চকিতে মাতি ছুটিল বিজলি
 থরথর চরাচর পলকে ঝলকিয়া
 ঘোর তিমিরে ছায় গগন মেদিনী
 গুরুগুরু নীরদগরজনে স্তব্ধ আঁধার ঘুমাইছে,
 সহসা উঠিল জেগে প্রচণ্ড সমীরণ কড়কড় বাজ॥—

প্র: ১৮৮২ (1882)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

7 লাইনে থরথর ⇒ থরহর

oeSP লাইনে কড়কড় ⇒ কড় কড়

#30 হেরিয়া শ্যামল ঘন

হেরিয়া শ্যামল ঘন নীল গগনে

সেই সজল কাজল আঁখি পড়িল মনে॥

অধর করুণা-মাখা, মিনতিবেদনা-আঁকা

নীরবে চাহিয়া থাকা বিদায়খনে॥

ঝরঝর ঝরে জল, বিজুলি হানে,

পবন মাতিছে বনে পাগল গানে।

আমার পরানপুটে কোনখানে ব্যথা ফুটে,

কার কথা জেগে উঠে হৃদয়কোণে॥

প্র: আশ্বিন ১৩০৪ (1897)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

2 লাইনে সেই-সজল-কাজল ⇒ সজল কাজল

oeSP লাইনে জেগে-উঠে ⇒ বেজে উঠে

#31 শাওনগগনে ঘোর

শাওনগগনে ঘোর ঘনঘটা, নিশীথযামিনী রে।
 কুঞ্জপথে, সখি, কৈসে যাওব অবলা কামিনী রে।
 উন্মদ পবনে যমুনা তর্জিত, ঘন ঘন গর্জিত মেহ।
 দমকত বিদ্যুত, পথতরু লুণ্ঠিত, থরহর কম্পিত দেহ।
 ঘন ঘন রিমঝিম রিমঝিম রিমঝিম বরখত নীরদপুঞ্জ।
 শাল-পিয়ালে তাল-তমালে নিবিড়তিমিরময় কুঞ্জ
 কহ রে সজনী, এ দুর্যোগে কুঞ্জে নিরদয় কান
 দারুণ বাঁশী কাহ বজায়ত সকরুণ রাধা নাম।
 মোতিম হারে বেশ বনা দে, সীঁথি লগা দে ভালে।
 উরহি বিলুণ্ঠিত লোল চিকুর মম বাঁধহ চম্পকমালে।
 গহন রয়নমে ন যাও, বালা, নওলকিশোরক পাশ।
 গরজে ঘন ঘন, বহু ডর পাওব, কহে ভানু তব দাস॥

প্র: আশ্বিন ১২৮৪ (1877)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

2 লাইনে কুঞ্জপথে, সখি, ⇒ কুঞ্জপথে সখি,

4 লাইনে পথতরু লুপ্তিত, থরহর কম্পিত ⇒ পথতরু লুপ্তিত, থরহর কম্পিত

5 লাইনে রিমঝিম ⇒ রিমঝিম

8 লাইনে কাহ-বজায়ত ⇒ কাহে বজায়ত

10 লাইনে উরহি বিলুপ্তিত লোল চিকুর ⇒ উরহি বিলোলিত শিখিল চিকুর

11 লাইনে ন যাও, বালা, ⇒ ন যাও বালা,

oeSP লাইনে ডর-পাওব ⇒ ডর খাওব

#32 মেঘের পরে মেঘ জমেছে

মেঘের পরে মেঘ জমেছে, আঁধার করে আসে।

আমায় কেন বসিয়ে রাখ একা দ্বারের পাশে॥

কাজের দিনে নানা কাজে থাকি নানা লোকের মাঝে,

আজ আমি যে বসে আছি তোমারি আশ্বাসে॥

তুমি যদি না দেখা দাও, কর আমায় হেলা,

কেমন করে কাটে আমার এমন বাদল-বেলা।

দূরের পানে মেলে আঁখি কেবল আমি চেয়ে থাকি,

পরান আমার কেঁদে বেড়ায় দুরন্ত বাতাসে॥

প্র: আষাঢ় ১৩১৬ (1909)

#33 আষাঢ়সন্ধ্যা ঘনিয়ে এল

আষাঢ়সন্ধ্যা ঘনিয়ে এল, গেল রে দিন বয়ে।

বাঁধন-হারা বৃষ্টিধারা ঝরছে রয়ে রয়ে॥

একলা বসে ঘরের কোণে কী ভাবি যে আপন-মনে,

সজল হাওয়া যুথীর বনে কী কথা যায় কয়ে॥

হৃদয়ে আজ ঢেউ দিয়েছে, খুঁজে না পাই কূল—

সৌরভে প্রাণ কাঁদিয়ে তোলে ভিজে বনের ফুল।

আঁধার রাতে প্রহরগুলি কোন সুরে আজ ভরিয়ে তুলি,

কোন ভুলে আজ সকল ভুলি আছি আকুল হয়ে॥

প্র: ২৯ আষাঢ় ১৩১৬ (1909)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

১ লাইনে র শেষে '।' র বদলে ', '।

#34 আজ বারি ঝরে ঝরঝর

আজ বারি ঝরে ঝরঝর ভরা বাদরে,
 আকাশ-ভাঙা আকুল ধারা কোথাও না ধরে॥

শালের বনে থেকে থেকে ঝড় দোলা দেয় হেঁকে হেঁকে,
 জল ছুটে যায় ঐকে বেঁকে মাঠের 'পরে।

আজ মেঘের জটা উড়িয়ে দিয়ে নৃত্য কে করে॥

ওরে বৃষ্টিতে মোর ছুটেছে মন, লুটেছে এই ঝড়ে—
 বুক ছাপিয়ে তরঙ্গ মোর কাহার পায়ে পড়ে।

অন্তরে আজ কী কলরোল, দ্বারে দ্বারে ভাঙল আগল—
 হৃদয়-মাঝে জাগল পাগল আজি ভাদরে।

আজ এমন ক'রে কে মেতেছে বাহিরে ঘরে॥

প্র: ১৪ ভাদ্র ১৩১৬ (1909)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

5 লাইনে আজ ⇒ আজি

#35 কাঁপিছে দেহলতা

কাঁপিছে দেহলতা থরথর,
চোখের জলে আঁখি ভরভর॥
দোদুল তমালেরই বনছায়া তোমারি নীল বাসে নিল কায়া,
বাদল-নিশীথেরই ঝরঝর
তোমারি আঁখি-’পরে ভরভর॥
যে কথা ছিল তব মনে মনে
চমকে অধরের কোণে কোণে।
নীরব হিয়া তব দিল ভরি কী মায়া স্বপনে যে, মরি মরি,
আঁধার কাননের মরমর
বাদল-নিশীথের ঝরঝর॥

প্র: ভাদ্র ১৩২৪ (1917)

#36 আমার দিন ফুরালো

আমার দিন ফুরালো ব্যাকুল বাদলসাঁঝে
 গহন মেঘের নিবিড় ধারার মাঝে॥
 বনের ছায়ায় জলছলছল সুরে
 হৃদয় আমার কানায় কানায় পূরে
 খনে খনে ওই গুরুগুরু তালে তালে
 গগনে গগনে গভীর মৃদঙ বাজে॥
 কোন দূরের মানুষ যেন এল আজ কাছে,
 তিমির-আড়ালে নীরবে দাঁড়ায়ে আছে।
 বুকে দোলে তার বিরহব্যথার মালা
 গোপন-মিলন-অমৃতগন্ধ-ঢালা।
 মনে হয় তার চরণের ধ্বনি জানি—
 হার মানি তার অজানা জনের সাজে॥

প্র: পৌষ ১৩২৬ (1920)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

3 লাইনে জলছলছল ⇒ **জল-ছলছল**

4 লাইনে পূরে ⇒ **পূরে**

10 লাইনে গোপন-মিলন-অমৃতগন্ধ-ঢালা ⇒ **গোপন মিলন অমৃতগন্ধ ঢালা**

#37 বাদল-মেঘে মাদল বাজে

বাদল-মেঘে মাদল বাজে গুরুগুরু গগন-মাঝে॥
 তারি গভীর রোলে আমার হৃদয় দোলে,
 আপন সুরে আপনি ভোলে॥
 কোথায় ছিল গহন প্রাণে গোপন ব্যথা গোপন গানে—
 আজি সজল বায়ে শ্যামল বনের ছায়ে
 ছড়িয়ে গেল সকলখানে গানে গানে॥

প্র: ১০ ভাদ্র ১৩২৮ (1921)

#38 ওগো আমার শ্রাবণমেঘের

ওগো আমার শ্রাবণমেঘের খেয়াতরীর মাঝি,
অশ্রুভরা পুরব হাওয়ায় পাল তুলে দাও আজি॥

উদাস হৃদয় তাকায়ে রয়, বোঝা তাহার নয় ভারী নয়,
পুলক-লাগা এই কদম্বের একটি কেবল সাজি॥

ভোরবেলা যে খেলার সাথি ছিল আমার কাছে,
মনে ভাবি, তার ঠিকানা তোমার জানা আছে।

তাই তোমারি সারিগানে সেই আঁখি তার মনে আনে,
আকাশ-ভরা বেদনাতে রোদন উঠে বাজি॥

প্র: ১১ ভাদ্র ১৩২৮ (1921)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

5 লাইনে সঞ্খি ⇒ সাথী

#39 **তিমির-অবগুণ্ঠনে**

তিমির-অবগুণ্ঠনে বদন তব ঢাকি
 কে তুমি মম অঙ্গনে দাঁড়ালে একাকী॥
 আজি সঘন শর্বরী, মেঘমগন তারা,
 নদীর জলে ঝাঝরি ঝরিছে জলধারা,
 তমালবন মর্মরি পবন চলে হাঁকি॥
 যে কথা মম অন্তরে আনিছ তুমি টানি
 জানি না কোন মন্তরে তাহারে দিব বাণী।
 রয়েছে বাঁধা বন্ধনে, ছিঁড়িব, যাব বাটে—
 যেন এ বৃথা ক্রন্দনে এ নিশি নাই কাটে।
 কঠিন বাধা-লঙ্ঘনে দিব না আমি ফাঁকি॥

প্র: ১৩ ভাদ্র ১৩২৮ (1921)

#40 আকাশতলে দলে দলে

আকাশতলে দলে দলে মেঘ যে ডেকে যায়

‘আ য় আ য় আয়’॥

জামের বনে আমের বনে রব উঠেছে তাই—

‘যা ই যা ই যাই’।

উড়ে যাওয়ার সাধ জাগে তার পুলক-ভরা ডালে

পাতায় পাতায়॥

নদীর ধারে বারে বারে মেঘ যে ডেকে যায়—

‘আ য় আ য় আয়’।

কাশের বনে ক্ষণে ক্ষণে রব উঠেছে তাই—

‘যা ই যা ই যাই’॥

মেঘের গানে তরীগুলি তান মিলিয়ে চলে

পাল-তোলা পাখায়॥

প্র: ২৪ আষাঢ় ১৩৩০ (1923)

#41 কদম্বেরই কানন ঘেরি

কদম্বেরই কানন ঘেরি আষাঢ়মেঘের ছায়া খেলে,
পিয়ালগুলি নাটের ঠাটে হাওয়ায় হেলে॥

বরষনের পরশনে শিহর লাগে বনে বনে,
বিরহী এই মন যে আমার সুদূর-পানে পাখা মেলে॥

আকাশপথে বলাকা ধায় কোন সে অকারণের বেগে,
পূব হাওয়াতে ঢেউ খেলে যায় ডানার গানের তুফান লেগে।

ঝিল্লিমুখর বাদল-সাঁঝে কে দেখা দেয় হৃদয়-মাঝে,
স্বপনরূপে চুপে চুপে ব্যথায় আমার চরণ ফেলে॥

প্র: ভাদ্র ১৩৩০ (1923)

#42 আষাঢ়, কোথা হতে আজ

আষাঢ়, কোথা হতে আজ পেলি ছাড়া।

মাঠের শেষে শ্যামল বেশে ক্ষণেক দাঁড়া॥

জয়ধ্বজা ওই-যে তোমার গগন জুড়ে।

পুব হতে কোন পশ্চিমেতে যায় রে উড়ে,

গুরু গুরু ভেরী কারে দেয় যে সাড়া॥

নাচের নেশা লাগল তালের পাতায় পাতায়,

হাওয়ার দোলায় দোলায় শালের বনকে মাতায়।

আকাশ হতে আকাশে কার ছুটোছুটি,

বনে বনে মেঘের ছায়ায় লুটোপুটি—

ভরা নদীর ঢেউয়ে ঢেউয়ে কে দেয় নাড়া॥

প্র: আশ্বিন ১৩৩০ (1923)

ছায়া ঘনাইছে বনে বনে, গগনে গগনে ডাকে দেয়া।
কবে নবঘন-বরিষনে গোপনে গোপনে এলি কেয়া॥
পুরবে নীরব ইশারাতে একদা নিদ্রাহীন রাতে
হাওয়াতে কী পথে দিলি খেয়া—
আষাঢ়ের খেয়ালের কোন খেয়া॥
যে মধু হৃদয়ে ছিল মাখা কাঁটাতে কী ভয়ে দিলি ঢাকা।
বুঝি এলি যার অভিসারে মনে মনে দেখা হল তারে,
আড়ালে আড়ালে দেয়া-নেয়া—
আপনায় লুকায়ে দেয়া-নেয়া॥

প্র: কার্তিক ১৩৩০ (1923)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

2 লাইনে নবঘন-বরিষনে $\Rightarrow$ নবঘন বরিষনে রচনাবলীতে শেষ লাইনে
‘আপনায় লুকায়ে দেয়া-নেয়া’ নেই।

#44 এই শ্রাবণ-বেলা বাদল-ঝরা

এই শ্রাবণ-বেলা বাদল-ঝরা যুথীবনের গল্পে ভরা॥
 কোন ভোলা দিনের বিরহিণী, যেন তারে চিনি চিনি—
 ঘন বনের কোণে কোণে ফেরে ছায়ার-ঘোমটা-পরা॥
 কেন বিজন বাটের পানে তাকিয়ে আছি কে তা জানে।
 হঠাৎ কখন অজানা সে আসবে আমার দ্বারের পাশে,
 বাদল-সাঁঝের আঁধার-মাঝে গান গাবে প্রাণ-পাগল-করা॥

প্র: অগ্রহায়ণ ১৩৩০ (1923)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

3 লাইনে ছায়ার-ঘোমটা-পরা ⇒ ছায়ার ঘোমটা পরা

5 লাইনে হঠাৎ কখন ⇒ যেন হঠাৎ কখন

#45 শ্রাবণবরিষন পার হয়ে

শ্রাবণবরিষন পার হয়ে কী বাণী আসে ওই রয়ে রয়ে॥
 গোপন কেতকীর পরিমলে, সিক্ত বকুলের বনতলে,
 দূরের আঁখিজল বয়ে বয়ে কী বাণী আসে ওই রয়ে রয়ে॥
 কবির হিয়াতলে ঘুরে ঘুরে আঁচল ভরে লয় সুরে সুরে।
 বিজনে বিরহীর কানে কানে সজল মল্লার-গানে-গানে
 কাহার নামখানি কয়ে কয়ে
 কী বাণী আসে ওই রয়ে রয়ে॥

প্র: শ্রাবণ ১৩৩১ (1924)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

5 লাইনে মল্লার-গানে-গানে ⇒ মল্লার গানে গানে

#46 আজ কিছুতেই যায় না

আজ কিছুতেই যায় না মনের ভার,
 দিনের আকাশ মেঘে অন্ধকার হয় রে॥—
 মনে ছিল আসবে বুঝি, আমায় সে কি পায় নি খুঁজি—
 না-বলা তার কথাখানি জাগায় হাহাকার॥
 সজল হাওয়ায় বারে বারে
 সারা আকাশ ডাকে তারে।
 বাদল-দিনের দীর্ঘশ্বাসে জানায় আমায় ফিরবে না সে—
 বুক ভরে সে নিয়ে গেল বিফল অভিসার॥

প্র: আষাঢ় ১৩৩১ (1924)

#47 গহন রাতে শ্রাবণধারা

গহন রাতে শ্রাবণধারা পড়িছে ঝরে,
কেন গো মিছে জাগাবে ওরে॥
এখনো দুটি আঁখির কোণে যায় যে দেখা
জলের রেখা,
না-বলা বাণী রয়েছে যেন অধর ভরে॥
নাহয় যেয়ো গুঞ্জরিয়া বীণার তারে
মনের কথা শয়নদ্বারে।
নাহয় রেখো মালতীকলি শিথিল কেশে
নীরবে এসে,
নাহয় রাখী পরায়ে যেয়ো ফুলের ডোরে।
কেন গো মিছে জাগাবে ওরে॥

প্র: শ্রাবণ ১৩৩২ (1925)

#48 যেতে দাও গেল যারা

যেতে দাও যেতে দাও গেল যারা।
 তুমি যেয়ো না, তুমি যেয়ো না,
 আমার বাদলের গান হয় নি সারা॥
 কুটিরে কুটিরে বন্ধ দ্বার, নিভৃত রজনী অন্তকার,
 বনের অঞ্চল কাঁপে চঞ্চল অধীর সমীর ত্রাস্কারা॥—
 দীপ নিবেছে নিবুক নাকো, আঁধারে তব পরশ রাখো।
 বাজুক কাঁকন তোমার হাতে আমার গানের তালের সাথে,
 যেমন নদীর ছলোছলো জলে ঝরে ঝরোঝরো
 শ্রাবণধারা॥

প্র: শ্রাবণ ১৩৩২ (1925)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

4 লাইনে কুটিরে ⇒ কুটীরে

oeSP লাইনে ছলোছলো, ঝরোঝরো ⇒ ছলপছল, ঝরঝর

#49 ভেবেছিলেম আসবে ফিরে

ভেবেছিলেম আসবে ফিরে,
 তাই ফাগুনশেষে দিলেম বিদায়।
 তুমি গেলে ভাসি নয়ননীরে
 এখন শ্রাবণদিনে মরি দ্বিধায়॥
 এখন বাদল-সাঁঝের অন্ধকারে আপনি কাঁদাই
 আপনারে,
 একা ঝরো ঝরো বারিধারে ভাবি কী ডাকে
 ফিরাব তোমায়॥

যখন থাক আঁখির কাছে
 তখন দেখি ভিতর বাহির সব ভরে আছে।
 সেই ভরা দিনের ভরসাতে চাই বিরহের ভয় ঘোচাতে,
 তবু তোমা-হারা বিজন রাতে
 কেবল হারাই-হারাই বাজে হিয়ায়॥

প্র: শ্রাবণ ১৩৩০ (1923)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

৬ লাইনে ঝরো-ঝরো ⇒ ঝর ঝর

#50 আজি ওই আকাশ-'পরে

আজি ওই আকাশ-'পরে সুধায় ভরে আষাঢ়-মেঘের ফাঁক।

হৃদয়-মাঝে মধুর বাজে কী উৎসবের শাঁখ॥

একি হাসির বাঁশির তান, একি চোখের জলের গান—

পাই নে দিশে কে জানি সে দিল আমায় ডাক॥

আমায় নিরুদ্দেশের পানে কেমন করে টানে এমন করুণ গানে।

ওই পথের পারের আলো আমার লাগল চোখে ভালো,

গগনপারে দেখি তারে সুদূর নির্বাক॥

প্র: শ্রাবণ ১৩৩২ (1925)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

2 লাইনে হৃদয়-মাঝে ⇒ আমার হৃদয়-মাঝে

#51 ও আষাঢ়ের পূর্ণিমা

ও আষাঢ়ের পূর্ণিমা আমার, আজি রইলে আড়ালে—

স্বপনের আবরণে লুকিয়ে দাঁড়ালে॥

আপনারই মনে জানি না একেলা হৃদয়-আঙিনায় করিছ কী খেলা—

তুমি আপনায় খুঁজিয়া ফেরো কি তুমি আপনায় হারালে॥

একি মনে রাখা একি ভুলে যাওয়া।

একি স্রোতে ভাসা, একি কূলে যাওয়া।

কভুবা নয়নে কভুবা পরানে কর লুকোচুরি কেন যে কে জানে।

কভুবা ছায়ায় কভুবা আলোয় কোন দোলায় যে নাড়ালে॥

প্র: ভাদ্র ১৩৩২ (1925)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

1 লাইনে ও-আষাঢ়ের ⇒ ওগো আষাঢ়ের

#52 শ্যামল ছায়া

শ্যামল ছায়া, নাইবা গেলে

শেষ বরষার ধারা ঢেলে॥

সময় যদি ফুরিয়ে থাকে— হেসে বিদায় করো তাকে,

এবার নাহয় কাটুক বেলা অসময়ের খেলা খেলে॥

মলিন, তোমার মিলাবে লাজ—

শরৎ এসে পরাবে সাজ।

নবীন রবি উঠবে হাসি, বাজাবে মেঘ সোনার বাঁশি—

কালোয় আলোয় যুগলরূপে শূন্যে দেবে মিলন মেলে॥

প্র: ভাদ্র ১৩৩২ (1925)

#53 আহ্বান আসিল মহো সবে

আহ্বান আসিল মহো সবে
 অম্বরে গম্ভীর ভেরিরবে॥
 পূর্ববায়ু চলে ডেকে শ্যামলের অভিষেকে—
 অরণ্যে অরণ্যে নৃত্য হবে॥
 নির্ঝরকল্লোল-কলকলে
 ধরণীর আনন্দ উচ্ছলে।
 শ্রাবণের বীণাপাণি মিলালো বর্ষণবাণী
 কদম্বের পল্লবে পল্লবে॥

প্র: ১০ শ্রাবণ ১৩৩৬ (1929)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

2 লাইনে ভেরিরবে ⇒ ভেরীরবে

#54 **কোন পুরাতন প্রাণের টানে**

কোন পুরাতন প্রাণের টানে

ছুটেছে মন মাটির পানে॥

চোখ ডুবে যায় নবীন ঘাসে, ভাবনা ভাসে পূব-বাতাসে—

মল্লারগান প্লাবন জাগায় মনের মধ্যে শ্রাবণ-গানে॥

লাগল যে দোল বনের মাঝে

অঙ্গে সে মোর দেয় দোলা যে।

যে বাণী ওই ধানের ক্ষেতে আকুল হল অক্ষুরেতে

আজ এই মেঘের শ্যামল মায়ায়

সেই বাণী মোর সুরে আনে॥

প্র: ১৩ শ্রাবণ ১৩৩৬ (1929)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

3 লাইনে পূব-বাতাসে ⇒ **পূব বাতাসে**

7 লাইনে ক্ষেতে ⇒ **খেতে**

#55 নীল-অঞ্জনঘন

নীল- অঞ্জনঘন পুঞ্জছায়ায় সমবৃত্ত অম্বর হে গম্ভীর!
 বনলক্ষ্মীর কম্পিত কায়, চঞ্চল অন্তর—
 ঝঙ্কৃত তার ঝিল্লির মঞ্জীর হে গম্ভীর॥
 বর্ষণগীত হল মুখরিত মেঘমন্দির ছন্দে,
 কদম্ববন গভীর মগন আনন্দঘন গঞ্জে—
 নন্দিত তব উৎসবমন্দির হে গম্ভীর॥
 দহনশয়নে তপ্ত ধরণী পড়েছিল পিপাসার্তা,
 পাঠালে তাহারে ইন্দ্রোজ্বল অমৃতবারির বার্তা।
 মাটির কঠিন বাধা হল ক্ষীণ, দিকে দিকে হল দীর্ণ—
 নব-অঙ্কুর-জয়পতাকায় ধরাতল সমাকীর্ণ—
 ছিন্ন হয়েছে বন্ধন বন্দীর হে গম্ভীর॥

প্র: ২৬ শ্রাবণ ১৩৩৬ (1929)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

৩ লাইনে ঝঙ্কৃত ⇒ ঝংকৃত

৭ লাইনে ' হে গম্ভীর' নেই।

#56 আজ শ্রাবণের আমন্ত্রণে

আজ শ্রাবণের আমন্ত্রণে
 দুয়ার কাঁপে ক্ষণে ক্ষণে,
 ঘরের বাঁধন যায় বুঝি আজ টুটে॥
 ধরিত্রী তাঁর অঙ্গনেতে নাচের তালে ওঠেন মেতে,
 চঞ্চল তাঁর অঞ্চল যায় লুটে॥
 প্রথম যুগের বচন শুনি মনে
 নবশ্যামল প্রাণের নিকেতনে।
 পূব-হাওয়া ধায় আকাশতলে, তার সাথে মোর ভাবনা চলে
 কালহারা কোন কালের পানে ছুটে॥

প্র: াবণ ১৩৩৬ (1929)

#57 পথিক মেঘের দল জোটে

পথিক মেঘের দল জোটে ওই শ্রাবণগগন-অঙ্গনে।
 শোন শোন রে, মন রে আমার, উধাও হয়ে নিরুদ্দেশের সঙ্গ নে॥
 দিক-হারানো দুঃসাহসে সকল বাঁধন পুড়ুক খসে,
 কিসের বাধা ঘরের কোণের শাসনসীমা-লঙ্ঘনে॥
 বেদনা তোর বিজুলশিখা জ্বলুক অন্তরে।
 সর্বনাশের করিস সাধন বজ্রমন্তরে।
 অজানাতে করবি গাহন, ঝড় সে পথের হবে বাহন—
 শেষ করে দিস আপনারে তুই প্রলয় রাতের ক্রন্দনে॥

প্র: ২৫ আষাঢ় ১৩৩০ (1923)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

২ লাইনে রচনাবলীতে 'শোন শোন রে' নেই।

#58 বজ্রমানিক দিয়ে গাঁথা

বজ্রমানিক দিয়ে গাঁথা, আষাঢ়, তোমার মালা।
 তোমার শ্যামল শোভার বুকে বিদ্যুতেরই জ্বালা॥
 তোমার মন্ত্রবলে পাষণ গলে, ফসল ফলে—
 মরু বহে আনে তোমার পায়ে ফুলের ডালা॥
 মরোমরো পাতায় পাতায় ঝরোঝরো বারির রবে
 গুরুগুরু মেঘের মাদল বাজে তোমার কী উৎসবে।
 সবুজ সুধার ধারায় প্রাণ এনে দাও তপ্ত ধরায়,
 বামে রাখ ভয়ঙ্করী বন্যা মরণ-ঢালা॥

প্র: শ্রাবণ ১৩৩২ (1925)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

1 লাইনে আষাঢ়, তোমার মালা ⇒ আষাঢ় তোমার মালা

5 লাইনে মরোমরো, ঝরোঝরো ⇒ মরমর, ঝরঝর

oeSP লাইনে ভয়ঙ্করী ⇒ ভয়ংকরী

#59 ওরে ঝড় নেমে আয়

ওরে ঝড় নেমে আয়, আয় রে আমার শুকনো পাতার ডালে
 এই বরষায় নবশ্যামের আগমনের কালে॥
 যা উদাসীন, যা প্রাণহীন, যা অনন্দহারা,
 চরম রাতের অশ্রুধারায় আজ হয়ে যাক সারা—
 যাবার যাহা যাক সে চলে রুদ্ধ নাচের তালে॥
 আসন আমায় পাততে হবে রিত্ত প্রাণের ঘরে,
 নবীন বসন পরতে হবে সিক্ত বুকের 'পরে।
 নদীর জলে বান ডেকেছে, কূল গেল তার ভেসে,
 যুথীবনের গন্ধবাণী ছুটল নিরুদ্দেশে—
 পরান আমার জাগল বুঝি মরণ-অন্তরালে॥

প্র: ৩ শ্রাবণ ১৩৩৬ (1929)

#60 এই শ্রাবণের বুকের ভিতর

এই শ্রাবণের বুকের ভিতর আগুন আছে।

সেই আগুনের কালোরূপ যে আমার চোখের 'পরে
নাচে॥

ও তার শিখার জটা ছড়িয়ে পড়ে দিক হতে ওই
দিগন্তরে,

তার কালো আভার কাঁপন দেখো তালবনের ওই গাছে গাছে॥
বাদল-হাওয়া পাগল হল সেই আগুনের হুহুঙ্কারে।

দুন্দুভি তার বাজিয়ে বেড়ায় মাঠ হতে কোন মাঠের পারে।

ওরে, সেই আগুনের পুলক ফুটে কদম্ববন রঙিয়ে উঠে,
সেই আগুনের বেগ লাগে আজ আমার গানের পাখার পাছে॥

প্র: ১৫ ভাদ্র ১৩২৮ (1921)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

5 লাইনে হুহুঙ্কারে ⇒ হুহুংকারে

#61 মেঘের কোলে কোলে

মেঘের কোলে কোলে যায় রে চলে বকের পাঁতি।
 ওরা ঘর-ছাড়া মোর মনের কথা যায় বুঝি ওই গাঁথি গাঁথি॥
 সুদূরের বীণার স্বরে কে ওদের হৃদয়
 হরে
 দুরাশার দুঃসাহসে উদাস করে—
 সে কোন উধাও হাওয়ার পাগলামিতে পাখা ওদের ওঠে মাতি॥
 ওদের ঘুম ছুটেছে, ভয় টুটেছে একেবারে,
 অলক্ষ্যেতে লক্ষ ওদের— পিছন-পানে তাকায় না রে॥
 যে বাসা ছিল জানা সে ওদের দিল
 হানা,
 না-জানার পথে ওদের নাই রে মানা—
 ওরা দিনের শেষে দেখেছে কোন মনোহরণ আঁধার রাতি॥

প্র: ১৭ ভাদ্র ১৩২৮ (1921)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

5 লাইনে ~~সে কোন~~ ⇒ **সে কোন**

7 লাইনে ~~লক্ষ~~ ⇒ **লক্ষ্য**

#62 উতল-ধারা বাদল ঝরে

উতল-ধারা বাদল ঝরে। সকল বেলা একা ঘরে॥

সজল হাওয়া বহে বেগে, পাগল নদী ওঠে জেগে,
 আকাশ ঘেরে কাজল মেঘে, তমাল বনে আঁধার করে॥
 ওগো বঁধু, দিনের শেষে এলে তুমি কেমন বেশে—
 আঁচল দিয়ে শুকাব জল, মুছাব পা আকুল কেশে।
 নিবিড় হবে তিমির-রাতি, জ্বলে দেব প্রেমের বাতি,
 পরানখানি দেব পাতি— চরণ রেখো তাহার 'পরে॥
 ভুলে গিয়ে জীবন মরণ লব তোমায় ক'রে বরণ—
 করিব জয় শরম-ত্রাসে, দাঁড়াব আজ তোমার পাশে—
 বাঁধন বাধা যাবে জ্বলে, সুখ দুঃখ দেব দ'লে,
 ঝড়ের রাতে তোমার সাথে বাহির হব অভয়ভরে॥
 উতল-ধারা বাদল ঝরে, দুয়ার খুলে এলে ঘরে।
 চোখে আমার বলক লাগে, সকল মনে পুলক জাগে,
 চাহিতে চাই মুখের বাগে- নয়ন মেলে কাঁপি ডরে॥

প্র: আশ্বিন ১৩১৮ (1911)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

1 লাইনে উতল-ধারা বাদল ঝরে। ⇒ উতল-ধারা বাদল ঝরে,

#63 ওই-যে ঝড়ের মেঘের

ওই-যে ঝড়ের মেঘের কোলে

বৃষ্টি আসে মুত্তকেশে আঁচলখানি দোলে॥

ওরই গানের তালে তালে আমে জামে শিরীষ শালে

নাচন লাগে পাতায় পাতায় আকুল কল্লোলে।

আমার দুই আঁখি ওই সুরে

যায় হারিয়ে সজল ধারায় ওই ছায়াময় দূরে।

ভিজে হাওয়ায় থেকে থেকে কোন সাথি মোর যায় যে ডেকে,

একলা দিনের বুকের ভিতর ব্যথার তুফান তোলে॥

প্র: ২২ শ্রাবণ ১৩২৯ (1922)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

7 লাইনে সার্থি ⇒ সাথী

#64 কখন বাদল-ছোঁওয়া

কখন বাদল-ছোঁওয়া লেগে

মাঠে মাঠে ঢাকে মাটি সবুজ মেঘে মেঘে॥

ওই ঘাসের ঘনঘোরে

ধরণীতল হল শীতল চিকন আভায় ভ'রে—

ওরা হঠাৎ -গাওয়া গানের মতো এল প্রাণের বেগে॥

ওরা যে এই প্রাণের রণে মরুজয়ের সেনা,

ওদের সাথে আমার প্রাণের প্রথম যুগের চেনা—

তাই এমন গভীর স্বরে

আমার আঁখি নিল ডাকি ওদের খেলাঘরে—

ওদের দোল দেখে আজ প্রাণে আমার দোলা ওঠে জেগে॥

প্র: ২৮ জ্যৈষ্ঠ ১৩২৯ (1922)

#65 আজ নবীন মেঘের সুর

আজ নবীন মেঘের সুর লেগেছে আমার মনে।
আমার ভাবনা যত উতল হল অকারণে॥
কেমন ক'রে যায় যে ডেকে, বাহির করে ঘরের থেকে,
 ছায়াতে চোখ ফেলে ছেয়ে ক্ষণে ক্ষণে॥
 বাঁধনহারা জলধারার কলরোলে
 আমারে কোন পথের বাণী যায় যে ব'লে।
সে পথ গেছে নিরুদ্দেশে মানসলোকে গানের শেষে
 চিরদিনের বিরহিণীর কুঞ্জবনে॥

প্র: ২ আষাঢ় ১৩২৯ (1922)

#66 আজ আকাশের মনের কথা

আজ আকাশের মনের কথা ঝরো ঝরো বাজে

সারা প্রহর আমার বুকের মাঝে॥

দিঘির কালো জলের 'পরে মেঘের ছায়া ঘনিয়ে ধরে,

বাতাস বহে যুগান্তরের প্রাচীন বেদনা যে

সারা প্রহর আমার বুকের মাঝে॥

আঁধার বাতায়নে

একলা আমার কানাকানি ওই আকাশের সনে।

লানস্মৃতির বাণী যত পল্লবমর্মরের মতো

সজল সুরে ওঠে জেগে ঝিল্লিমুখর সাঁঝে

সারা প্রহর আমার বুকের মাঝে॥

প্র: ২২ শ্রাবণ ১৩২৯ (1922)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

1 লাইনে ঝরো-ঝরো ⇒ **ঝর ঝর**

#67 এই সকাল বেলার বাদল-আঁধারে

এই সকাল বেলার বাদল-আঁধারে
 আজি বনের বীণায় কী সুর বাঁধা রে॥
 ঝরো ঝরো বৃষ্টিকলরোলে তালের পাতা মুখর ক'রে তোলে রে,
 উতল হাওয়া বেগুশাখায় লাগায় ধাঁদা রে॥
 ছায়ার তলে তলে জলের ধারা ওই
 হেরো দলে দলে নাচে তাইথে থৈ তাইথে থৈ।—

মন যে আমার পথ-হারানো সুরে সকল আকাশ বেড়ায় ঘুরে
 ঘুরে রে
 শোনে যেন কোন ব্যাকুলের করুণ কাঁদা রে॥

প্র: ২০ জ্যৈষ্ঠ ১৩২৯ (1922)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

৩, ৭ লাইনের শেষে 'রে' নেই।

#68 পুব-সাগরের পার হতে

পুব-সাগরের পার হতে কোন এল পরবাসী—

শূন্যে বাজায় ঘন ঘন হাওয়ায় হাওয়ায় সন সন
সাপ খেলাবার বাঁশি॥

সহসা তাই কোথা হতে কুলু কুলু কলস্রোতে
দিকে দিকে জলের ধারা ছুটেছে উল্লাসী॥

আজ দিগন্তে ঘন ঘন গভীর গুরু গুরু ডমরুরব হয়েছে
ওই শুরু।

তাই শুনে আজ গগনতলে পলে পলে দলে দলে
অগ্নিবরন নাগ নাগিনী ছুটেছে উদাসী॥

প্র: ২২ শ্রাবণ ১৩২৯ (1922)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

2 লাইনে সন-সন ⇒ **সনসন**

5 লাইনে উল্লাসী ⇒ **উল্লাসি**

#69 আজি বর্ষারাতের শেষে

আজি বর্ষারাতের শেষে

সজল মেঘের কোমল কালোয় অরুণ আলো মেশে॥

বেণুবনের মাথায় মাথায় রঙ লেগেছে পাতায় পাতায়,

রঙের ধারায় হৃদয় হারায়, কোথা যে যায় ভেসে॥

এই ঘাসের ঝিলিমিলি,

তার সাথে মোর প্রাণের কাঁপন এক তালে যায় মিলি।

মাটির প্রেমে আলোর রাগে রক্তে আমার পুলক লাগে—

বনের সাথে মন যে মাতে, ওঠে আকুল হেসে॥

প্র: ২৩ জ্যৈষ্ঠ ১৩২৯ (1922)

#70 শ্রাবণমেঘের আধেক

শ্রাবণমেঘের আধেক দুয়ার ওই খোলা,
 আড়াল থেকে দেয় দেখা কোন পথ-ভোলা॥
 ওই-যে পুরব-গগন জুড়ে উত্তরী তার যায় রে উড়ে,
 সজল হাওয়ার হিন্দোলাতে দেয় দোলা॥
 লুকাবে কি প্রকাশ পাবে কেই জানে—
 আকাশে কি ধরায় বাসা কোনখানে।
 নানা বেশে ক্ষণে ক্ষণে ওই তো আমার লাগায় মনে
 পরশখানি নানা-সুরের-চেউ-তোলা॥

প্র: ২৯ আষাঢ় ১৩২৯ (1922)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

oeSP লাইনে ~~নানা-সুরের-চেউ-তোলা~~ ⇒ **নানা সুরের চেউ তোলা**

#71 বহু যুগের ও পার হতে

বহু যুগের ও পার হতে আষাঢ় এল আমার মনে,
 কোন সে কবির ছন্দ বাজে ঝরো ঝরো বরিষনে॥
 যে মিলনের মালাগুলি ধুলায় মিশে হল ধূলি
 গন্ধ তারি ভেসে আসে আজি সজল সমীরণে॥
 সে দিন এমনি মেঘের ঘটা রেবানদীর তীরে,
 এমনি বারি ঝরেছিল শ্যামলশৈলশিরে।
 মালবিকা অনিমিখে চেয়ে ছিল পথের দিকে,
 সেই চাহনি এল ভেসে কালো মেঘের ছায়ার সনে॥

প্র: আষাঢ় ১৩২৯ (1922)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

2 লাইনে ঝরো-ঝরো ⇒ **ঝর ঝর**

#72 বাদল-বাউল বাজায় রে

বাদল-বাউল বাজায় রে একতারা-

সারা বেলা ধ'রে ঝরঝরো ঝরো ধারা॥

জামের বনে ধানের ক্ষেতে আপন তানে আপনি মেতে
নেচে নেচে হল সারা॥

ঘন জটার ঘটা ঘনায় আঁধার আকাশ-মাঝে,

পাতায় পাতায় টুপুর টুপুর নুপুর মধুর বাজে।

ঘর-ছাড়ানো আকুল সুরে উদাস হয়ে বেড়ায় ঘুরে
পুবে হাওয়া গৃহহারা॥

প্র: ২২ শ্রাবণ ১৩২৯ (1922)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

2 লাইনে ঝরঝরো ঝরো ঝরো ⇒ ঝরঝরঝর

#73 একি গভীর বাণী এল

একি গভীর বাণী এল ঘন মেঘের আড়াল ধ'রে
 সকল আকাশ আকুল ক'রে॥

সেই বাণীর পরশ লাগে, নবীন প্রাণের বাণী
 জাগে,

হঠাৎ দিকে দিগন্তরে ধরার হৃদয় ওঠে ভরে॥

সে কে বাঁশি বাজিয়েছিলে কবে প্রথম সুরে তালে,
 প্রাণেরে ডাক দিয়েছিল সুদূর আঁধার আদিকালে॥

তার বাঁশির ধ্বনিখানি আজ আষাঢ় দিল আনি,
 সেই অগোচরের তরে আমার হৃদয় নিল হরে॥

প্র: ২২ শ্রাবণ ১৩২৯ (1922)

#74 আজি হৃদয় আমার যায়

আজি হৃদয় আমার যায় যে ভেসে
 যার পায় নি দেখা তার উদ্দেশে॥
 বাঁধন ভোলে, হাওয়ায় দোলে, যায় সে বাদল-মেঘের
 কোলে রে
 কোন-সে অসম্ভবের দেশে॥
 সেথায় বিজন সাগরকূলে
 শ্রাবণ ঘনায় শৈলমূলে।
 রাজার পুরে তমালগাছে নূপুর শুনে ময়ূর নাচে রে
 সুদূর তেপান্তরের শেষে॥

প্র: ২২ শ্রাবণ ১৩২৯ (1922)

ড্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

1 লাইনে আজি হৃদয় আমার যায় যে ভেসে ⇒ আমার হৃদয় আজি যায় যে
ভেসে

#75 **ভোর হল যেই শ্রাবণশর্বরী**

ভোর হল যেই শ্রাবণশর্বরী
 তোমার বেড়ায় উঠল ফুটে হেনার মঞ্জরী॥
 গন্ধ তারি রহি রহি বাদল-বাতাস আনে বহি,
 আমার মনের কোণে কোণে বেড়ায় সঞ্চরি॥
 বেড়া দিলে কবে তুমি তোমার ফুলবাগানে—
 আড়াল ক'রে রেখেছিলে আমার বনের পানে।
 কখন গোপন অন্ধকারে বর্ষারাতের অশ্রুধারে
 তোমার আড়াল মধুর হয়ে ডাকে মর্মরি॥

প্র: ১৬ আষাঢ় ১৩২৯ (1922)

#76 বৃষ্টিশেষের হাওয়া

বৃষ্টিশেষের হাওয়া কিসের খোঁজে বইছে ধীরে ধীরে।

গুঞ্জরিয়া কেন বেড়ায় ও যে বুকের শিরে শিরে॥

অলখ তারে বাঁধা অচিন বীণা ধরার বক্ষে রহে নিত্য লীনা এই
হাওয়া—

কত যুগের কত মনের কথা বাজায় ফিরে ফিরে

ঋতুর পরে ঋতু ফিরে আসে বসুম্মরার কূলে

চিহ্ন পড়ে বনের ঘাসে ঘাসে ফুলের পরে ফুলে।

গানের পরে গানে তারি সাথে কত সুরের কত যে হার গাঁথে এই হাওয়া

—

ধরার কণ্ঠ বাণীর বরণমালায় সাজায় ঘিরে ঘিরে॥

প্র: ২২ শ্রাবণ ১৩২৯ (1922)

#77 বাদল-ধারা হল সারা

বাদল-ধারা হল সারা, বাজে বিদায়-সুর।
 গানের পালা শেষ ক'রে দে রে, যাবি অনেক দূর॥
 ছাড়ল খেয়া ও পার হতে ভাদ্রদিনের ভরা স্রোতে রে,
 দুলছে তরী নদীর পথে তরঙ্গবন্ধুর॥
 কদমকেশরৎ ঢেকেছে আজ বনতলের ধূলি,
 মৌমাছির কেয়াবনের পথ গিয়েছে ভুলি।
 অরণ্যে আজ স্তব্ধ হাওয়া, আকাশ আজি শিশির-ছাওয়া
 রে
 আলোতে আজ স্মৃতির আভাস বৃষ্টির বিন্দুর॥

প্র: ২২ শ্রাবণ ১৩২৯ (1922)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

1 লাইনে বিদায়-সুর ⇒ বিদায় সুর ৩, ৭ লাইনের শেষে 'রে' নেই।

#78 **ঝরে ঝরো ঝরো ভাদরবাদর**

ঝরে ঝরো ঝরো ভাদরবাদর, বিরহকাতর শর্বরী।
 ফিরিছে এ কোন অসীম রোদন কানন কানন মর্মরি॥
 আমার প্রাণের রাগিণী আজি এ গগনে গগনে উঠিছে বাজিয়ে।
 মোর হৃদয় একি রে ব্যাপিল তিমিরে সমীরে সমীরে
 সঞ্চরি॥

প্র: ভাদ্র ১৩৩২ (1925)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

1 লাইনে ~~ঝরো-ঝরো~~ ⇒ **ঝর ঝর**

#79 এসো নীপবনে

এসো নীপবনে ছায়াবীথিতলে, এসো করো স্নান নবধারাজলে॥
 দাও আকুলিয়া ঘন কালো কেশ, পরো দেহ ঘেরি মেঘনীল বেশ—
 কাজলনয়নে, যুথীমালা গলে, এসো নীপবনে ছায়াবীথিতলে॥
 আজি ক্ষণে ক্ষণে হাসিখানি, সখী, অধরে নয়নে উঠুক চমকি।
 মল্লারগানে তব মধুস্বরে দিক বাণী আনি বনমর্মরে।
 ঘনবরিষনে জলকলকলে এসো নীপবনে ছায়াবীথিতলে॥

প্র: ভাদ্র ১৩৩২ (1925)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

4 লাইনে হাসিখানি, সখী, ⇒ হাসিখানি সখী,

#80 কোথা যে উধাও হল

কোথা যে উধাও হল মোর প্রাণ উদাসী
 আজি ভরা বাদরে॥
 ঘন ঘন গুরু গুরু গরজিছে,
 ঝরো ঝরো নামে দিকে দিগন্তে জলধারা—
 মন ছুটে শূন্যে শূন্যে অনন্তে অশান্ত বাতাসে॥

প্র: কার্তিক ১৩৩২ (1925)

#81 আজ শ্রাবণের পূর্ণিমাতে

আজ শ্রাবণের পূর্ণিমাতে কী এনেছিস বল—

হাসির কানায় কানায় ভরা নয়নের জল॥

বাদল-হাওয়ার দীর্ঘশ্বাসে যুথীবনের বেদন আসে—

ফুল-ফোটানোর খেলায় কেন ফুল-ঝরানোর ছল।

ও তুই কী এনেছিস বল॥

ওগো, কী আবেশ হেরি চাঁদের চোখে,

ফেরে সে কোন স্বপন-লোকে।

মন বসে রয় পথের ধারে, জানে না সে পাবে কারে—

আসা-যাওয়ার আভাস ভাসে বাতাসে চঞ্চল।

ও তুই কী এনেছিস বল॥

প্র: ভাদ্র ১৩৩২ (1925)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

2 লাইনে নয়নের-জল ⇒ কোন নয়নের জল' রচনাবলীতে ৬ লাইন 'ও তুই ...' নেই।

7 লাইনে ওগো, কী আবেশ ⇒ কী আবেশ

#82 পুব-হাওয়াতে দেয় দোলা

পুব-হাওয়াতে দেয় দোলা আজ মরি মরি।
 হৃদয়নদীর কূলে কূলে জাগে লহরী॥
 পথ চেয়ে তাই একলা ঘাটে বিনা কাজে সময় কাটে,
 পাল তুলে ওই আসে তোমার সুরেরই তরী॥
 ব্যথা আমার কূল মানে না, বাধা মানে না।
 পরান আমার ঘুম জানে না, জাগা জানে না।
 মিলবে যে আজ অকূল পানে তোমার গানে আমার গানে,
 ভেসে যাবে রসের বানে আজ বিভাবরী॥

প্র: শ্রাবণ ১৩৩০ (1923)

#83 অশ্রুভরা বেদনা

অশ্রুভরা বেদনা দিকে দিকে জাগে।
 আজি শ্যামল মেঘের মাঝে বাজে কার কামনা॥
 চলিছে ছুটিয়া অশান্ত বায়,
 ক্রন্দন কার তার গানে ধ্বনিছে—
 করে কে সে বিরহী বিফল সাধনা॥

প্র: ভাদ্র ১৩৩২ (1925)

#84 ধরণীর গগনের

ধরণীর গগনের মিলনের ছন্দে
 বাদলবাতাসে মাতে মালতীর গন্ধে॥
 উৎসবসভা-মাঝে শ্রাবণের বীণা বাজে,
 শিহরে শ্যামল মাটি প্রাণের আনন্দে॥
 দুই কুল আকুলিয়া অধীর বিভঙ্গে
 নাচন উঠিল জেগে নদীর তরঙ্গে।
 কাঁপিছে বনের হিয়া বরষনে মুখরিয়া,
 বিজলি ঝলিয়া ওঠে নবঘনমন্দের

প্র: ভাদ্র ১৩৩১ (1924)

#85 বন্ধু রহো রহো

বন্ধু রহো রহো সাথে
আজি এ সঘন শ্রাবণপ্রাতে।
ছিলে কি মোর স্বপনে সাথিহারা রাতে॥
বন্ধু বেলা বৃথা যায় রে
আজি এ বাদলে আকুল হাওয়ায় রে—
কথা কও মোর হৃদয়ে, হাত রাখো হাতে॥

প্র: ভাদ্র ১৩৩২ (1925)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

3 লাইনে সাথিহারা ⇒ সাথীহারা

#86 একলা বসে বাদল-শেষে

একলা বসে বাদল-শেষে শুনি কত কী—

‘এবার আমার গেল বেলা’ বলে কেতকী॥

বৃষ্টি-সারা মেঘ যে তারে ডেকে গেল আকাশপারে,

তাই তো সে যে উদাস হল- নইলে যেত কি॥

ছিল সে যে একটি ধারে বনের কিনারায়,

উঠত কেঁপে তড়ি -আলোর চকিত ইশারায়।

শ্রাবণঘন-অন্ধকারে গন্ধ যেত অভিসারে—

সন্ধ্যাতারা আড়াল থেকে খবর পেত কি॥

প্র: কার্তিক ১৩৩২ (1925)

#87 শ্যামল শোভন শ্রাবণ

শ্যামল শোভন শ্রাবণ, তুমি নাই বা গেলে

সজল বিলোল আঁচল মেলে॥

পুব হাওয়া কয়, 'ওর যে সময় গেল চলে।'

শরৎ বলে, 'ভয় কী সময় গেল ব'লে,

বিনা কাজে আকাশ-মাঝে কাটবে বেলা অসময়ের খেলা
খেলে।'

কালো মেঘের আর কি আছে দিন।

ও যে হল সাথিহীন।

পুব-হাওয়া কয়, 'কালোর এবার যাওয়াই ভালো।'

শরৎ বলে, 'মিলাব যুগল কালোয় আলো,
সাজবে বাদল সোনার সাজে আকাশ-মাঝে কালিমা ওর
ঘুচিয়ে ফেলে।'

প্র: কার্তিক ১৩৩২ (1925)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

1 লাইনে শ্যামল শোভন শ্রাবণ, তুমি নাই বা গেলে ⇒ শ্যামল শোভন শ্রাবণ
ছায়া নাই বা গেলে

#88 নমো, নমো, নমো করুণাঘন

নমো, নমো, নমো করুণাঘন, নমো হে।

নয়ন স্নিগ্ধিমুতাঞ্জনপরশে,

জীবন পূর্ণ সুধারসবরষে,

তব দর্শনধনসার্থক মন হে, অকৃপণবর্ষণ করুণাঘন হে॥

প্র: ২২ অগ্রহায়ণ ১৩৩৪ (1927)

#89 তপের তাপের বাঁধন

তপের তাপের বাঁধন কাটুক রসের বর্ষণে।

হৃদয় আমার, শ্যামল-বঁধুর করুণ স্পর্শ নে॥

অঝোর-ঝরন শ্রাবণজলে তিমিরমেদুর বনাঞ্চলে

ফুটুক সোনার কদম্বফুল নিবিড় হর্ষণে॥

ভরুক গগন, ভরুক কানন, ভরুক নিখিল ধরা,

দেখুক ভুবন মিলনস্বপন মধুর-বেদনা-ভরা।

পরান-ভরানো ঘনছায়াজাল বাহির-আকাশ করুক আড়াল—

নয়ন তুলুক, বিজুলি ঝলুক পরম দর্শনে॥

প্র: চৈত্র ১৩৩৩ (1927)

#90 ওই কি এলে আকাশপারে

ওই কি এলে আকাশপারে দিক-ললনার প্রিয়—
চিত্তে আমার লাগল তোমার ছায়ার উত্তরীয়॥
মেঘের মাঝে মৃদু তোমার বাজিয়ে দিলে কি ও,
ওই তালেতে মাতিয়ে আমায় নাচিয়ে দিয়ো দিয়ো॥

প্র: ২২ অগ্রহায়ণ ১৩৩৪ (1927)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

3 লাইনে কি-ও ⇒ কী ও

4 লাইনে তালেতে ⇒ তালেতেই

#91 গগনে গগনে আপনার মনে

গগনে গগনে আপনার মনে কী খেলা তব।

তুমি কত বেশে নিমেষে নিমেষে নিতুই নব॥

জটার গভীরে লুকালে রবিরে, ছায়াপটে আঁকো এ কোন
ছবি রে।

মেঘমল্লারে কী বল আমারে কেমনে কব॥

বৈশাখী ঝড়ে সে দিনের সেই অটুহাসি

গুরুগুরু সুরে কোন দূরে দূরে যায় যে ভাসি।

সে সোনার আলো শ্যামলে মিশালো শ্বেত উত্তরী আজ
কেন কালো।—

লুকালে ছায়ায় মেঘের মায়ায় কী বৈভব॥

প্র: ১৫ ফাল্গুন ১৩৩৩ (1927)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

3 লাইনে আঁকো ⇒ আঁক

7 লাইনে মিশালো ⇒ মিশাল

#92 শ্রাবণ, তুমি বাতাসে কার

শ্রাবণ, তুমি বাতাসে কার আভাস পেলে—
 পথে তারি সকল বারি দিলে ঢেলে।
 কেয়া কাঁদে, 'যা য় যা য় যায়।'
 কদম ঝরে, 'হা য় হা য় হায়।'
 পূব-হাওয়া কয়, 'ওর তো সময় নাই বাকি আর।'
 শরৎ বলে, 'যাক-না সময়, ভয় কিবা তার—
 কাটবে বেলা আকাশ-মাঝে বিনা কাজে অসময়ের খেলা খেলে।'
 কালো মেঘের আর কি আছে দিন, ও যে হল সাথিহীন।
 পূব-হাওয়া কয়, 'কালোর এবার যাওয়াই ভালো।'
 শরৎ বলে, 'মিলিয়ে দেব কালোয় আলো—
 সাজবে বাদল আকাশ-মাঝে সোনার সাজে কালিমা ওর মুছে ফেলে।'

প্র: ২২ অগ্রহায়ণ ১৩৩৪ (1927)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

৩, ৪ লাইনে " চিহ্ন নেই

৪ লাইনে সাথিহীন ⇒ **সাথিহীন**

১০ লাইনে "শরৎ বলে, 'মিলিয়ে দেব কালোয় আলো'" ⇒ **"শরৎ বলে,
 'গেঁথে দেব কালোয় আলো' "**

#93 কেন পান্থ, এ চঞ্চলতা

কেন পান্থ, এ চঞ্চলতা।

কোন শূন্য হতে এল কার বারতা॥

নয়ন কিসের প্রতীক্ষা-রত বিদায়বিষাদে উদাসমত—

ঘনকুন্তলভার ললাটে নত, ক্লান্ত তড়িতবধু ত্রাসতা॥

কেশরকীর্ণ কদম্ববনে মর্মরমুখরিত মৃদুপবনে

বর্ষণহর্ষ-ভরা ধরণীর বিরহবিশঙ্কিত করুণ কথা।

ধৈর্য মানো ওগো, ধৈর্য মানো! বরমাল্য গলে তব হয় নি ল্লান’

আজও হয় নি ল্লান’—

ফুলগন্ধনিবেদনবেদনসুন্দর মালতী তব চরণে প্রণতা॥

প্র: ১৪ ফাল্গুন ১৩৩৩ (1927)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

4 লাইনে তড়িতবধু ⇒ **তড়ি বধু**

7 লাইনে ধৈর্য-মানো! ⇒ **ধৈর্য মানো,**

7, 8 লাইনে ল্লান ⇒ **ল্লান**

#94 আজি শ্রাবণঘনগহন

আজি শ্রাবণঘনগহন মোহে গোপন তব চরণ ফেলে
 নিশার মতো, নীরব ওহে, সবার দিঠি এড়ায়ে এলে॥
 প্রভাত আজি মুদেছে আঁখি, বাতাস বৃথা যেতেছে ডাকি,
 নিলাজ নীল আকাশ ঢাকি নিবিড় মেঘ কে দিল মেলে॥
 কুজনহীন কাননভূমি, দুয়ার দেওয়া সকল ঘরে—
 একেলা কোন পথিক তুমি পথিকহীন পথের 'পরে।
 হে একা সখা, হে প্রিয়তম, রয়েছে খোলা এ ঘর মম—
 সমুখ দিয়ে স্বপনসম যেয়ো না মোরে হেলায় ঠেলে॥

প্র: আষাঢ় ১৩১৬ (1909)

#95 আজি ঝড়ের রাতে

আজি ঝড়ের রাতে তোমার অভিসার

পরানসথা বন্ধু হে আমার॥

আকাশ কাঁদে হতাশসম, নাই যে ঘুম নয়নে মম—

দুয়ার খুলি হে প্রিয়তম, চাই যে বারে বার॥

বাহিরে কিছু দেখিতে নাই পাই,

তোমার পথ কোথায় ভাবি তাই।

সুদূর কোন নদীর পারে গহন কোন বনের ধারে

গভীর কোন অন্ধকারে হতেছ তুমি পার॥

প্র: আষাঢ় ১৩১৬ (1909)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

4 লাইনে ঝরে-ঝরে ⇒ বার বার

#96 চলে ছলোছলো নদীধারা

চলে ছলোছলো নদীধারা নিবিড় ছায়ায় কিনারায়
কিনারায়।

ওকে মেঘের ডাকে ডাকল সুদূরে, 'আ য় আ য় আয়।'
কূলে প্রফুল্ল বকুলবন ওরে করিছে আবাহন—
কোথা দূরে বেণুবন গায়, 'আ য় আ য় আয়।'
তীরে তীরে, সখী, ওই-যে উঠে নবীন ধান্য পুলকি।
কাশের বনে বনে দুলিছে ক্ষণে ক্ষণে—
গাহিছে সজল বায়, 'আ য় আ য় আয়।'

প্র: কার্তিক ১৩৪৩ (1936)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

1 লাইনে ~~ছলোছলো~~ ⇒ **ছলছল**

5 লাইনে ~~তীরে-তীরে, সখী,~~ ⇒ **তীরে তীরে সখী,**

#97 **আমারে যদি জাগালে আজি**

আমারে যদি জাগালে আজি নাথ,
 ফিরো না তবে ফিরো না, করো করুণ আঁখিপাত॥
 নিবিড় বনশাখার 'পরে আষাঢ়মেঘে বৃষ্টি ঝরে,
 বাদল-ভরা আলস-ভরে ঘুমায়ে আছে রাত॥
 বিরামহীন বিজুলিঘাতে নিদ্রাহারা প্রাণ
 বরষাজলধারার সাথে গাহিতে চাহে গান।
 হৃদয় মোর চোখের জলে বাহির হল তিমিরতলে,
 আকাশ খোঁজে ব্যাকুল বলে বাড়ায়ে দুই হাত॥
 ()

#98 **আবার এসেছে আষাঢ়**

আবার এসেছে আষাঢ় আকাশ ছেয়ে,

আসে বৃষ্টির সুবাস বাতাস বেয়ে॥

এই পুরাতন হৃদয় আমার আজি পুলকে দুলিয়া উঠিছে আবার
বাজি

নূতন মেঘের ঘনিমার পানে চেয়ে॥

রহিয়া রহিয়া বিপুল মাঠের 'পরে নব তৃণদলে বাদলের ছায়া পড়ে।

'এসেছে এসেছে', এই কথা বলে প্রাণ, 'এসেছে এসেছে' উঠিতেছে এই
গান-

নয়নে এসেছে, হৃদয়ে এসেছে ধেয়ে॥

প্র: ১০ আষাঢ় ১৩১৭ (1910)

#99 এসো হে এসো সজল ঘন

এসো হে এসো সজল ঘন বাদলবরিষনে—

বিপুল তব শ্যামল স্নেহে এসো হে এ জীবনে॥

এসো হে গিরিশিখর চুমি ছায়ায় ঘিরি কাননভূমি,

গগন ছেয়ে এসো হে তুমি গভীর গরজনে॥

ব্যথিয়া উঠে নীপের বন পুলক-ভরা ফুলে,

উছলি উঠে কলরোদন নদীর কূলে কূলে।

এসো হে এসো হৃদয়-ভরা, এসো হে এসো পিপাসাহরা,

এসো হে আঁখি-শীতল-করা, ঘনায়ে এসো মনে॥

প্র: ১৭ ভাদ্র ১৩১৬ (1909)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

1 লাইনে বাদলবরিষনে ⇒ বাদল বরিষনে

7 লাইনে হৃদয়-ভরা ⇒ হৃদয়ভরা

#100 চিত্ত আমার হারালো আজ

চিত্ত আমার হারালো আজ মেঘের মাঝখানে—

কোথায় ছুটে চলেছে সে কোথায় কে জানে॥

বিজুলি তার বীণার তারে আঘাত করে বারে বারে,

বুকের মাঝে বজ্র বাজে কী মহাতানে॥

পুঞ্জ পুঞ্জ ভারে ভারে নিবিড় নীল অন্ধকারে

জড়ালো রে অঙ্গ আমার, ছড়ালো প্রাণে।

পাগল হাওয়া নৃত্যে মাতি হল আমার সাথে সাথি—

অট্ট হাসে ধায় কোথা সে, বারণ না মানে॥

প্র: ১৮ জ্যৈষ্ঠ ১৩১৭ (1910)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

1 লাইনে হারালো ⇒ হারাল

6 লাইনে জড়ালো, ছড়ালো ⇒ জড়াল, ছড়াল

7 লাইনে সাথি ⇒ সাথী

#101 আবাব শ্রাবণ হয়ে এলে

আবার শ্রাবণ হয়ে এলে ফিরে,
মেঘ-আঁচলে নিলে ঘিরে॥

সূর্য হারায়, হারায় তারা আঁধারে পথ হয়-যে হারা,
চেউ দিয়েছে নদীর নীরে॥

সকল আকাশ, সকল ধরা বর্ষণেরই-বাণী-ভরা।
ঝরো ঝরো ধারায় মাতি বাজে আমার আঁধার রাতি,
বাজে আমার শিরে শিরে॥

প্র: ১০ ভাদ্র ১৩২১ (1914)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

5 লাইনে বর্ষণেরই-বাণী-ভরা ⇒ বর্ষণেরই বাণী-ভরা

#102 ধরণী, দূরে চেয়ে

ধরণী, দূরে চেয়ে কেন আজ আছিস জেগে
 যেন কার উত্তরীয়ের পরশের হরষ লেগে॥
 আজি কার মিলনগীতি ধ্বনিছে কাননবীথি,
 মুখে চায় কোন অতিথি আকাশের নবীন মেঘে॥
 ঘিরেছিস মাথায় বসন কদমের কুসুমডোরে,
 সেজেছিস নয়নপাতে নীলিমার কাজল প'রে।
 তোমার ওই বক্ষতলে নবশ্যাম দুর্বাদলে
 আলোকের ঝলক ঝলে পরানের
 পুলকবেগে॥

প্র: ২৬ আষাঢ় ১৩৩০ (1923)

#103 হৃদয়ে মন্দির

হৃদয়ে মন্দির ডমরু গুরু গুরু,
ঘন মেঘের ডুরু কুটিল কুণ্ডিত,
হল রোমাঞ্চিত বন বনান্তর—

দুলিল চঞ্চল বক্ষোহিন্দোলে মিলনস্বপ্নে কোন অতিথি রে।
সঘনবর্ষণশব্দমুখরিত বজ্রসচকিত ত্রস্ত শর্বরী,
মালতীবল্লরী কাঁপায় পল্লব করুণ কল্লোলে—
কানন শঙ্কিত ঝিল্লিঝঙ্কত॥

প্র: ভাদ্র ১৩৪০ (1933)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

oeSP লাইনে ঝিল্লিঝঙ্কত ⇒ ঝিল্লিঝংকত

#104 মধু-গল্লে ভরা

মধু -গল্লে ভরা মৃদু -স্ফুটায় নীপ
 -কুণ্ডতলে
 শ্যাম -কান্তিময়ী কোন স্বপন্ময়া ফিরে
 বৃষ্টিজলে॥
 ফিরে রক্ত-অলতক-ধৌত পায়ে ধারা -সিক্ত
 বায়ে,
 মেঘ -মুত্ত সহাস্য শশাঙ্ককলা সিঁথি -প্রান্তে
 জ্বলে॥
 পিয়ে উচ্ছল তরল প্রলয়মদিরা উন -মুখর তরঙ্গিণী
 ধায় অধীরা,
 কার নির্ভীক মূর্তি তরঙ্গদোলে কল -স্রোতোলে।
 এই তারাহারা নিঃসীম অন্ধকারে কার তরণী
 চলে॥

প্র: কার্তিক ১৩৪৪ (1937)

#105 আমি তখন ছিলাম মগন

আমি তখন ছিলাম মগন গহন ঘুমের ঘোরে
 যখন বৃষ্টি নামল তিমিরনিবিড় রাতে।
 দিকে দিকে সঘন গগন মত্ত প্রলাপে প্লাবন-ঢালা
 শ্রাবণধারাপাতে

সে দিন তিমিরনিবিড় রাতে॥

আমার স্বপ্নস্বরূপ বাহির হয়ে এল, সে যে
 সঙ্গ পেল

আমার সুদূর পারের স্বপ্নদোসর-সাথে
 সে দিন তিমিরনিবিড় রাতে॥

আমার দেহের সীমা গেল পারায়ে ক্ষুর বনের মরবে
 গেল হারায়ে।—

মিলে গেল কুঞ্জবীথির সিত্ত যুথীর গন্ধে মত্তহাওয়ার
 ছন্দে,

মেঘে মেঘে তড়ি শিখার ভুজঙ্গপ্রয়াতে সে দিন
 তিমিরনিবিড় রাতে॥

প্র: কার্তিক ১৩৪৪ (1937)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

5 লাইনে সে-ষে-সঙ্গ-পেল ⇒ সেথায় বুঝি সঙ্গ পেল

8 লাইনে আমার দেহের-সীমা ⇒ দেহের সীমা

#106 আমি শ্রাবণ-আকাশে ওই

আমি শ্রাবণ-আকাশে ওই দিয়েছি পাতি
 মম জল-ছলো-ছলো আঁখি মেঘে মেঘে।
 বিরহদিগন্ত পারায়ে সারা রাতি অনিমেষে আছে জেগে॥
 যে গিয়েছে দেখার বাহিরে আছে তারি উদ্দেশে চাহি রে,
 স্বপেন্ উড়িছে তারি কেশরাশি পুরবপবনবেগে॥
 শ্যামল তমালবনে
 যে পথে সে চলে গিয়েছিল বিদায়গোধূলি-খনে
 বেদনা জড়িয়ে আছে তারি ঘাসে, কাঁপে নিশ্বাসে
 সেই বারে বারে ফিরে ফিরে চাওয়া ছায়ায় রয়েছে লেগে॥

প্র: কার্তিক ১৩৪৪ (1937)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

2 লাইনে জল-ছলো-ছলো ⇒ **জল-ছল-ছল**

#106 আমি শ্রাবণ-আকাশে ওই

আমি শ্রাবণ-আকাশে ওই দিয়েছি পাতি
 মম জল-ছলো-ছলো আঁখি মেঘে মেঘে।
 বিরহদিগন্ত পারায়ে সারা রাতি অনিমেষে আছে জেগে॥
 যে গিয়েছে দেখার বাহিরে আছে তারি উদ্দেশে চাহি রে,
 স্বপেন্ উড়িছে তারি কেশরাশি পুরবপবনবেগে॥
 শ্যামল তমালবনে
 যে পথে সে চলে গিয়েছিল বিদায়গোধূলি-খনে
 বেদনা জড়িয়ে আছে তারি ঘাসে, কাঁপে নিশ্বাসে
 সেই বারে বারে ফিরে ফিরে চাওয়া ছায়ায় রয়েছে লেগে॥

প্র: কার্তিক ১৩৪৪ (1937)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

2 লাইনে জল-ছলো-ছলো ⇒ **জল-ছল-ছল**

#107 ভোর থেকে আজ বাদল

ভোর থেকে আজ বাদল ছুটেছে আয় গো আয়।—
 কাঁচা রোদখানি পড়েছে বনের ভিজে পাতায়॥
 ঝিকি ঝিকি করি কাঁপিতেছে বট—
 ওগো ঘাটে আয়, নিয়ে আয় ঘট—
 পথের দু ধারে শাখে শাখে আজি পাখিরা গায়॥
 তপন-আতপে আতপ্ত হয়ে উঠেছে বেলা,
 খঞ্জন-দুটি আলস্যভরে ছেড়েছে খেলা।
 কলস পাকড়ি আঁকড়িয়া বুকে
 ভরা জলে তোরা ভেসে যাবি সুখে
 তিমিরনিবিড় ঘনঘোরে ঘুমে স্বপনপ্রায় আয় গো আয়॥—
 মেঘ ছুটে গেল, নাই গো বাদল আয় গো আয়।—
 আজিকে সকালে শিথিল কোমল বহিছে বায় আয় গো আয়।
 —
 এ ঘাট হইতে ও ঘাটে তাহার
 কথা বলাবলি নাই চলে আর,
 একাকার হল তীরে আর নীরে তাল-তলায় আয় গো আয়।—

প্র: ভাদ্র ১৩৪৬ (1939)

#108 নীল নবঘনে আষাঢ়গগনে

নীল নবঘনে আষাঢ়গগনে তিল ঠাঁই আর নাহি রে।

ওগো, আজ তোরা যাস নে ঘরের বাহিরে॥

বাদলের ধারা ঝরে ঝরো-ঝরো, আউষের ক্ষেত জলে ভরো-
ভরো,

কালীমাখা মেঘে ও পারে আঁধার ঘনিয়েছে দেখ চাহি রে।

ওই শোনো শোনো পারে যাবে ব'লে কে ডাকিছে বুঝি মাঝিরে।

খেয়া-পারাপার বন্ধ হয়েছে আজি রে।

পুবে হাওয়া বয়, কূলে নেই কেউ, দু কূল বাহিয়া উঠে পড়ে
ঢেউ—

দরো-দরো বেগে জল পড়ি জল ছলো-ছল উঠে বাজি রে।

খেয়া-পারাপার বন্ধ হয়েছে আজি রে।

ওই ডাকে শোনো ধেনু ঘন ঘন, ধবলীরে আনো গোহালে

এখনি আঁধার হবে বেলাটুকু পোহালে।

দুয়ারে দাঁড়ায়ে ওগো দেখ দেখি, মাঠে গেছে যারা তারা ফিরিছে কি,

রাখালবালক কী জানি কোথায় সারা দিন আজি খোয়ালে॥

এখনি আঁধার হবে বেলাটুকু পোহালে।

ওগো, আজ তোরা যাস নে গো তোরা যাস নে ঘরের বাহিরে।

আকাশ আঁধার, বেলা বেশি আর নাহি রে।

ঝরো-ঝরো ধারে ভিজিবে নিচোল, ঘাটে যেতে পথ হয়েছে পিছল—

ওই বেণুবন দোলে ঘন ঘন পথপাশে দেখ চাহি রে॥

প্র: ২০ জ্যৈষ্ঠ ১৩০৭ (1900)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

3 লাইনে ঝরোঁ-ঝরোঁ, ভরোঁ-ভরোঁ ⇒ **ঝর-ঝর, ভর-ভর**

4 লাইনে কালীমাখা ⇒ **কালিমাখা**

8 লাইনে দরোঁ-দরোঁ, ছলোঁ-ছল ⇒ **দর-দর, ছল-ছল**

17 লাইনে ঝরোঁ-ঝরোঁ ⇒ **ঝর-ঝর**

#109 থামাও রিমিকি-ঝিমিকি

থামাও রিমিকি-ঝিমিকি বরিশন, ঝিল্লিঝনক-ঝন-নন,
হে শ্রাবণ।

ঘুচাও ঘুচাও স্বপ্নমোহ-অবগুণ্ঠন ঘুচাও॥

এসো হে, এসো হে, দুর্দম বীর এসো হে।

ঝড়ের রথে অগম পথে জড়ের বাধা যত
করো উনমূলন॥

জ্বালো জ্বালো বিদ্যুতশিখা জ্বালো,

দেখাও তিমিরভেদী দীপ্তি তোমার দেখাও।

দিগ্বিজয়ী তব বাণী দেহো আনি, গগনে গগনে সুপ্তিভেদী তব গর্জন
জাগাও॥

প্র: কার্তিক ১৩৪৪ (1937)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

1 লাইনে রিমিকি-ঝিমিকি ⇒ রিমিকি ঝিমিকি

1 লাইনে ঝিল্লিঝনক-ঝন-নন, ⇒ ঝিল্লিঝনক-ঝন-নন।

4 লাইনে উনমূলন ⇒ উন্মূলন

5 লাইনে বিদ্যুতশিখা ⇒ বিদ্যুৎ শিখা

#110 আজি পল্লিবালিকা অলকগুচ্ছ

আজি পল্লিবালিকা অলকগুচ্ছ সাজালো বকুলফুলের
 দুলে,
 যেন মেঘরাগিণীরচিত কী সুর দুলালো কণ্ঠমূলে॥
 ওরা চলেছে কুঞ্জচ্ছায়াবীথিকায় হাস্যকল্লোল-উছল গীতিকায়
 বেণুমর্মরমুখর পবনে তরঙ্গ তুলে॥
 আজি নীপশাখায়-শাখায় দুলিছে পুষ্পদোলা,
 আজি কূলে কূলে তরল প্রলাপে যমুনা কলরোলা।
 মেঘপুঞ্জ গরজে গুরু গুরু, বনের বক্ষ কাঁপে দুরু দুরু
 —
 স্বপ্নলোকে পথ হারানু মনের ভুলে॥

প্র: কার্তিক ১৩৪৪ (1937)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

1 লাইনে পল্লিবালিকা ⇒ পল্লীবালিকা

oeSP লাইনে স্বপ্নলোকে-পথ ⇒ স্বপ্নলোকের পথ

#111 ওই মালতীলতা দোলে

ওই মালতীলতা দোলে
 পিয়ালতরুর কোলে পুব-হাওয়াতে॥
 মোর হৃদয়ে লাগে দোলা, ফিরি আপনভোলা—
 মোর ভাবনা কোথায় হারা মেঘের মতন যায় চলে॥
 জানি নে কোথায় জাগো ওগো বন্ধু পরবাসী—
 কোন নিভৃত বাতায়নে।
 সেথা নিশীথের জল-ভরা কণ্ঠে
 কোন বিরহিণীর বাণী তোমারে কী যায় ব'লে॥

প্র: কার্তিক ১৩৪৩ (1936)

#112 আঁধার অম্বরে প্রচণ্ড ডম্বরু

আঁধার অম্বরে প্রচণ্ড ডম্বরু বাজিল গম্ভীর গরজনে।
 অশখপল্লবে অশান্ত হিল্লোল সমীরচঞ্চল দিগঙ্গনে॥
 নদীর কল্লোল, বনের মর্মর, বাদল-উচ্ছল নির্ঝরঝরঝর,
 ধ্বনি তরঙ্গিল নিবিড় সঙ্গীতে শ্রাবণসন্ধ্যাসী রচিল রাগিণী॥—
 কদম্বকুঞ্জের সুগন্ধমদিরা অজস্র লুটিছে দুরন্ত ঝটিকা।
 তড়ি শিখা ছুটে দিগন্ত সন্নিয়া, ভয়ার্ত যামিনী উঠিছে ক্রন্দিয়া—
 নাচিছে যেন কোন প্রমত্ত দানব মেঘের দুর্গের দুয়ার হানিয়া॥

প্র: কার্তিক ১৩৪৩ (1936)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

4 লাইনে সঙ্গীতে ⇒ সংগীতে

#113 **হৃদয় আমার নাচে রে**

হৃদয় আমার নাচে রে আজিকে ময়ূরের মতো নাচে রে।

শত বরনের ভাব-উচ্ছ্বাস কলাপের মতো করেছে বিকাশ,
আকুল পরান আকাশে চাহিয়া উল্লাসে করে যাচে রে॥

ওগো, নির্জনে বকুলশাখায় দোলায় কে আজি দুলিছে, দোদুল
দুলিছে॥

ঝরকে ঝরকে ঝরিছে বকুল, আঁচল আকাশে হতেছে আকুল,
উড়িয়া অলক ঢাকিছে পলক কবরী খসিয়া খুলিছে।—
ঝরে ঘনধারা নবপল্লবে, কাঁপিছে কানন ঝিল্লির রবে—
তীর ছাপি নদী কলকল্লোলে এল পল্লির কাছে রে॥

প্র: ২০ জ্যৈষ্ঠ ১৩০৭ (1900)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

oeSP লাইনে পল্লির ⇒ পল্লীর

#114 আজ বরষার রূপ হেরি

আজ বরষার রূপ হেরি মানবের মাঝে—
 চলেছে গরজি, চলেছে নিবিড় সাজে॥
 হৃদয়ে তাহার নাচিয়া উঠেছে ভীমা,
 ধাইতে ধাইতে লোপ ক'রে চলে সীমা,
 কোন তাড়নায় মেঘের সহিত মেঘে
 বক্ষে বক্ষে মিলিয়া বজ্র বাজে॥
 পুঞ্জ পুঞ্জ দূরে সুদূরের পানে
 দলে দলে চলে, কেন চলে নাহি জানে।
 জানে না কিছুই কোন মহাদ্রিতলে
 গভীর শ্রাবণে গলিয়া পড়িবে জলে,
 নাহি জানে তার ঘনঘোর সমারোহে
 কোন সে ভীষণ জীবন মরণ রাজে॥

প্র: ১১ আষাঢ় ১৩১৭ (1910)

#115 মনে হল যেন পেরিয়ে

মনে হল যেন পেরিয়ে এলেম অন্তবিহীন পথ আসিতে তোমার
দ্বারে

মরুতীর হতে সুধাশ্যামলিম পারে॥

পথ হতে আমি গাঁথিয়া এনেছি সিন্ত যুথীর মালা

সকরুণ-নিবেদনের-গন্ধ-ঢালা—

লজ্জা দিয়ো না তারে॥

সজল মেঘের ছায়া ঘনাইছে বনে বনে,

পথ-হারানোর বাজিছে বেদনা সমীরণে।

দূর হতে আমি দেখেছি তোমার ওই বাতায়নতলে
নিভুতে প্রদীপ জ্বলে—

আমার এ আঁখি উৎসুক পাখি ঝড়ের অন্ধকারে॥

প্র: ২২ শ্রাবণ ১৩৪২ (1935)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

4 লাইনে সকরুণ-নিবেদনের-গন্ধ-ঢালা ⇒ সকরুণ নিবেদনের গন্ধ-ঢালা

#115 মনে হল যেন পেরিয়ে

মনে হল যেন পেরিয়ে এলেম অন্তবিহীন পথ আসিতে তোমার
দ্বারে

মরুতীর হতে সুধাশ্যামলিম পারে॥

পথ হতে আমি গাঁথিয়া এনেছি সিন্ত যুথীর মালা

সকরুণ-নিবেদনের-গন্ধ-ঢালা—

লজ্জা দিয়ো না তারে॥

সজল মেঘের ছায়া ঘনাইছে বনে বনে,

পথ-হারানোর বাজিছে বেদনা সমীরণে।

দূর হতে আমি দেখেছি তোমার ওই বাতায়নতলে
নিভুতে প্রদীপ জ্বলে—

আমার এ আঁখি উৎসুক পাখি ঝড়ের অন্ধকারে॥

প্র: ২২ শ্রাবণ ১৩৪২ (1935)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

4 লাইনে সকরুণ-নিবেদনের-গন্ধ-ঢালা ⇒ সকরুণ নিবেদনের গন্ধ-ঢালা

#116 তৃষ্ণার শান্তি

তৃষ্ণার শান্তি, সুন্দরকান্তি,
 তুমি এলে নিখিলের সন্তাপভঞ্জন॥
 আঁকো ধরাবক্ষে দিগবধূচক্ষে
 সুশীতল সুকোমল শ্যামরসরঞ্জন।
 এলে বীরছন্দে তব কটিবন্ধে
 বিদ্যুত-অসিলতা বেজে ওঠে ঝঞ্জন॥
 তব উত্তরীয়ে ছায়া দিলে ভরিয়ে—
 তমালবনশিখরে নবনীল-অঞ্জন।
 ঝিল্লির মন্ডে মালতীর গন্ধে
 মিলাইলে চঞ্চল মধুকরগুঞ্জন।
 নৃত্যের ভঙ্গে এলে নব রঙ্গে,
 সচকিত পল্লবে নাচে যেন খঞ্জন॥

প্র: ১৯৩৬ (1936)

#117 মম মন-উপবনে চলে

মম মন-উপবনে চলে অভিসারে আঁধার রাতে বিরহিণী।

রক্তে তারি নূপুর বাজে রিনিরিনি॥

দুরু দুরু করে হিয়া, মেঘ ওঠে গরজিয়া,

ঝিল্লি ঝনকে ঝিনিঝিনি॥

মম মন-উপবনে ঝরে বারিধারা, গগনে নাহি শশীতারা।

বিজুলির চমকনে মিলে আলো ক্ষণে ক্ষণে,

ক্ষণে ক্ষণে পথ ভোলে উদাসিনী॥

প্র: কার্তিক ১৩৪১ (1934-1935)

#118 আজি বরিশনমুখরিত

আজি বরিশনমুখরিত শ্রাবণরাতি,
স্মৃতিবেদনার মালা একেলা গাঁথি॥

আজি কোন ভুলে ভুলি আঁধার ঘরেতে রাখি দুয়ার খুলি,
মনে হয় বুঝি আসিছে সে মোর দুখরজনীর সাথি॥
আসিছে সে ধারাজলে সুর লাগায়ে,
নীপবনে পুলক জাগায়ে।
যদিও বা নাহি আসে তবু বৃথা আশ্বাসে
ধুলি-‘পরে রাখিব রে মিলন-আসনখানি পাতি॥

প্র: ২১ শ্রাবণ ১৩৪২ (1934-1935)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

2 লাইনে স্মৃতিবেদনার মালা একেলা গাঁথি ⇒ একা বসে স্মৃতিবেদনার মালা
গাঁথি

#119 **যায় দিন, শ্রাবণদিন যায়**

যায় দিন, শ্রাবণদিন যায়।

আঁধারিল মন মোর আশঙ্কায়,

মিলনের বৃথা প্রত্যাশায় মায়াবিনী এই সন্ধ্যা ছলিছে॥

আসন্ন নির্জন রাতি, হায়, মম পথ-চাওয়া বাতি

ব্যাকুলিছে শূন্যেরে কোন প্রশেণ্॥

দিকে দিকে কোথাও নাই সাড়া,

ফিরে খ্যাপা হাওয়া গৃহছাড়া।

নিবিড়-তমিস্র-বিলুপ্ত-আশা ব্যথিতা যামিনী খোঁজে ভাষা—

বৃষ্টিমুখরিত মর্মরছন্দে, সিক্ত মালতীগন্ধে॥

প্র: ২৬ অগস্ট ১৯৩৮ (1938)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

oeSP লাইনে সিক্ত মালতীগন্ধে ⇒ মালতীমঞ্জরীগন্ধে

#120 আমি কী গান গাব যে

আমি কী গান গাব যে ভেবে না পাই—
 মেঘলা আকাশে উতলা বাতাসে খুঁজে বেড়াই॥
 বনের গাছে গাছে জেগেছে ভাষা ভাষাহারা নাচে—
 মন ওদের কাছে চঞ্চলতার রাগিণী যাচে,
 সারাদিন বিরামহীন ফিরি যে তাই॥
 আমার অঙ্গে সুরতরঙ্গে ডেকেছে বান,
 রসের প্লাবনে ডুবিয়া যাই।
 কী কথা রয়েছে আমার মনের ছায়াতে
 স্বপ্নপ্রদোষে আমি তারে যে চাই॥

প্র: ভাদ্র ১৩৪৬ (1939)

#121 কিছু বলব বলে

কিছু বলব বলে এসেছিলেম,
রইনু চেয়ে না বলে॥

দেখিলাম খোলা বাতায়নে
গাও গুন-গুন গুঞ্জরিয়া

মালা গাঁথো আপন-মনে,
যুথীকুঁড়ি নিয়ে কোলে॥

সারা আকাশ তোমার দিকে
চেয়ে ছিল অনিমিখে।

মেঘ-ছেঁড়া আলো এসে
বাদল-মেঘে মৃদুল হাওয়ায়

পড়েছিল কালো কেশে,
অলক দোলে॥

প্র: ভাদ্র ১৩৪৬ (1939)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

3 লাইনে গাঁথো ⇒ গাঁথ

4 লাইনে গুন-গুন ⇒ গুন-গুন

#122 **মন মোর মেঘের সঙ্গী**

মন মোর মেঘের সঙ্গী,
 উড়ে চলে দিগদিগন্তের পানে
 নিঃসীম শূন্যে শ্রাবণবর্ষণসঙ্গীতে
 রিমিঝিম রিমিঝিম রিমিঝিম॥

মন মোর হংসবলাকার পাখায় যায় উড়ে
 ঝুঁকিঝুঁকি চকিত তড়িত-আলোকে।
 ঝঞ্জনমঞ্জীর বাজায় ঝঞ্ঝা রুদ্র আনন্দে।
 কলো-কলো কলমন্দিরঝরিণী
 ডাক দেয় প্রলয়-অস্থানে॥

বায়ু বহে পূর্বসমুদ্র হতে
 উচ্ছল ছলো-ছলো তটিনীতরঙ্গে।
 মন মোর ধায় তারি মত্ত প্রবাহে
 তাল-তমাল-অরণ্যে
 ক্ষুদ্র শাখার আন্দোলনে॥

প্র: ভাদ্র ১৩৪৬ (1939)

দ্র: দ্রঃগীতবিতান (১৯৭৩) আর রচনাবলী (১৯৮৭) তে তফাত:

৩ লাইনে সঙ্গীতে $\Rightarrow$ **সংগীতে**

৯ লাইনে কলো-কলো $\Rightarrow$ **কল-কল**

#123 মোর ভাবনারে কী হাওয়ায়

মোর ভাবনারে কী হাওয়ায় মাতালো,
 দোলে মন দোলে অকারণ হরষে।
 হৃদয়গগনে সজল ঘন নবীন মেঘে
 রসের ধারা বরষে॥
 তাহারে দেখি না যে দেখি না,
 শুধু মনে মনে ক্ষণে ক্ষণে ওই শোনা যায়
 বাজে অলখিত তারি চরণে
 রুনুরুনু রুনুরুনু নৃপূরধ্বনি॥
 গোপন স্বপনে ছাইল
 অপরশ আঁচলের নব নীলিমা।
 উড়ে যায় বাদলের এই বাতাসে
 তার ছায়াময় এলো কেশ আকাশে।
 সে যে মন মোর দিল আকুলি
 জল-ভেজা কেতকীর দূর সুবাসে॥

প্র: ২৯ অগস্ট ১৯৩৯ (1939)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

12 লাইনে এলো-কেশ ⇒ এলোকেশ

#124 আমার প্রিয়ার ছায়া

আমার প্রিয়ার ছায়া
 আকাশে আজ ভাসে, হয় হয়!
 বৃষ্টিসজল বিষণ্ণ নিশ্বাসে, হয়॥
 আমার প্রিয়া মেঘের ফাঁকে ফাঁকে
 সন্ধ্যাতারায় লুকিয়ে দেখে কাকে,
 সন্ধ্যাদীপের লুপ্ত আলো স্মরণে তার আসে, হয়॥
 বারি-ঝরা বনের গন্ধ নিয়া
 পরশ-হারা বরণমালা গাঁথে আমার প্রিয়া।
 আমার প্রিয়া ঘন শ্রাবণধারায়
 আকাশ ছেয়ে মনের কথা হারায়।
 আমার প্রিয়ার আঁচল দোলে
 নিবিড় বনের শ্যামল উচ্ছ্বাসে, হয়॥

প্র: ২৫ অগস্ট ১৯৩৮ (1938)

#125 ওগো সাঁওতালি ছেলে

ওগো সাঁওতালি ছেলে,
 শ্যামল সঘন নববরষার কিশোর দূত কি এলে।
 ধানের ক্ষেতের পারে শালের ছায়ার ধারে
 বাঁশির সুরেতে সুদূর দূরেতে চলেছ হৃদয় মেলে॥
 পুৰদিগন্ত দিল তব দেহে নীলিমলেখা,
 পীত ধড়াটিতে অরুণরেখা,
 কেয়াফুলখানি কবে তুলে আনি
 দ্বারে মোর রেখে গেলে॥
 আমার গানের হংসবলাকাপাঁতি
 বাদল-দিনের তোমার মনের সাথি।
 ঝড়ে চঞ্চল তমালবনের প্রাণে
 তোমাতে আমাতে মিলিয়াছি একখানে,
 মেঘের ছায়ায় চলিয়াছি ছায়া ফেলে॥

প্র: ভাদ্র ১৩৪৬ (1939)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

10 লাইনে বাদল-দিনের-তোমার-মনের-সাথি ⇒ বাদল দিনের তোমার মনের
 সাথী

#126 বাদল-দিনের প্রথম কদম ফুল

বাদল-দিনের প্রথম কদম ফুল করেছ দান,
 আমি দিতে এসেছি শ্রাবণের গান॥

মেঘের ছায়ায় অন্ধকারে রেখেছি ঢেকে তারে
 এই-যে আমার সুরের ক্ষেতের প্রথম সোনার ধান॥

আজ এনে দিলে, হয়তো দিবে না কাল—
 রিক্ত হবে যে তোমার ফুলের ডাল।

এ গান আমার শ্রাবণে শ্রাবণে তব বিস্মৃতিস্রোতের প্লাবনে
 ফিরিয়া ফিরিয়া আসিবে তরণী বহি তব সম্মান॥

প্র: ৩০ জুলাই ১৯৩৯ (1939)

#127 আজি তোমায় আবার চাই শুনাবারে

আজি তোমায় আবার চাই শুনাবারে

যে কথা শুনিয়েছি বারে বারে॥

আমার পরানে আজি

যে বাণী উঠিছে বাজি

অবিরাম বর্ষণধারে॥

কারণ শুধায়ো না, অর্থ নাই তার,

সুরের সঙ্কেত জাগে পুঞ্জিত বেদনার।

স্বপেন্যে বাণী মনে মনে

ধ্বনিয়া উঠে ক্ষণে ক্ষণে

কানে কানে গুঞ্জরিব তাই

বাদলের অন্ধকারে॥

প্র: ভাদ্র ১৩৪৬ (1939)

#128 এসো গো, জেলে দিয়ে যাও

এসো গো, জেলে দিয়ে যাও প্রদীপখানি

বিজন ঘরের কোণে, এসো গো।

নামিল শ্রাবণসন্ধ্যা, কালো ছায়া ঘনায় বনে বনে॥

আনো বিস্ময় মম নিভৃত প্রতীক্ষায় যুথীমালিকার মৃদু গঞ্ধে—

নীলবসন-অঞ্চল-ছায়া

সুখরজনী-সম মেলুক মনে॥

হারিয়ে গেছে মোর বাঁশি,

আমি কোন সুরে ডাকি তোমারে।

পথে চেয়ে-থাকা মোর দৃষ্টিখানি

শুনিতো পাও কি তাহার বাণী—

কম্পিত বক্ষের পরশ মেলে কি সজল সমীরণে॥

প্র: ১ অগস্ট ১৯৩৯ (1939)

#129 আজি ঝরো ঝরো মুখর

আজি ঝরো ঝরো মুখর বাদরদিনে
 জানি নে, জানি নে কিছুতে কেন যে মন লাগে না॥
 এই চঞ্চল সজল পবন-বেগে উদভ্রান্ত মেঘে মন চায়
 মন চায় ওই বলাকার পথখানি নিতে চিনে॥
 মেঘমল্লারে সারা দিনমান
 বাজে ঝরনার গান।
 মন হারাবার আজি বেলা, পথ ভুলিবার খেলা
 মন চায়—
 মন চায় হৃদয় জড়াতে কার চিরঋণে॥

প্র: ভাদ্র ১৩৪৬ (1939)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

3 লাইনে পবন-বেগে ⇒ পবন বেগে

#130 শ্রাবণের গগনের গায়

শ্রাবণের গগনের গায় বিদ্যুৎ চমকিয়া যায়।

ক্ষণে ক্ষণে শর্বরী শিহরিয়া উঠে, হয়॥

তেমনি তোমার বাণী মর্মতলে যায় হানি সংগোপনে,

ধৈরজ যায় যে টুটে, হয়॥

যেমন বরষাধারায় অরণ্য আপনা হারায় বারে বারে

ঘন রস-আবরণে

তেমনি তোমার স্মৃতি ঢেকে ফেলে মোর গীতি

নিবিড় ধারে আনন্দ-বরিষনে, হয়॥

প্র: ভাদ্র ১৩৪৬ (1939)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

3 লাইনে সংগোপনে ⇒ সংগোপনে ২, ৪, ৮ লাইনের শেষে 'হয়' নেই।

#131 স্বপেন্ আমার মনে হল

স্বপেন্ আমার মনে হল কখন ঘা দিলে আমার দ্বারে,
 হয়।
 আমি জাগি নাই জাগি নাই গো,
 তুমি মিলালে অন্ধকারে, হয়॥
 অচেতন মনো-মাঝে তখন রিমিঝিমি ধ্বনি বাজে,
 কাঁপিল বনের ছায়া ঝিল্লিঝঙ্কারে।
 আমি জাগি নাই জাগি নাই গো, নদী বহিল বনের
 পারে॥
 পথিক এল দুই প্রহরে পথের আহ্বান আনি ঘরে।
 শিয়রে নীরব বীণা বেজেছিল কি জানি না—
 জাগি নাই জাগি নাই গো,
 ঘিরেছিল বনগন্ধ ঘুমের চারি ধারে॥

প্র: ভাদ্র ১৩৪৬ (1939)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

5 লাইনে ঝঙ্কারে ⇒ ঝংকারে

9 লাইনে জাগি নাই জাগি নাই ⇒ আমি জাগি নাই জাগি নাই

#132 শেষ গানেরই রেশ নিয়ে

শেষ গানেরই রেশ নিয়ে যাও চলে, শেষ কথা যাও
ব'লে।

সময় পাবে না আর, নামিছে অন্ধকার,
গোধূলিতে আলো-আঁধারে

পথিক যে পথ ভোলে॥

পশ্চিমগগনে ওই দেখা যায় শেষ রবিরেখা,

তমাল-অরণ্যে ওই শুনি শেষ কেকা।

কে আমার অভিসারিকা বুঝি বাহিরিল অজানারে খুঁজি,
শেষবার মোর আঙিনার দ্বার খোলে॥

প্র: ভাদ্র ১৩৪৬ (1939)

#133 এসেছিলে তবু আস নাই

এসেছিলে তবু আস নাই জানায়ে গেলে
 সমুখের পথ দিয়ে পলাতকা ছায়া ফেলে॥
 তোমার সে উদাসীনতা সত্য কিনা জানি না সে,
 চঞ্চল চরণ গেল ঘাসে ঘাসে বেদনা মেলে॥
 তখন পাতায় পাতায় বিন্দু বিন্দু ঝরে জল,
 শ্যামল বনান্তভূমি করে ছলোছল।
 তুমি চলে গেছ ধীরে ধীরে সিক্ত সমীরে,
 পিছনে নীপবীথিকায় রৌদ্রছায়া যায় খেলে॥

প্র: ভাদ্র ১৩৪৬ (1939)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

6 লাইনে ছলোছল ⇒ **ছলছল**

7 লাইনে ধীরে-ধীরে ⇒ **ধীরে**

#134 এসেছিঁনু দ্বারে তব

এসেছিঁনু দ্বারে তব শ্রাবণরাত্রে,
 প্রদীপ নিভালে কেন অঞ্চলঘাতে॥
 অন্তরে কালো ছায়া পড়ে আঁকা
 বিমুখ মুখের ছবি মনে রয় ঢাকা,
 দুঃখের সাথি তারা ফিরিছে সাথে॥
 কেন দিলে না মাধুরীকণা, হায় রে কৃপণা।
 লাবণ্যলক্ষ্মী বিরাজে ভুবনমাঝে,
 তারি লিপি দিলে না হাতে॥

প্র: ভাদ্র ১৩৪৬ (1939)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

লাইনে সাথি $\Rightarrow$ সাথী

#135 **নিবিড় মেঘের ছায়ায়**

নিবিড় মেঘের ছায়ায় মন দিয়েছি মেলে,

ওগো প্রবাসিনী, স্বপনে তব

তাহার বারতা কি পেলে॥

আজি তরঙ্গকলকল্লোলে দক্ষিণসিন্ধুর ক্রন্দনধ্বনি

আনে বহিয়া কাহার বিরহ॥

লুপ্ত তারার পথে চলে কাহার সুদূর স্মৃতি

নিশীথরাতের রাগিণী বহি।

নিদ্রাবিহীন ব্যথিত হৃদয়

ব্যর্থ শূন্যে তাকায়ে রহে॥

প্র: ভাদ্র ১৩৪৬ (1939)

#136 আমার যে দিন ভেসে গেছে

আমার যে দিন ভেসে গেছে চোখের জলে
 তারি ছায়া পড়েছে শ্রাবণগগনতলে॥
 সে দিন যে রাগিণী গেছে থেমে, অতল বিরহে নেমে
 গেছে থেমে,
 আজি পুবের হাওয়ায় হাওয়ায় হায় হায় হায় রে
 কাঁপন ভেসে চলে॥
 নিবিড় সুখে মধুর দুখে জড়িত ছিল সেই দিন—
 দুই তারে জীবনের বাঁধা ছিল বীণ।
 তার ছিঁড়ে গেছে কবে এক দিন কোন হাহারবে,
 সুর হারিয়ে গেল পলে পলে॥

প্র: কার্তিক ১৩৪৪ (1937)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

৩ লাইনের শেষে 'গেছে থেমে' নেই।

#137 পাগলা হাওয়ার বাদল-দিনে

পাগলা হাওয়ার বাদল-দিনে

পাগল আমার মন জেগে ওঠে॥

চেনাশোনার কোন বাইরে যেখানে পথ নাই নাই রে

সেখানে অকারণে যায় ছুটে॥

ঘরের মুখে আর কি রে কোনো দিন সে যাবে ফিরে।

যাবে না, যাবে না—

দেয়াল যত সব গেল টুটে॥

বৃষ্টি-নেশা-ভরা সন্ধ্যাবেলা কোন বলরামের আমি চেলা,

আমার স্বপন্ঘিরে নাচে মাতাল জুটে—

যত মাতাল জুটে।

যা না চাইবার তাই আজি চাই গো,

যা না পাইবার তাই কোথা পাই গো।

পাব না, পাব না,

মরি অসম্ভবের পায়ে মাথা কুটে॥

প্র: ভাদ্র ১৩৪৬ (1939)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

7 লাইনে দেয়াল-যত ⇒ তার দেয়াল যত' ১০ লাইনের 'যত মাতাল জুটে' নেই।

#138 আজি মেঘ কেটে গেছে

আজি মেঘ কেটে গেছে সকালবেলায়,
 এসো এসো এসো তোমার হাসিমুখে—
 এসো আমার অলস দিনের খেলায়॥
 স্বপন্যত জমেছিল আশা-নিরাশায়
 তরুণ প্রাণের বিফল ভালোবাসায়
 দিব অকূল-পানে ভাসায়ে ভাঁটার গাঙের ভেলায়।
 দুঃখসুখের বাঁধন তারি গ্রস্থি দিব খুলে,
 আজি ক্ষণেক-তরে মোরা রব আপন ভুলে।
 যে গান হয় নি গাওয়া যে দান হয় নি পাওয়া—
 আজি পুরব-হাওয়ায় তারি পরিতাপ
 উড়াব অবহেলায়॥

প্র: ভাদ্র ১৩৪৬ (1939)

#139 সঘন গহন রাত্রি

সঘন গহন রাত্রি, ঝরিছে শ্রাবণধারা—
 অন্ধ বিভাবরী সঙ্গপরশহারা॥
 চেয়ে থাকি যে শূন্য অন্যমনে
সেথায় বিরহিণীর অশ্রু হরণ করেছে ওই তারা॥
অশখপল্লবে বৃষ্টি ঝরিয়া মর্মরশব্দে
নিশীথের অনিদ্রা দেয় যে ভরিয়া।
 মায়ালোক হতে ছায়াতরণী
 ভাসায় স্বপ্নপারাবারে—
 নাহি তার কিনারা॥

প্র: ভাদ্র ১৩৪৬ (1939)

#140 ওগো তুমি পঞ্চদশী

ওগো তুমি পঞ্চদশী,
 পৌঁছিলে পূর্ণিমাতে।
 মৃদুস্মিত স্বপ্নে আভাস তব বিহ্বল রাতে॥
 কঁচি জাগরিত বিহঙ্গকাকলী
 তব নবযৌবনে উঠিছে আকুলি ক্ষণে ক্ষণে।
 প্রথম আষাঢ়ের কেতকীসৌরভ তব নিদ্রাতে॥
 যেন অরণ্যমর্মর
 গুঞ্জরি উঠে তব বক্ষে থরথর।
 অকারণ বেদনার ছায়া ঘনায় মনের দিগন্তে,
 ছলোছলো জল এনে দেয় তব নয়নপাতে॥

প্র: ভাদ্র ১৩৪৬ (1939)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

2 লাইনে পৌঁছিলে ⇒ তুমি পৌঁছিলে

4 লাইনে কঁকলী ⇒ কাকলি

8 লাইনে বক্ষে-থরথর ⇒ বক্ষ থরথর

oeSP লাইনে ছলোছলো ⇒ ছলছল

শরৎ

৩০ গান

শরৎ — সৃষ্টি

#141 আজি শরততপনে	163
#142 মেঘের কোলে রোদ হেসেছে	164
#143 আজ ধানের ক্ষেতে রৌদ্রছায়ায়	165
#144 আমরা বেঁধেছি কাশের গুচ্ছ	166
#145 অমল ধবল পালে লেগেছে	167
#146 আমার নয়ন-ভুলানো এলে	168
#147 শিউলি ফুল শিউলি ফুল	169
#148 শরতে আজ কোন অতিথি	169
#149 আজ প্রথম ফুলের পাব	170
#150 ওগো শেফালিবনের	171
#151 শরত-আলোর কমলবনে	173
#152 তোমার মোহন রূপে	174
#153 শরৎ , তোমার অরুণ আলোর	175
#154 তোমরা যা বলো তাই বলো	176
#155 কোন খেপা শ্রাবণ ছুটে	177
#156 আকাশ হতে খসল তারা	178
#157 হৃদয়ে ছিলে জেগে	179
#158 সারা নিশি ছিলেম শুয়ে	180
#159 দেখো, শুকতারা আঁথি	181
#160 ওলো শেফালি, ওলো শেফালি	182
#161 এসো শরতের অমল মহিমা	183
#162 এবার অবগুণ্ঠন খোলো	184
#163 তোমার নাম জানি নে	185

#164 মরি লো কার বাঁশি নিশিভোরে	186
#165 আমার রাত পোহালো	187
#166 নির্মল কান্ত, নমো হে	188
#167 আলোর অমল কমলখানি	189
#168 সেই তো তোমার পথের বঁধু	190
#169 পোহালো পোহালো বিভাবরী	191
#170 নব কুন্দধবলদলসুশীতলা	192

#141 আজি শরততপনে

আজি শরততপনে প্রভাতস্বপনে কী জানি পরান কী যে চায়।
 ওই শেফালির শাখে কী বলিয়া ডাকে বিহগ বিহগী কী যে গায় গো॥
 আজি মধুর বাতাসে হৃদয় উদাসে, রহে না আবাসে মন হয়—
 কোন কুসুমের আশে কোন ফুলবাসে সুনীল আকাশে মন ধায় গো।
 আজি কে যেন গো নাই, এ প্রভাতে তাই জীবন বিফল হয় গো—
 তাই চারি দিকে চায়, মন কেঁদে গায় ‘এ নহে, এ নহে, নয় গো’।
 কোন স্বপনের দেশে আছে এলোকেশে কোন ছায়াময়ী অমরায়।
 আজি কোন উপবনে, বিরহবেদনে আমারি কারণে কেঁদে যায় গো॥
 আজি যদি গাঁথি গান অথিরপরান, সে গান শুনাব কারে আর।
 আজি যদি গাঁথি মালা লয়ে ফুলডালা, কাহারে পরাব ফুলহার॥
 আমি আমার এ প্রাণ যদি করি দান, দিব প্রাণ তবে কার পায়।
 সদা ভয় হয় মনে পাছে অযতনে মনে মনে কেহ ব্যথা পায় গো॥

প্র: ১২৯৩ (1886)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

২, ৪, ৮, ১২ লাইনের শেষে ‘গো’ নেই।

#142 মেঘের কোলে রোদ হেসেছে

মেঘের কোলে রোদ হেসেছে, বাদল গেছে টুটি। আহা, হাহা, হা।

আজ আমাদের ছুটি ও ভাই, আজ আমাদের ছুটি। আহা, হাহা, হা।

কী করি আজ ভেবে না পাই, পথ হারিয়ে কোন বনে যাই,
কোন মাঠে যে ছুটে বেড়াই সকল ছেলে জুটি। আহা, হাহা,
হা।

কেয়া-পাতার নৌকো গড়ে সাজিয়ে দেব ফুলে—

তালদিঘিতে ভাসিয়ে দেব, চলবে দুলে দুলে।

রাখাল ছেলের সঙ্গে ধেনু চরাব আজ বাজিয়ে বেণু,
মাখব গায়ে ফুলের রেণু চাঁপার বনে লুটি। আহা, হাহা, হা।

প্র: ভাদ্র ১৩১৫ (1908)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

১, ২, ৪, শেষ লাইনে 'আহা, হাহা, হা' নেই।

#143 আজ ধানের ক্ষেতে রৌদ্রছায়ায়

আজ ধানের ক্ষেতে রৌদ্রছায়ায় লুকোচুরি খেলা রে ভাই,
 লুকোচুরি খেলা—
 নীল আকাশে কে ভাসালে সাদা মেঘের ভেলা রে ভাই লুকোচুরি
 খেলা।—
 আজ ভ্রমর ভোলে মধু খেতে উড়ে বেড়ায় আলোয় মেতে,—
 আজ কিসের তরে নদীর চরে চখা-চখীর মেলা॥
 ওরে, যাব না আজ ঘরে রে ভাই, যাব না আজ ঘরে।
 ওরে, আকাশ ভেঙে বাহিরকে আজ নেব রে লুট ক'রে॥
 যেন জোয়ার-জলে ফেনার রাশি বাতাসে আজ ছুটছে হাসি,
 আজ বিনা কাজে বাজিয়ে বাঁশি কাটবে সকল বেলা॥

প্র: ভাদ্র ১৩১৫ (1908)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

১, ২ লাইনের শেষে 'রে ভাই, লুকোচুরি খেলা' নেই।

4 লাইনে চখা-চখীর ⇒ চখা-চখির

6 লাইনে লুট ⇒ লুঠ

#144 **আমরা বেঁধেছি কাশের গুচ্ছ**

আমরা বেঁধেছি কাশের গুচ্ছ, আমরা গেঁথেছি শেফালিমালা—
 নবীন ধানের মঞ্জরী দিয়ে সাজিয়ে এনেছি ডালা॥
 এসো গো শারদলক্ষ্মী, তোমার গুহ্র মেঘের রথে,
 এসো নির্মল নীলপথে,
 এসো ধৌত শ্যামল আলো-ঝলমল বনগিরিপর্বতে—
 এসো মুকুটে পরিয়া শ্বেতশতদল শীতল-শিশির-ঢালা॥

ঝরা মালতীর ফুলে
 আসন বিছানো নিভৃত কুঞ্জে ভরা গঙ্গার কূলে
 ফিরিছে মরাল ডানা পাতিবারে তোমার চরণমূলে।
 গুঞ্জরতান তুলিয়ো তোমার সোনার বীণার তারে
 মৃদুমধু ঝঙ্কারে,
 হাসি-ঢালা সুর গলিয়া পড়িবে ক্ষণিক অশ্রুধারে।
 রহিয়া রহিয়া যে পরশমণি ঝলকে অলককোণে
 পলকের তরে সক্রয়ণ করে বুলায়ো বুলায়ো মনে—
 সোনা হয়ে যাবে সকল ভাবনা, আঁধার হইবে আলা॥

প্র: ৩ ভাদ্র ১৩১৫ (1908)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

11 লাইনে ঝঙ্কারে ⇒ ঝংকারে

#145 অমল ধবল পালে লেগেছে

অমল ধবল পালে লেগেছে মন্দ মধুর হাওয়া—
 দেখি নাই কভু দেখি নাই এমন তরুণী বাওয়া॥
 কোন সাগরের পার হতে আনে কোন সুদূরের ধন—
 ভেসে যেতে চায় মন,
 ফেলে যেতে চায় এই কিনারায় সব চাওয়া সব পাওয়া॥
 পিছনে ঝরিছে ঝরো ঝরো জল, গুরু গুরু দেয়া ডাকে,
 মুখে এসে পড়ে অরুণকিরণ ছিন্ন মেঘের ফাঁকে।
 ওগো কাণ্ডারী, কে গো তুমি, কার হাসিকান্নার ধন
 ভেবে মরে মোর মন—
 কোন সুরে আজ বাঁধিবে যন্ত্র, কী মন্ত্র হবে গাওয়া॥

প্র: ৩ ভাদ্র ১৩১৫ (1908)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

৬ লাইনে ঝরো-ঝরো ⇒ **ঝর ঝর**

৮ লাইনে ‘;’।

#146 আমার নয়ন-ভুলানো এলে

আমার নয়ন-ভুলানো এলে,
 আমি কী হেরিলাম হৃদয় মেলে॥
 শিউলিতলার পাশে পাশে ঝরা ফুলের রাশে রাশে
 শিশির-ভেজা ঘাসে ঘাসে অরুণরাঙা চরণ ফেলে
 নয়ন-ভুলানো এলে॥
 আলোছায়ার আঁচলখানি লুটিয়ে পড়ে বনে বনে,
 ফুলগুলি ওই মুখে চেয়ে কী কথা কয় মনে মনে॥
 তোমায় মোরা করব বরণ, মুখের ঢাকা করো হরণ,
 ওইটুকু ওই মেঘাবরণ দু হাত দিয়ে ফেলো ঠেলে॥
 বনদেবীর দ্বারে দ্বারে শুনি গভীর শঙ্খধ্বনি,
 আকাশবীণার তারে তারে জাগে তোমার আগমনী।
 কোথায় সোনার নূপুর বাজে, বুঝি আমার হিয়ার মাঝে
 সকল ভাবে সকল কাজে পাষণ-গালা সুধা ঢেলে—
 নয়ন-ভুলানো এলে॥

প্র: ৭ ভাদ্র ১৩১৫ (1908)

#147 শিউলি ফুল শিউলি ফুল

শিউলি ফুল, শিউলি ফুল, কেমন ভুল, এমন ভুল॥
 রাতের বায় কোন মায়ায় আনিল হায় বনছায়ায়,
 ভোরবেলায় বারে বারেই ফিরিবারে হলি ব্যাকুল॥
 কেন রে তুই উন্মনা! নয়নে তোর হিমকণা।
 কোন ভাষায় চাস বিদায়, গন্ধ তোর কী জানায়—
 সঙ্গে হায় পলে পলেই দলে দলে যায় বকুল॥

প্র: আষাঢ় ১৩৩৪ (1927)

#148 শরতে আজ কোন অতিথি

শরতে আজ কোন অতিথি এল প্রাণের দ্বারে।
 আনন্দগান গা রে হৃদয়, আনন্দগান গা রে॥
 নীল আকাশের নীরব কথা শিশির-ভেজা ব্যাকুলতা
 বেজে উঠুক আজি তোমার বীণার তারে তারে॥
 শস্যক্ষেতের সোনার গানে যোগ দে রে আজ সমান তানে,
 ভাসিয়ে দে সুর ভরা নদীর অমল জলধারে।
 যে এসেছে তাহার মুখে দেখ রে চেয়ে গভীর সুখে,
 দুয়ার খুলে তাহার সাথে বাহির হয়ে যা রে॥

প্র: ১৮ ভাদ্র ১৩১৬ (1909)

#149 আজ প্রথম ফুলের পাব

আজ প্রথম ফুলের পাব প্রসাদখানি, তাই ভোরে
উঠেছি।

আজ শুনতে পাব প্রথম আলোর বাণী, তাই বাইরে
ছুটেছি॥

এই হল মোদের পাওয়া, তাই ধরেছি গান-গাওয়া,
আজ লুটিয়ে হিরণ-কিরণ-পদ্মদলে সোনার রেণু
লুটেছি॥

আজ পারুলদিদির বনে মোরা চলব নিমন্ত্রণে,
চাঁপা-ভায়ের শাখা-ছায়ের তলে মোরা সবাই জুটেছি।
আজ মনের মধ্যে ছেয়ে সুনীল আকাশ ওঠে গেয়ে,
আজ সকালবেলায় ছেলেখেলার ছলে সকল শিকল টুটেছি।

প্র: আশ্বিন ১৩১৮ (1911)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

৬ লাইনে চাঁপা-ভায়ের শাখা-ছায়ের ⇒ আজ চাঁপা-ভায়ের শাখা-ছায়ের

#150 ওগো শেফালিবনের

ওগো শেফালিবনের মনের কামনা, ওগো
 সোনার স্বপন, সাধের সাধনা,
 কেন সুদূর গগনে গগনে কত আকুল হাসি ও
 রোদনে,
 আছ মিলায়ে পবনে পবনে। রাতে দিবসে স্বপনে
 বোধনে,
 কেন কিরণে কিরণে ঝলিয়া জ্বালি জোনাকি
 প্রদীপমালিকা,
 যাও শিশিরে শিশিরে গলিয়া। ভরি
 নিশীথতিমিরথালিকা,
 কেন চপল আলোতে ছায়াতে প্রাতে কুসুমের
 সাজি সাজায়ে,
 আছ লুকায়ে আপন মায়াতে। সাঁজে ঝিল্লি-
 ঝাঁঝর বাজায়ে,
 তুমি মুরতি ধরিয়া চকিতে নামো-না, কত
 করেছে তোমার স্তুতি-আরাধনা,
 ওগো শেফালিবনের মনের কামনা॥ ওগো
 সোনার স্বপন, সাধের সাধনা॥
 আজি মাঠে মাঠে চলো বিহরি, ওই বসেছ শুভ্র
 আসনে

তৃণ উঠুক শিহরি শিহরি। আজি নিখিলের
 সমভাষণে।
 নামো তালপল্লববীজনে, আহা
 শ্বেতচন্দনতিলকে
 নামো জলে ছায়াছবিসৃজনে। আজি তোমারে
 সাজায়ে দিল কে।
 এসো সৌরভ ভরি আঁচলে, আহা বরিল
 তোমারে কে আজি
 আঁখি আঁকিয়া সুনীল কাজলে। তার দুঃখশয়ন
 তেয়াজি—
 মম চোখের সমুখে ক্ষণেক থামো-না, তুমি
 ঘুচালে কাহার বিরহকাঁদনা,
 ওগো শেফালিবনের মনের কামনা॥ ওগো
 সোনার স্বপন, সাধের সাধনা॥

প্র: আশ্বিন ১৩১৮ (1911)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

শেষ স্তবক ২ লাইনে সমভাষণে ⇒ সম্ভাষণে

#151 শরত-আলোর কমলবনে

শরত-আলোর কমলবনে

বাহির হয়ে বিহার করে যে ছিল মোর মনে মনে॥
 তারি সোনার কঁকন বাজে আজি প্রভাতকিরণ-মাঝে,
 হাওয়ায় কাঁপে আঁচলখানি ছড়ায় ছায়া ক্ষণে ক্ষণে॥—
 আকুল কেশের পরিমলে
 শিউলিবনের উদাস বায়ু পড়ে থাকে তরুতলে।
 হৃদয়মাঝে হৃদয় দুলায়, বাহিরে সে ভুবন ভুলায়—
 আজি সে তার চোখের চাওয়া ছড়িয়ে দিল নীল গগনে॥

প্র: ১১ ভাদ্র ১৩২১ (1914)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

1 লাইনে শরত-আলোর ⇒ শরৎ -আলোর

#152 তোমার মোহন রূপে

তোমার মোহন রূপে কে রয় ভুলে।

জানি না কি মরণ নাচে, নাচে গো ওই চরণমূলে॥

শরৎ -আলোর আঁচল টুটে কিসের ঝলক নেচে উঠে,

ঝড় এনেছ এলোচুলে॥

কাঁপন ধরে বাতাসেতে—

পাকা ধানের তরাস লাগে, শিউরে ওঠে ভরা ক্ষেতে।

জানি গো আজ হাহারবে তোমার পূজা সারা হবে

নিখিল অশ্রু-সাগর-কূলে॥

প্র: ১১ ভাদ্র ১৩২১ (1914)

#153 শরৎ , তোমার অরুণ আলোর

শরৎ , তোমার অরুণ আলোর অঞ্জলি।
 ছড়িয়ে গেল ছাপিয়ে মোহন অঙ্গুলি॥
 শরৎ , তোমার শিশির-ধোওয়া কুন্তলে
 বনের-পথে-লুটিয়ে-পড়া অঞ্চলে
 আজ প্রভাতের হৃদয় ওঠে চঞ্চলি॥
 মানিক-গাঁথা ওই-যে তোমার কঙ্কণে
 ঝিলিক লাগায় তোমার শ্যামল অঙ্গনে।
 কুঞ্জছায়া গুঞ্জরণের সঙ্গীতে
 ওড়না ওড়ায় একি নাচের ভঙ্গীতে,
 শিউলিবনের বুক যে ওঠে আন্দোলি॥

প্র: ১৮ ভাদ্র ১৩২১ (1914)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

3 লাইনে শিশির-ধোওয়া ⇒ শিশির-ধোয়া

8 লাইনে সঙ্গীতে ⇒ সংগীতে

9 লাইনে একি ⇒ এ কী

#154 তোমরা যা বলো তাই বলো

তোমরা যা বলো তাই বলো, আমার লাগে না মনে।
 আমার যায় বেলা, বয়ে যায় বেলা কেমন বিনা
 কারণে॥

এই পাগল হাওয়া কী গান-গাওয়া
 ছড়িয়ে দিয়ে গেল আজি সুনীল গগনে॥
 সে গান আমার লাগল যে গো লাগল মনে,
 আমি কিসের মধু খুঁজে বেড়াই ভ্রমরগুঞ্জে।
 ওই আকাশ-ছাওয়া কাহার চাওয়া
 এমন ক'রে লাগে আজি আমার নয়নে॥

প্র: ১৩২৮ (1921)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

4 লাইনে সুনীল-গগনে ⇒ শরৎ গগনে

#155 কোন খেপা শ্রাবণ ছুটে

কোন খেপা শ্রাবণ ছুটে এল আশ্বিনেরই আঙিনায়।
 দুলিয়ে জটা ঘনঘটা পাগল হাওয়ার গান সে গায়॥
 মাঠে মাঠে পুলক লাগে ছায়ানটের নৃত্যরাগে,
 শরৎ -রবির সোনার আলো উদাস হয়ে মিলিয়ে যায়;
 কী কথা সে বলতে এল ভরা ক্ষেতের কানে কানে
 লুটিয়ে-পড়া কিসের কাঁদন উঠেছে আজ নবীন ধানে।
 মেঘে অধীর আকাশ কেন ডানা-মেলা গরুড় যেন—
 পথ-ভোলা এক পথিক এসে পথের বেদন আনল ধরায়॥

প্র: ভাদ্র ১৩২২ (1915)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

1 লাইনে খেপা ⇒ খ্যাপা

4 লাইনে ঃ ⇒ ।

oeSP লাইনে এক-পথিক ⇒ এই পথিক

#156 আকাশ হতে খসল তারা

আকাশ হতে খসল তারা আঁধার রাতে পথহারা॥
 প্রভাত তারে খুঁজতে যাবে ধরার ধুলায় খুঁজে পাবে—
 তুণে তুণে শিশিরধারা॥
 দুখের পথে গেল চলে নিবল আলো, মরল জ্বলে।—
 রবির আলো নেমে এসে মিলিয়ে নেবে ভালোবেসে,
 দুঃখ তখন হবে সারা॥

প্র: মাঘ ১৩২৬ (1920)

#157 হৃদয়ে ছিলে জেগে

হৃদয়ে ছিলে জেগে,
দেখি আজ শরতমেঘে॥

কেমনে আজকে ভোরে গেল গো গেল সরে
তোমার ওই আঁচলখানি— শিশিরের ছোঁয়া লেগে॥
কী-যে গান গাহিতে চাই,
বাণী মোর খুঁজে না পাই।
সে যে ওই শিউলিদলে ছড়ালো কাননতলে,
সে যে ওই ক্ষণিক ধারায় উড়ে যায় বায়ুবেগে।

প্র: ৮ আশ্বিন ১৩২৮ (1921)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

2 লাইনে শরতমেঘে ⇒ শরৎ মেঘে

7 লাইনে ছড়ালো ⇒ ছড়াল

#158 সারা নিশি ছিলেম শুয়ে

সারা নিশি ছিলেম শুয়ে বিজন ভুঁয়ে
 আমার মেঠো ফুলের পাশাপাশি,
 তখন শুনেছিলেম তারার বাঁশি॥
 যখন সকালবেলা খুঁজে দেখি স্বপেন্-শোনা সে সুর একি
 আমার মেঠো ফুলের চোখের জলে সুর উঠে ভাসি॥
 এ সুর আমি খুঁজেছিলেম রাজার ঘরে,
 শেষ ধরা দিল ধরার ধুলির 'পরে।
 এ যে ঘাসের কোলে আলোর ভাষা আকাশ-হতে-
 ভেসে-আসা—
 এ যে মাটির কোলে মানিক-খসা হাসিরাশি॥

প্র: আশ্বিন ১৩২৮ (1921)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

১ লাইনে 'যখন সারা নিশি'

২ লাইনে আমার-মেঠো-ফুলের ⇒ **মেঠো ফুলের**

৫ লাইনে সুর-উঠে-ভাসি ⇒ **উঠে ভাসি**

৮ লাইনে আকাশ-হতে-ভেসে-আসা ⇒ **আকাশ থেকে ভেসে-আসা**

#159 **দেখো, শুকতারা আঁখি**

দেখো দেখো, দেখো, শুকতারা আঁখি মেলি চায়
প্রভাতের কিনারায়।

ডাক দিয়েছে রে শিউলি ফুলেরে—
আয় আয় আয়॥

ও যে কার লাগি জ্বালে দীপ,
কার ললাটে পরায় টিপ,

ওযে কার আগমনী গায় আয় আয় আয়।—

জাগো জাগো সখী,
কাহার আশায় আকাশ উঠিল পুলকি।

মালতীর বনে বনে ওই শোনো ক্ষণে ক্ষণে
কহিছে শিশিরবায় আয় আয় আয়॥—

প্র: ভাদ্র ১৩৩২ (1925)

#160 ওলো শেফালি, ওলো শেফালি

ওলো শেফালি, ওলো শেফালি,

আমার সবুজ ছায়ার প্রদোষে তুই জ্বালিস দীপালি॥

তারার বাণী আকাশ থেকে তোমার রূপে দিল ঐকে

শ্যামল পাতায় থরে থরে আখর রূপালি॥

তোমার বুকের খসা গন্ধ-আঁচল রইল পাতা সে

আমার গোপন কাননবীথির বিবশ বাতাসে।

সারাটা দিন বাটে বাটে নানা কাজে দিবস কাটে,

আমার সাঁঝে বাজে তোমার করুণ ভূপালি।

প্র: কার্তিক ১৩৩২ (1925)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

2 লাইনে আমার-সবুজ-ছায়ার ⇒ সবুজ ছায়ার

5 লাইনে তোমার-বুকের-খসা ⇒ বুকের খসা

6 লাইনে আমার গোপন কাননবীথির বিবশ বাতাসে ⇒ কাননবীথির গোপন
কোণের বিবশ বাতাসে

#161 এসো শরতের অমল মহিমা

এসো শরতের অমল মহিমা, এসো হে ধীরে।

চিত্ত বিকাশিবে চরণ ঘিরে॥

বিরহতরঙ্গে অকূলে সে দোলে,

দিবায়ামিনী আকুল সমীরে॥

প্র: ভাদ্র ১৩৩২ (1925)

#162 এবার অবগুণ্ঠন খোলো

এবার অবগুণ্ঠন খোলো।

গহন মেঘমায়ায় বিজন বনছায়ায়

তোমার আলসে অবলুণ্ঠন সারা হল॥

শিউলিসুরভি রাতে বিকশিত জ্যোত্স্নাতে

মৃদু মর্মরগানে তব মর্মের বাণী বোলো॥

বিষাদ-অশ্রুজলে মিলুক শরমহাসি—

মালতীবিতানতলে বাজুক বঁধুর বাঁশি।

শিশিরসিক্ত বায়ে বিজড়িত আলোছায়ে

বিরহ-মিলনে-গাঁথা নব প্রণয়দোলায় দোলো॥

প্র: ফাল্গুন ১৩৩০ (1924)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

6 লাইনে বিষাদ-অশ্রুজলে ⇒ গোপন-অশ্রুজলে

#163 তোমার নাম জানি নে

তোমার নাম জানি নে, সুর জানি।
 তুমি শরৎ -প্রাতের আলোর বাণী॥
 সারা বেলা শিউলিবনে আছি মগন আপন-মনে,
 কিসের ভুলে রেখে গেলে আমার বুকে ব্যথার
 বাঁশিখানি॥
 আমি যা বলিতে চাই হল বলা
 ওই শিশিরে শিশিরে অশ্রু-গলা।
 আমি যা দেখিতে চাই প্রাণের মাঝে
 সেই মুরতি এই বিরাজে—
 ছায়াতে-আলোতে-আঁচল-গাঁথা
 আমার অকারণ বেদনার বীণাপাণি॥

প্র: ভাদ্র ১৩৩২ (1925)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

4 লাইনে আমার বুকে ব্যথার বাঁশিখানি ⇒ আমার ব্যথার বাঁশিখানি

9 লাইনে ছায়াতে-আলোতে-আঁচল-গাঁথা ⇒ ছায়াতে আলোতে আঁচল গাঁথা

#164 মরি লো কার বাঁশি নিশিভোরে

মরি লো) কার বাঁশি নিশিভোরে বাজিল মোর প্রাণে
 ফুটে দিগন্তে অরুণকিরণকলিকা॥
 শরতের আলোতে সুন্দর আসে,
 ধরণীর আঁখি যে শিশিরে ভাসে,
 হৃদয়কুঞ্জবনে মুঞ্জরিল মধুর শেফালিকা॥

প্র: ভাদ্র ১৩৩২ (1925)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

oeSP লাইনে মুঞ্জরিল ⇒ **মঞ্জরিল**

#165 আমার রাত পোহালো

আমার রাত পোহালো শারদ প্রাতে।
 বাঁশি, তোমায় দিয়ে যাব কাহার হাতে॥
 তোমার বুকে বাজল ধ্বনি
 বিদায়গাথা আগমনী কত যে—
 ফাল্গুনে শ্রাবণে কত প্রভাতে রাতে॥
 যে কথা রয় প্রাণের ভিতর অগোচরে
 গানে গানে নিয়েছিলে চুরি ক'রে॥
 সময় যে তার হল গত
 নিশিশেষের তারার মতো,—
 শেষ করে দাও শিউলিফুলের মরণ-সাথে॥

প্র: ভাদ্র ১৩৩২ (1925)

#166 নির্মল কান্ত, নমো হে

নির্মল কান্ত, নমো হে নমো, নমো হে, নমো হে।

স্বপ্নিসুশান্ত, নমো হে নমো, নমো হে, নমো হে।

বন-অঙ্গন-ময় রবিকররেখা

লেপিল আলিম্পনলিপি-লেখা,

আঁকিব তাহে প্রণতি মম।

নমো হে নমো, নমো হে নমো, নমো হে নমো॥

প্র: ১৬ ফাল্গুন ১৩৩৩ (1927)

#167 আলোর অমল কমলখানি

আলোর অমল কমলখানি কে ফুটালে,
নীল আকাশে ঘুম ছুটালে॥

আমার মনের ভাবনাগুলি বাহির হল পাখা তুলি,
ওই কমলের পথে তাদের সেই জুটালে॥

শরতবাণীর বীণা বাজে কমলদলে।

ললিত রাগের সুর ঝরে তাই শিউলিতলে।

তাই তো বাতাস বেড়ায় মেতে কচি ধানের সবুজ ক্ষেতে,
বনের প্রাণে মরমরানির ঢেউ উঠালে॥

প্র: ফাল্গুন ১৩৩৩ (1927)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

5 লাইনে শরতবাণীর ⇒ শরৎ বাণীর

7 লাইনে ক্ষেতে ⇒ খেতে

#168 **সেই তো তোমার পথের বঁধু**

সেই তো তোমার পথের বঁধু সেই তো।

দূর কুসুমের গন্ধ এনে খোঁজায় মধু সেই তো॥

সেই তো তোমার পথের বঁধু সেই তো।

এই আলো তার এই তো আঁধার, এই আছে এই নেই তো॥

প্র: ২২ অগ্রহায়ণ ১৩৩৪ (1927)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

2 লাইনে মধু-সেই-তো ⇒ মধু এই তো

#169 পোহালো পোহালো বিভাবরী

পোহালো পোহালো বিভাবরী,

পূর্বতোরণে শুনি বাঁশরি॥

নাচে তরঙ্গ, তরী অতি চঞ্চল,

কম্পিত অংশুককেতন-অঞ্চল,

পল্লবে পল্লবে পাগল জাগল

আলসলালস পাসরি॥

উদয়-অচলতল সাজিল নন্দন,

গগনে গগনে বনে জাগিল

বন্দন,

কনককিরণঘন শোভন স্যন্দন

নামিছে শারদসুন্দরী।—

দশদিক-অঙ্গনে দিগঙ্গনাদল

ধ্বনিল শূন্য ভরি শঙ্খ সুমঙ্গল—

চলো রে চলো চলো তরুণযাত্রী দল তুলি নব মালতীমঞ্জরী॥

প্র: মাঘ ১৩২১ (1915)

দ্র: দ্র:গীতবিতান (১৯৭৩) আর রচনাবলী (১৯৮৭) তে তফাত:

1 লাইনে পোহালো ⇒ পোহাল

#170 নব কুন্দধবলদলসুশীতলা

নব কুন্দধবলদলসুশীতলা,
 অতি সুনির্মলা, সুখসমুজ্জ্বলা,
 শুভ সুবর্ণ-আসনে অচঞ্চলা॥
 স্মিত-উদয়ারুণ-কিরণ-বিলাসিনী,
 পূর্ণসিতাংশুবিভাসবিকাশিনী,
 নন্দনলক্ষ্মীসুমঙ্গলা॥

প্র: ভাদ্র ১৩১৫ (1908)

হেমন্ত

৫ গান

হেমন্ত — সূচী

#171 হিমের রাতে ওই গগনের	197
#172 হায় হেমন্তলক্ষ্মী	198
#173 হেমন্তে কোন বসন্তেরই	198
#174 সে দিন আমায় বলেছিলে	199
#175 নমো, নমো, নমো তুমি ক্ষুধার্তজনশরণ্য	199

#171 হিমের রাতে ওই গগনের

হিমের রাতে ওই গগনের দীপগুলিরে

হেমন্তিকা করল গোপন আঁচল ঘিরে॥

ঘরে ঘরে ডাক পাঠালো 'দীপালিকায় জ্বালাও আলো,—

জ্বালাও আলো, আপন আলো, সাজাও আলোয় ধরিত্রীরে।'

শূন্য এখন ফুলের বাগান, দোয়েল কোকিল গাহে না গান,

কাশ ঝরে যায় নদীর তীরে।

যাক অবসাদ বিষাদ কালো, দীপালিকায় জ্বালাও আলো—

জ্বালাও আলো, আপন আলো, শুনাও আলোর জয়বাণীরে॥

দেবতারা আজ আছে চেয়ে জাগো ধরার ছেলে মেয়ে,—

আলোয় জাগাও যামিনীরে।

এল আঁধার দিন ফুরালো, দীপালিকায় জ্বালাও আলো,

জ্বালাও আলো, আপন আলো, জয় করো এই তামসীরে॥

প্র: ফাল্গুন ১৩৩৩ (1927)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

11 লাইনে এল-আঁধার দিন ফুরালো, ⇒ এল আঁধার, দিন ফুরালো,

#172 **হায় হেমন্তলক্ষ্মী**

হায় হেমন্তলক্ষ্মী, তোমার নয়ন কেন ঢাকা—

হিমের ঘন ঘোমটাকানি ধুমল রঙে আঁকা॥

সন্ধ্যাপ্রদীপ তোমার হাতে মলিন হেরি কুয়াশাতে,

কণ্ঠে তোমার বাণী যেন করুণ বাষ্পে মাখা॥

ধরার আঁচল ভরে দিলে প্রচুর সোনার ধানে।

দিগঙ্গনার অঙ্গন আজ পূর্ণ তোমার দানে।

আপন দানের আড়ালেতে রইলে কেন আসন পেতে,

আপনাকে এই কেমন তোমার গোপন ক'রে রাখা॥

প্র: ১৭ ফাল্গুন ১৩৩৩ (1927)

#173 **হেমন্তে কোন বসন্তেরই**

হেমন্তে কোন বসন্তেরই বাণী পূর্ণশশী ওই-যে দিল আনি॥

বকুল ডালের আগায় জ্যো ম্া যেন ফুলের স্বপন লাগায়।

কোন গোপন কানাকানি পূর্ণশশী ওই-যে দিল আনি॥

আবেশ লাগে বনে শ্বেতকরবীর অকাল জাগরণে।

ডাকছে থাকি থাকি ঘুমহারা কোন নাম-না-জানা পাখি।

কার মধুর স্মরণখানি পূর্ণশশী ওই-যে দিল আনি॥

প্র: পৌষ ১৩২৯ (1923)

#174 সে দিন আমায় বলেছিলে

সে দিন আমায় বলেছিলে আমার সময় হয় নাই—
ফিরে ফিরে চলে গেলে তাই॥

তখনো খেলার বেলা বনে মল্লিকার মেলা,—
পল্লবে পল্লবে বায়ু উতলা সদাই॥
আজি এল হেমন্তের দিন
কুহেলীবিলীন, ভূষণবিহীন।
বেলা আর নাই বাকি, সময় হয়েছে নাকি—
দিনশেষে দ্বারে বসে পথপানে চাই।

প্র: আশ্বিন ১৩২৯ (1922)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

6 লাইনে কুহেলীবিলীন ⇒ কুহেলিবিলীন

#175 নমো, নমো, নমো তুমি ক্ষুধার্তজনশরণ্য

নমো, নমো, নমো।

নমো, নমো, নমো।

তুমি ক্ষুধার্তজনশরণ্য,

অমৃত-অন্ন-ভোগধন্য করো অন্তর মম॥

প্র: ২২ অগ্রহায়ণ ১৩৩৪ (1927)



শীত

১২ গান

শীত — সূচী

#176 শীতের হাওয়ার লাগল নাচন	205
#177 শিউলি-ফোটা ফুরোল যেই	206
#178 এল যে শীতের বেলা	207
#179 পৌষ তোদের ডাক দিয়েছে	208
#180 ছাড় গো তোরা ছাড় গো	209
#181 আমরা নুতন প্রাণের চর	210
#182 আর নাই যে দেরি	211
#183 একি মায়া, লুকাও কায়া	212
#184 মোরা ভাঙব তাপস	213
#185 শীতের বনে কোন সে	214
#186 নমো, নমো নির্দয় অতি	215
#187 হে সন্ন্যাসী হিমগিরি	216

#176 শীতের হাওয়ার লাগল নাচন

শীতের হাওয়ার লাগল নাচন আমলকির এই ডালে ডালে।

পাতাগুলি শিরশিরিয়ে ঝরিয়ে দিল তালে তালে॥

উড়িয়ে দেবার মাতন এসে কাঙাল তারে করল শেষে,

তখন তাহার ফলের বাহার রইল না আর অন্তরালে॥

শূন্য করে ভরে দেওয়া যাহার খেলা

তারি লাগি রইনু বসে সকল বেলা।

শীতের পরশ থেকে থেকে যায় বুঝি ওই ডেকে ডেকে,

সব খোয়াবার সময় আমার হবে কখন কোন সকালে॥

প্র: মাঘ ১৩২৮ (1922)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

1,2 লাইনে আমলকির, শিরশিরিয়ে ⇒ আমলকির, শিরশিরিয়ে

#177 শিউলি-ফোটা ফুরোল যেই

শিউলি-ফোটা ফুরোল যেই ফুরোল শীতের বনে
এলে যে—

আমার শীতের বনে এলে যে সেই শূন্যক্ষেণে॥
তাই গোপনে সাজিয়ে ডালা দুখের সুরে বরণমালা
গাঁথি মনে মনে শূন্যক্ষেণে॥
দিনের কোলাহলে
ঢাকা সে যে রইবে হৃদয়তলে—

আমার বরণমালা রইবে হৃদয়তলে॥
রাতের তারা উঠবে যবে সুরের মালা বদল হবে
তখন তোমার সনে মনে মনে॥

প্র: পৌষ ১৩২৯ (1923)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

রচনাবলীতে প্রথম তিন লাইনের বদলে : শিউলি-ফোটা ফুরোল যেই শীতের
বনে এলে যে সেই শূন্যক্ষেণে

#178 এল যে শীতের বেলা

এল যে শীতের বেলা বরষ-পরে।

এবার ফসল কাটো, লও গো ঘরে॥

করো ত্বরা, করো ত্বরা, কাজ আছে মাঠ-ভরা—

দেখিতে দেখিতে দিন আঁধার করে॥

বাহিরে কাজের পালা হইবে সারা

আকাশে উঠিবে যবে সন্ধ্যাতারা—

আসন আপন হাতে পেতে রেখো আঙিনাতে

যে সাথি আসিবে রাতে তাহারি তরে।

প্র: কার্তিক ১৩২৯ (1922)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

oeSP লাইনে সার্থি ⇒ সাথী

#179 পৌষ তোদের ডাক দিয়েছে

পৌষ তোদের ডাক দিয়েছে, আয় রে চলে, আয় আয় আয়।
 ডালা যে তার ভরেছে আজ পাকা ফসলে, মরি হয় হয় হয়॥
 হাওয়ার নেশায় উঠল মেতে দিগবধুরা ধানের ক্ষেতে
 রোদের সোনা ছড়িয়ে পড়ে মাটির আঁচলে, মরি হয় হয় হয়॥
 মাঠের বাঁশি শুনে শুনে আকাশ খুশি হল।
 ঘরেতে আজ কে রবে গো, খোলো খোলো দুয়ার খোলো।
 আলোর হাসি উঠল জেগে ধানের শিষে শিশির লেগে—
 ধরার খুশি ধরে না গো, ওই-যে উথলে, মরি হয় হয় হয়॥

প্র: পৌষ ১৩৩০ (1924)

#180 ছাড় গো তোরা ছাড় গো

ছাড় গো তোরা ছাড় গো,
 আমি চলব সাগর-পার গো॥
 বিদায়বেলায় একি হাসি, ধরলি আগমনীর বাঁশি—
 যাবার সুরে আসার সুরে করলি একাকার গো॥
 সবাই আপন-পানে আমায় আবার কেন টানে।
 পুরানো শীত পাতা-ঝরা, তারে এমন নূতন করা!
 মাঘ মরিল ফাগুন হয়ে খেয়ে ফুলের মার গো॥
 রঙের খেলার ভাই রে, আমার সময় হাতে নাই রে॥
 তোমাদের ওই সবুজ ফাগে চক্ষে আমার ধাঁদা লাগে—
 আমায় তোদের প্রাণের দাগে দাগিস নে, ভাই, আর গো॥

প্র: ১২ ফাল্গুন ১৩২১ (1915)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

3 লাইনে একি ⇒ এ কী

oeSP লাইনে দাগিস-নে, ভাই, আর গো ⇒ দাগিস নে ভাই, আর গো

#181 আমরা নূতন প্রাণের চর

আমরা নূতন প্রাণের চর হা হা।
 আমরা থাকি পথে ঘাটে, নাই আমাদের ঘর
 হা হা॥
 নিয়ে পঙ্কপাতার পুঁজি পালাবে শীত, ভাবছ গো?
 ও-সব কেড়ে নেব, উড়িয়ে দেব দখিন-হাওয়ার 'পর
 হা হা॥
 তোমায় বাঁধব নূতন ফুলের মালায়
 বসন্তের এই বন্দীশালায়।
 জীর্ণ জরার ছদ্মরূপে এড়িয়ে যাবে চুপে চুপে?
 তোমার সকল ভূষণ ঢাকা আছে, নাই যে অগোচর
 হা হা॥

প্র: ১৩ ফাল্গুন ১৩২১ (1915)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

রচনাবলীতে ১,২ ৪ লাইনে 'হা হা' নেই

3 লাইনে ভাবছ-গো? ⇒ ভাবছ বুঝি।

০৫SP লাইনে অগোচর-হা-হা ⇒ অগোচর গো।

#182 আর নাই যে দেরি

আর নাই যে দেরি, নাই যে দেরি।

সামনে সবার পড়ল ধরা তুমি যে, ভাই, আমাদেরই॥
 হিমের বাহু-বাঁধন টুটি পাগলাঝোরা পাবে ছুটি,
 উত্তরে এই হাওয়া তোমার বইবে উজান কুঞ্জ ঘেরি॥
 নাই যে দেরি নাই যে দেরি।
 শুনছ না কি জলে স্থলে জাদুকরের বাজল ভেরী।
 দেখছ নাকি এই আলোকে খেলছে হাসি রবির চোখে—
 সাদা তোমার শ্যামল হবে, ফিরব মোরা তাই যে হেরি॥

প্র: ১৪ ফাল্গুন ১৩২১ (1915)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

2 লাইনে তুমি-যে, ভাই, আমাদেরই ⇒ **তুমি যে ভাই, আমাদেরই**

5 লাইনে নাই-যে-দেরি ⇒ **আর নাই যে দেরি**

6 লাইনে না-কি ⇒ **নাকি**

#183 **একি মায়া, লুকাও কায়া**

একি মায়া, লুকাও কায়া জীর্ণ শীতের সাজে।
 আমার সয় না, সয় না, সয় না প্রাণে, কিছুতে সয় না
 যে॥

কৃপণ হয়ে হে মহারাজ, রইবে কি আজ

আপন ভুবন-মাঝে॥

বুঝতে নারি বনের বীণা তোমার প্রসাদ পাবে কিনা,
 হিমের হাওয়ায় গগন-ভরা ব্যাকুল রোদন বাজে॥

কেন মরুর পারে কাটাও বেলা রসের কাণ্ডারী।

লুকিয়ে আছে কোথায় তোমার রূপের ভাণ্ডারী।

রিক্তপাতা গুল্ল শাখে কোকিল তোমার কই গো ডাকে—

শূন্য সভা, মৌন বাণী, আমরা মরি লাজে॥

প্র: মাঘ ১৩৩১ (1925)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

রচনাবলীতে ২ লাইনে: আমার সয় না প্রাণে, কিছুতে সয় না যে।

#184 মোরা ভাঙব তাপস

মোরা ভাঙব তাপস, ভাঙব তোমার কঠিন তপের বাঁধন—
 এবার এই আমাদের সাধন॥
 চল কবি, চল সঙ্গে জুটে, কাজ ফেলে তুই আয় আয় আয় রে ছুটে,
 গানে গানে উদাস প্রাণে
 জাগা রে উনমাদন, এবার জাগা রে উনমাদন॥
 বকুলবনের মুহূদয় উঠুক-না উচ্ছ্বাসি,
 নীলাশ্বরের মর্ম-মাঝে বাজাও তোমার সোনার বাঁশি বাজাও।
 পলাশরেণুর রঙ মাখিয়ে নবীন বসন এনেছি এ,
 সবাই মিলে দিই ঘুচিয়ে
 পুরানো আচ্ছাদন, তোমার পুরানো আচ্ছাদন॥

প্র: ফাল্গুন ১৩৩১ (1925)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

- 1 লাইনে মোরা-ভাঙব-তাপস ⇒ ভাঙব তাপস
- 2 লাইনে এবার-এই-আমাদের-সাধন ⇒ এই আমাদের সাধন
- 5 লাইনে জাগা-রে-উনমাদন, এবার-জাগা-রে-উনমাদন ⇒ জাগা রে উনমাদন'
- ৭ লাইনের শেষে 'বাজাও' নেই। শেষ লাইন 'পুরানো আচ্ছাদন।

#185 শীতের বনে কোন সে

শীতের বনে কোন সে কঠিন আসবে ব'লে
 শিউলিগুলি ভয়ে মলিন বনের কোলে॥
 আমলকি-ডাল সাজল কাঙাল, খসিয়ে দিল পল্লবজাল,
 কাশের হাসি হাওয়ায় ভাসি যায় যে চলে॥
 সইবে না সে পাতায় ঘাসে চঞ্চলতা,
 তাই তো আপন রঙ ঘুচালো ঝুমকোলতা।
 উত্তরবায় জানায় শাসন, পাতল তপের শুষ্ক আসন,
 সাজ-খসাবার এই লীলা কার অটুরোলে॥

প্র: ফাল্গুন ১৩৩৩ (1927)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

3 লাইনে আমলকি-ডাল ⇒ আমলকী-ডাল ৩ লাইনের শেষে ',' নেই

5 লাইনে পাতায় ঘাসে চঞ্চলতা ⇒ পাতায় ঘাসে পাণ্ডুরতা

7 লাইনে উত্তরবায় ⇒ উত্তর বায়

#186 নমো, নমো নির্দয় অতি

নমো, নমো। নমো, নমো। নমো, নমো।

নির্দয় অতি করুণা তোমার বন্ধু, তুমি হে নির্মম॥—

যা-কিছু জীর্ণ করিবে দীর্ণ

দণ্ড তোমার দুর্দম॥

প্র: ২২ অগ্রহায়ণ ১৩৩৪ (1927)

#187 **হে সন্ন্যাসী হিমগিরি**

হে সন্ন্যাসী,
 হিমগিরি ফেলে নীচে নেমে এলে কিসের জন্য।
 কুন্দমালতী করিছে মিনতি, হও প্রসন্ন॥
 যাহা-কিছু ম্লান বিরস জীর্ণ দিকে দিকে দিলে করি
 বিকীর্ণ।
 বিচ্ছেদভারে বনচ্ছায়াରେ করে বিষণ্ণ- হও প্রসন্ন॥
 সাজাবে কি ডালা, গাঁথিবে কি মালা মরণসত্রে!
 তাই উত্তরী নিলে ভরি ভরি শুকানো পত্রে?
 ধরণী যে তব তাণ্ডবে সাথি প্রলয়বেদনা নিল বুকে পাতি।
 রুদ্র, এবারে বরবেশে তারে করো গো ধন্য হও
 প্রসন্ন॥—

প্র: ২১ ফাল্গুন ১৩৩৩ (1927)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

৪ লাইনের শেষে '।' ⇒ ','

৫ লাইনে করে-বিষণ্ণ- ⇒ করে বিষণ্ণ,

৪ লাইনে সার্থী ⇒ সাথী

০৫SP লাইনে করো গো ধন্য ⇒ করো গো ধন্য,

বসন্ত

৯৯ গান

বসন্ত — সৃষ্টি

#188 নব বসন্তের দানের	225
#189 এস' এস' বসন্ত, ধরাতলে	226
#190 আজি বসন্ত জাগ্রত দ্বারে	228
#191 এনেছ ওই শিরীষ বকুল	229
#192 ও মঞ্জরী, ও মঞ্জরী	230
#193 কার যেন এই মনের বেদন	231
#194 দোলে প্রেমের দোলন-চাঁপা	232
#195 অনন্তের বাণী তুমি	233
#196 এবার এল সময় রে তোর	234
#197 ওরে গৃহবাসী খোল	235
#198 একটুকু ছোঁওয়া লাগে	236
#199 ওগো বধু সুন্দরী	237
#200 আমার বনে বনে ধরল মুকুল	238
#201 আমি পথভোলা এক পথিক	239
#202 আজি দখিন-দুয়ার খোল	241
#203 বসন্তে কি শুধু কেবল	242
#204 ওগো দখিন হাওয়া	243
#205 আকাশ আমায় ভরল আলোয়	244
#206 মোর বীণা ওঠে কোন সুরে	245
#207 ওরে ভাই, ফাগুন লেগেছে	246
#208 এত দিন যে বসে	247
#209 বসন্তে ফুল গাঁথল	248
#210 ওরে আয় রে তবে	249

#211 বসন্ত, তোর শেষ ক'রে দে	250
#212 দিনশেষে বসন্ত যা	251
#213 সব দিবি কে সব দিবি পায়	252
#214 বাকি আমি রাখব না	253
#215 ফল ফলাবার আশা আমি	254
#216 যদি তারে নাই চিনি গো	255
#217 ধীরে ধীরে ধীরে বও	256
#218 দখিন-হাওয়া জাগো জাগো	257
#219 সহসা ডালপালা তোর উতলা	258
#220 সে কি ভাবে গোপন রবে	259
#221 ওই ভাঙল হাসির বাঁধ	260
#222 ও আমার চাঁদের আলো	261
#223 ও চাঁদ, তোমায় দোলা	262
#224 শুকনো পাতা কে যে ছড়ায়	263
#225 তোমার বাস কোথা যে পথিক	264
#226 আজ দখিন-বাতাসে	265
#227 বিদায় যখন চাইবে তুমি	266
#228 এ বেলা ডাক পড়েছে কোনখানে	267
#229 না যেয়ো না, যেয়ো নাকো	268
#230 এবার বিদায়বেলার সুর	269
#231 আজ খেলা ভাঙার খেলা	270
#232 আজ কি তাহার বারতা পেল	271
#233 চরণরেখা তব যে পথে	272
#233 চরণরেখা তব যে পথে	272
#234 নমো নমো, তুমি সুন্দরতম	274

#235 তোমার আসন পাতব কোথায়	275
#236 কে) রঙ লাগালে বনে বনে	276
#237 মন যে বলে চিনি চিনি	277
#238 বকুলগন্ধে বন্যা এল	278
#239 বাসন্তী, হে ভুবনমোহিনী	279
#240 আন গো তোরা কার কী	280
#241 ফাগুন, হাওয়ায় হাওয়ায় করেছি	281
#242 নিবিড় অমা-তিমির হতে	282
#243 হে মাধবী, দ্বিধা কেন	283
#244 ওরা অকারণে চঞ্চল	284
#244 ওরা অকারণে চঞ্চল	284
#245 ফাগুনের নবীন আনন্দে	286
#246 বেদনা কী ভাষায় রে	287
#247 চলে যায় মরি হয়	288
#248 বসন্তে-বসন্তে তোমার কবিরে	289
#249 আমার মল্লিকাবনে যখন	290
#250 ক্লান্ত যখন আম্রকলির কাল	291
#251 তুমি কিছু দিয়ে যাও	291
#252 আজি এই গন্ধবিধুর সমীরণে	292
#253 এবার ভাসিয়ে দিতে হবে	293
#254 বসন্তে আজ ধরার চিত্ত	294
#255 তুমি কোন পথে যে এলে	295
#256 অনেক দিনের মনের মানুষ	296
#257 পুরাতনকে বিদায় দিলে না	297
#258 ঝরো-ঝরো ঝরো-ঝরো ঝরে	298

#259 পূর্বাচলের পানে তাকাই	299
#260 নীল আকাশের কোণে কোণে	300
#261 মাধবী হঠাৎ কোথা হতে	301
#262 নীল দিগন্তে ওই ফুলের	303
#263 বসন্ত তার গান লিখে	304
#264 ফাগুনের শুরু হতেই	305
#265 ফাগুনের পূর্ণিমা	306
#266 এক ফাগুনের গান সে আমার	307
#267 ওরে বকুল, পারুল, ওরে শাল-পিয়ালের বন	308
#267 ওরে বকুল, পারুল, ওরে শাল-পিয়ালের বন	308
#268 নিশীথরাতের প্রাণ	311
#269 চেনা ফুলের গন্ধস্রোতে	312
#270 মধুর বসন্ত এসেছে মধুর	313
#271 আমার মালার ফুলের দলে	314
#272 আজি কমলমুকুলদল খুলিল	315
#273 পুষ্প ফুটে কোন	316
#274 এই মৌমাছীদের ঘরছাড়া	317
#275 বিদায় নিয়ে গিয়েছিলেম	318
#276 এই কথাটাই ছিলেম ভুলে	319
#277 এবার তো যৌবনের কাছে	320
#278 সেই তো বসন্ত ফিরে এল	321
#279 নিবিড় অন্তরতর বসন্ত	322
#280 নব নব পল্লবরাজি	323
#281 মম অন্তর উদাসে	324
#282 ফাগুন-হাওয়ায় রঙে রঙে পাগল	325

#283 ঝরা পাতা গো, আমি

326

#188 নব বসন্তের দানের

নব বসন্তের দানের ডালি

এনেছি তোদেরই দ্বারে,

আয় আয় আয়

পরিবি গলার হারে॥

লতার বাঁধন হারায় মাধবী মরিছে কেঁদে,

বেণীর বাঁধনে রাখিবি, বেঁধে—

অলকদোলায় দোলাবি তারে

আয় আয় আয়॥

বনমাধুরী করিবি চুরি আপন নবীন মাধুরীতে—

সোহিণী রাগিণী জাগাবে সে তোদের

দেহের বীণার তারে তারে,

আয় আয় আয়॥

প্র: ১৯৩৮ (1938)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

6 লাইনে রাখিবি, বেঁধে ⇒ রাখিবি বেঁধে,

7 লাইনে দোলাবি ⇒ দোলাবি

10 লাইনে সোহিণী ⇒ সোহিণী

#189 এস' এস' বসন্ত, ধরাতলে

এস' এস' বসন্ত, ধরাতলে।
 আন' মুহু মুহু নব তান, আন' নব প্রাণ নব গান।
 এস' জাগর মুখর প্রভাতে।
 আন' গন্ধমদভরে অলস সমীরণ।
 এস' নগরে প্রান্তরে বনে।
 আন' বিশ্বের অন্তরে অন্তরে নিবিড় চেতনা।
 এস' কর্মে বচনে মনে। এস' এস'।
 আন' নব উল্লাসহিল্লোল।
 এস' মঞ্জীরগুঞ্জর চরণে।
 আন' আন' আনন্দছন্দের হিন্দোলা ধরাতলে।
 এস' গীতমুখর কলকণ্ঠে।
 ভাঙ' ভাঙ' বন্ধনশৃঙ্খল।
 এস' মঞ্জুল মল্লিকামাল্যে।
 আন' আন' উদ্দীপ্ত প্রাণের বেদনা ধরাতলে।
 এস' কোমল কিশলয়বসনে
 এস' থরথরকম্পিত মর্মরমুখরিত নবপল্লবপুলকিত
 এস' সুন্দর, যৌবনবেগে।
 ফুল- আকুল মালতীবল্লিবিতানে সুখছায়ে, মধুবায়ে।—
 এস' দৃপ্ত বীর, নবতেজে।

এস' বিকশিত উন্মুখ, এস' চির-উৎসুক
নন্দনপথচিরযাত্রী।

 ওহে দুর্মদ, কর জয়যাত্রা,
এস' স্পন্দিত নন্দিত চিত্তনিলয়ে গানে গানে, প্রাণে
প্রাণে।

 চল' জরাপরাভব সমরে
এস' অরুণচরণ কমলবরন তরুণ উষার কোলে।
 পবনে কেশররেণু ছড়ায়ে,
এস' জ্যো স্নাবিবশ নিশীথে, কলকল্লোল তটিনী-তীরে,
 চঞ্চল কুন্তল উড়ায়ে॥

সুখ- সুপ্ত সরসী-নীরে। এস' এস'।
এস' তড়ি -শিখা-সম ঝঞ্ঝাচরণে সিন্ধুতরঙ্গদোলে।

প্র: ১৯৩৬ (1936)

**দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত: (চিত্রাঙ্গদার
সাথে ও তফাত আছে)**

এস', আন', চল' $\Rightarrow$ এসো, আনো, চলো

৭ লাইনে মালতীবল্লিবিভানে $\Rightarrow$ মালতীবল্লীবিভানে

#190 আজি বসন্ত জাগ্রত দ্বারে

আজি বসন্ত জাগ্রত দ্বারে।
 তব অবগুষ্ঠিত কুষ্ঠিত জীবনে
 কোরো না বিড়ম্বিত তারে॥
 আজি খুলিয়ো হৃদয়দল খুলিয়ো,
 আজি ভুলিয়ো আপন পর ভুলিয়ো,
 এই সঙ্গীতমুখরিত গগনে
 তব গন্ধ তরঙ্গিয়া তুলিয়ো।
 এই বাহির-ভুবনে দিশা হারায়ে
 দিয়ো ছড়ায়ে মাধুরী ভারে ভারে॥
 একি নিবিড় বেদনা বনমাঝে
 আজি পল্লবে পল্লবে বাজে—
 দূরে গগনে কাহার পথ চাহিয়া
 আজি ব্যাকুল বসুন্ধরা সাজে।
 মোর পরানে দখিনবায়ু লাগিছে,
 কারে দ্বারে দ্বারে কর হানি মাগিছে—
 এই সৌরভবিহ্বল রজনী
 কার চরণে ধরণীতলে জাগিছে।
 ওহে সুন্দর, বল্লভ, কান্ত,
 তব গম্ভীর আহ্বান করে॥

প্র: ২৬ চৈত্র ১৩১৬ (1910)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

6 লাইনে সংস্কৃতমুখরিত ⇒ সংগীতমুখরিত

10 লাইনে একি-নিবিড়-বেদনা-বনমাঝে ⇒ অতি নিবিড় বেদনা বনমাঝে রে

11 লাইনে বাজে ⇒ বাজে রে

13 লাইনে সাজে ⇒ সাজে রে

#191 এনেছ ওই শিরীষ বকুল

এনেছ ওই শিরীষ বকুল আমার মুকুল সাজিখানি হাতে করে।

কবে যে সব ফুরিয়ে দেবে, চলে যাবে দিগন্তরে॥

পথিক, তোমার আছে জানা, করব না গো তোমায় মানা—

যাবার বেলায় যেয়ো যেয়ো বিজয়মালা মাথায় প’রে॥

তবু তুমি আছ যত ক্ষণ

অসীম হয়ে ওঠে হিয়ায় তোমারি মিলন।

যখন যাবে তখন প্রাণে বিরহ মোর ভরবে গানে—

দূরের কথা সুরে বাজে সকল বেলা ব্যথায় ভ’রে॥

প্র: ২৮ ফাল্গুন ১৩২৮ (1922)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

5 লাইনে ষত-ক্ষণ ⇒ যতক্ষণ

#192 ও মঞ্জরী, ও মঞ্জরী

ও মঞ্জরী, ও মঞ্জরী আমার মঞ্জরী,
 আজ হৃদয় তোমার উদাস হয়ে পড়ছে কি ঝরি॥
 আমার গান যে তোমার গন্ধে মিশে দিশে দিশে
 ফিরে ফিরে ফেরে গুঞ্জরি॥
 পূর্ণিমাচাঁদ তোমার শাখায় শাখায়
 তোমার গন্ধ-সাথে আপন আলো মাখায়।
 ওই দখিন-বাতাস গন্ধে পাগল ভাঙল আগল,
 ঘিরে ঘিরে ফিরে সঞ্চরি॥

প্র: ২৮ ফাল্গুন ১৩২৮ (1922)

#193 কার যেন এই মনের বেদন

কার যেন এই মনের বেদন চৈত্রমাসের উতল হাওয়ায়,
ঝুমকোলতার চিকন পাতা কাঁপে রে কার চমকে-চাওয়ায়॥

হারিয়ে-যাওয়া কার সে বাণী কার সোহাগের স্মরণখানি
আমের বোলের গন্ধে মিশে
কাননকে আজ কান্না পাওয়ায়॥

কাঁকন-দুটির রিনিঝিনি কার বা এখন মনে আছে।

সেই কাঁকনের ঝিকিমিকি পিয়ালবনের শাখায় নাচে।

যার চোখের ওই আভাস দোলে নদী-ঢেউয়ের কোলে কোলে
তার সাথে মোর দেখা ছিল
সেই সেকালের তরী-বাওয়ায়॥

প্র: ১২ চৈত্র ১৩২৮ (1922)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

2 লাইনে ঝুমকোলতার ⇒ ঝুমকো লতার

#194 দোলে প্রেমের দোলন-চাঁপা

দোলে দোলে দোলে প্রেমের দোলন-চাঁপা হৃদয়-
আকাশে,

দোল-ফাগুনের চাঁদের আলোর সুধায় মাখা সে॥

কৃষ্ণরাতের অন্ধকারে বচনহারা ধ্যানের পারে

কোন স্বপনের পর্ণপুটে ছিল ঢাকা সে॥

দখিন-হাওয়ায় ছড়িয়ে গেল গোপন রেণুকা।

গন্ধে তারি ছন্দে মাতে কবির বেণুকা।

কোমল প্রাণের পাতে পাতে লাগল যে রঙ পূর্ণিমাতে

আমার গানের সুরে সুরে রইল আঁকা সে॥

প্র: ১৫ ফাল্গুন ১৩৩২ (1926)

#195 অনন্তের বাণী তুমি

অনন্তের বাণী তুমি, বসন্তের মাধুরী-উৎসবে
 আনন্দের মধুপাত্র পরিপূর্ণ করি দিবে কবে॥

বঞ্জুলনিকুঞ্জতলে সঞ্চরিতে লীলাচ্ছলে,
 চঞ্চল অঞ্চলগন্ধে বনচ্ছায়া রোমাঞ্চিত হবে॥

মন্ত্র মঞ্জুল ছন্দে মঞ্জীরের গুঞ্জনকল্লোল
 আন্দোলিবে ক্ষণে ক্ষণে অরণ্যের হৃদয়হিন্দোল।

নয়নপল্লবে হাসি হিল্লোলি উঠিবে ভাসি,
 মিলনমল্লিকামাল্য পরাইবে পরানবল্লভে॥

প্র: ১১ ফাল্গুন ১৩৩২ (1926)

#196 এবার এল সময় রে তোর

এবার এল সময় রে তোর শুকনো-পাতা-ঝরা

যায় বেলা যায়, রৌদ্র হল খরা॥

অলস ভ্রমর ক্লান্তপাখা মলিন ফুলের দলে

অকারণে দোল দিয়ে যায় কোন খেয়ালের ছলে।

স্তব্ধ বিজন ছায়াবীথি

বনের-ব্যথা-ভরা॥

মনের মাঝে গান থেমেছে, সুর নাহি আর লাগে—

শ্রান্ত বাঁশি আর তো নাহি জাগে।

যে গেঁথেছে মালাখানি সে গিয়েছে ভুলে,

কোনকালে সে পারে গেল সুদূর নদীকূলে।

রইল রে তোর অসীম আকাশ,

অবাধপ্রসার ধরা॥

প্র: ৬ এপ্রিল ১৯২৬ (1926)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

1 লাইনে শুকনো-পাতা-ঝরা ⇒ শুকনো পাতা ঝরা

oeSP লাইনে অবাধপ্রসার ⇒ অবাধ প্রসার

#197 ওরে গৃহবাসী খোল

ওরে গৃহবাসী খোল, দ্বার খোল, লাগল যে দোল।

স্থলে জলে বনতলে লাগল যে দোল।

দ্বার খোল, দ্বার খোল॥

রাঙা হাসি রাশি রাশি অশোকে পলাশে,

রাঙা নেশা মেঘে মেশা প্রভাত-আকাশে,

নবীন পাতায় লাগে রাঙা হিল্লোল।

দ্বার খোল, দ্বার খোল॥

বেণুবন মর্মরে দখিন বাতাসে,

প্রজাপতি দোলে ঘাসে ঘাসে।

মউমাছি ফিরে যাচি ফুলের দখিনা,

পাখায় বাজায় তার ভিখারির বীণা,

মাধবীবিতানে বায়ু গন্ধে বিভোল।

দ্বার খোল, দ্বার খোল॥

প্র: ফাল্গুন ১৩৩৭ (1931)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

1 লাইনে ওরে-গৃহবাসী-খোল, ⇒ ওরে গৃহবাসী, তোরা খোল,

3, 7, oeSP লাইনে দ্বার-খোল, দ্বার-খোল ⇒ খোল দ্বার খোল

#198 একটুকু ছোঁওয়া লাগে

একটুকু ছোঁওয়া লাগে, একটুকু কথা শুনি—

তাই দিয়ে মনে মনে রচি মম ফাল্গুনী॥

কিছু পলাশের নেশা, কিছু বা চাঁপায় মেশা,

তাই দিয়ে সুরে সুরে রঙে রসে জাল বুনি॥

যেটুকু কাছেতে আসে ক্ষণিকের ফাঁকে ফাঁকে

চকিত মনের কোণে স্বপনের ছবি আঁকে।

যেটুকু যায় রে দূরে ভাবনা কাঁপায় সুরে,

তাই নিয়ে যায় বেলা নূপুরের তাল গুনি॥

প্র: ২ ফাল্গুন ১৩৩৪ (1928)

#199 **ওগো বধু সুন্দরী**

ওগো বধু সুন্দরী, তুমি মধুমঞ্জরী,
 পুলকিত চম্পার লহো অভিনন্দন—
 পর্ণের পাশ্রে ফাল্গুনরাশ্রে মুকুলিত মল্লিকা-মাল্যের বন্ধন।
 এনেছি বসন্তের অঞ্জলি গন্ধের,
 পলাশের কুঙ্কুম চাঁদিনির চন্দন—
 পারুলের হিল্লোল, শিরীষের হিন্দোল, মঞ্জুল বল্লীর বন্ধিম কঙ্কণ-
 উল্লাস-উতরোল বেণুবনকল্লোল,
 কম্পিত কিশলয়ে মলয়ের চুম্বন।

তব আঁখিপল্লবে দিয়ো আঁকি বল্লভে

গগনের নবনীল স্বপনের অঞ্জন॥

প্র: ২৭ ফাল্গুন ১৩৩০ (1924)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

1 লাইনে বধু ⇒ **বধু**

1 লাইনে তুমি-মধুমঞ্জরী ⇒ **নব মধুমঞ্জরী**

2 লাইনে পুলকিত-চম্পার ⇒ **সাতভাই চম্পার**

3 লাইনে মুকুলিত-মল্লিকা-মাল্যের বন্ধন ⇒ **স্বর্ণের বর্ণের হৃন্দের বন্ধন**

9 লাইনে দিয়ো-আঁকি ⇒ **দিনু আঁকি**

#200 আমার বনে বনে ধরল মুকুল

আমার বনে বনে ধরল মুকুল,
 বহে মনে মনে দক্ষিণহাওয়া।
 মৌমাছিদের ডানায় ডানায়
 যেন উড়ে মোর উৎসুক চাওয়া॥
 গোপন স্বপনকুসুমে কে এমন সুগভীর রঙ
 দিল ঐকে—
 নব কিশলয়শিহরনে ভাবনা আমার হল ছাওয়া॥
 ফাল্গুনপূর্ণিমাতে
 এই দিশাহারা রাতে
 নিদ্রাবিহীন গানে কোন নিরুদ্দেশের পানে
 উদবেল গন্ধের জোয়ারতরঙ্গে হবে মোর তরণী
 বাওয়া॥

প্র: বৈশাখ ১৩৪২ (1934-1935)

#201 আমি পথভোলা এক পথিক

‘আমি পথভোলা এক পথিক এসেছি।

সন্ধ্যাবেলার চামেলি গো, সকাল বেলার মল্লিকা

আমায় চেনো কি।’

‘চিনি তোমায় চিনি, নবীন পাস্থ,—

বনে বনে ওড়ে তোমার রঙিন বসনপ্রান্ত।

ফাগুন প্রাতের উতলা গো, চৈত্র রাতের উদাসী,

তোমার পথে আমরা ভেসেছি।’

‘ঘরছাড়া এই পাগলটাকে এমন ক’রে কে গো ডাকে

করুণ গুঞ্জরি,

যখন বাজিয়ে বীণা বনের পথে বেড়াই সঞ্চরি।’

‘আমি তোমায় ডাক দিয়েছি ওগো উদাসী,

আমি আমার মঞ্জরী।

তোমায় চোখে দেখার আগে তোমার স্বপন চোখে লাগে,

বেদন জাগে গো—

না চিনিতেই ভালো বেসেছি।’

যখন ফুরিয়ে বেলা চুকিয়ে খেলা তপ্ত ধুলার

পথে

যাব ঝরা ফুলের রথে—

তখন সঙ্গ কে লবি’

‘লব আমি মাধবী।’

প্র: ২১ চৈত্র ১৩২২ (1916)

2 লাইনে সকাল বেলার $\Rightarrow$ সকালবেলার

#202 আজি দখিন-দুয়ার খোল

আজি দখিন-দুয়ার খোল—
 এসো হে, এসো হে, এসো হে আমার বসন্ত এসো।
 দিব হৃদয়দোলায় দোলা,
 এসো হে, এসো হে, এসো হে আমার বসন্ত এসো॥
 নব শ্যামল শোভন রথে এসো বকুলবিছানো
 পথে,
 এসো বাজায়ে ব্যাকুল বেণু মেখে পিয়ালফুলের রেণু।
 এসো হে, এসো হে, এসো হে আমার বসন্ত এসো
 এসো ঘনপল্লবপুঞ্জ এসো হে, এসো হে, এসো হে।
 এসো বনমল্লিকাকুঞ্জে এসো হে, এসো হে, এসো হে।
 মৃদু মধুর মদির হেসে এসো পাগল হাওয়ার
 দেশে,
 তোমার উতলা উত্তরীয় তুমি আকাশে
 উড়ায়ে দিয়ো—
 এসো হে, এসো হে, এসো হে আমার বসন্ত এসো॥

প্র: পৌষ ১৩১৭ (1910)

#203 **বসন্তে কি শুধু কেবল**

বসন্তে কি শুধু কেবল ফোটা ফুলের মালা রে।
 দেখিস নে কি শুকনো-পাতা ঝরা-ফুলের খেলা রে॥
 যে ঢেউ উঠে তারি সুরে বাজে কি গান সাগর জুড়ে।
 যে ঢেউ পড়ে তাহারও সুর জাগছে সারা বেলা রে॥
 বসন্তে আজ দেখ রে তোরা ঝরা ফুলের খেলা রে॥
 আমার প্রভুর পায়ের তলে শুধুই কি রে মানিক জ্বলে।
 চরণে তাঁর লুটিয়ে কাঁদে লক্ষ মাটির ঢেলা রে॥
 আমার গুরুর আসন-কাছে সুবোধ ছেলে ক জন আছে।
 অবোধ জনে কোল দিয়েছেন, তাই আমি তাঁর চেলা রে।
 উৎসবরাজ দেখেন চেয়ে ঝরা ফুলের খেলা রে॥

প্র: পৌষ ১৩১৭ (1910)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

2 লাইনে শুকনো-পাতা ⇒ **শুকনো পাতা**

5, oeSP লাইনে ঝরা-ফুলের ⇒ **ঝরা-ফুলের**

8 লাইনে ক-জন ⇒ **ক'জন**

#204 **ওগো দখিন হাওয়া**

ওগো দখিন হাওয়া, ও পথিক হাওয়া, দোদুল দোলায় দাও দুলিয়ে।

নূতন-পাতার-পুলক-ছাওয়া পরশখানি দাও বুলিয়ে॥

আমি পথের ধারের ব্যাকুল বেণু হঠাৎ তোমার সাড়া পেনু গো-

আহা, এসো আমার শাখায় শাখায় প্রাণের গানের ঢেউ তুলিয়ে॥

ওগো দখিন হাওয়া, ও পথিক হাওয়া, পথের ধারে আমার বাসা।

জানি তোমার আসা-যাওয়া, শুনি তোমার পায়ের ভাষা।

আমায় তোমার ছোঁওয়া লাগলে পরে একটুকুতেই কাঁপন ধরে গো-

আহা, কানে কানে একটি কথায় সকল কথা নেয় ভুলিয়ে॥

প্র: ১২ ফাল্গুন ১৩২১ (1915)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

1, 5 লাইনে ও-পথিক-হাওয়া ⇒ পথিক হাওয়া

2 লাইনে নূতন-পাতার-পুলক-ছাওয়া ⇒ নূতন পাতার পুলক-ছাওয়া' ৩, ৭

লাইনের শেষে 'গো' নেই

7 লাইনে ছোঁওয়া ⇒ ছোঁয়া

#205 আকাশ আমায় ভরল আলোয়

আকাশ আমায় ভরল আলোয়, আকাশ আমি ভরব গানে।
 সুরের আবীর হানব হাওয়ায়, নাচের আবীর হাওয়ায় হানে॥
 ওরে পলাশ, ওরে পলাশ,
 রাঙা রঙের শিখায় শিখায় দিকে দিকে আগুন জ্বলাস—
 আমার মনের রাগ রাগিণী রাঙা হল রঙিন তানে॥
 দখিন-হাওয়ায় কুসুমবনের বুকের কাঁপন থামে না যে।
 নীল আকাশে সোনার আলোয় কচি পাতার নুপুর বাজে।
 ওরে শিরীষ, ওরে শিরীষ,
 মৃদু হাসির অন্তরালে গন্ধজালে শূন্য ঘিরিস—
 তোমার গন্ধ আমার কণ্ঠে আমার হৃদয় টেনে আনে॥

প্র: ১৩ ফাল্গুন ১৩২১ (1315)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

6 লাইনে না-যে ⇒ না-যে

#206 মোর বীণা ওঠে কোন সুরে

মোর বীণা ওঠে কোন সুরে বাজি কোন নব চঞ্চল ছন্দে।
 মম অন্তর কম্পিত আজি নিখিলের হৃদয়স্পন্দে॥
 আসে কোন তরুণ অশান্ত, উড়ে বসনাঞ্চলপ্রান্ত—
 আলোকের নৃত্যে বনান্ত মুখরিত অধীর আনন্দে॥
 অম্বরপ্রাঙ্গণমাঝে নিঃস্বর মঞ্জীর গুঞ্জে।
 অশ্রুত সেই তালে বাজে করতালি পল্লবপুঞ্জে।
 কার পদপরশন-আশা তৃণে তৃণে অর্পিল ভাষা—
 সমীরণ বন্ধনহারা উনমন কোন বনগন্ধে॥

প্র: ২৪ বৈশাখ ১৩২৬ (1919)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

5 লাইনে অম্বরপ্রাঙ্গণমাঝে ⇒ ওই অম্বরপ্রাঙ্গণমাঝে

oeSP লাইনে উনমন ⇒ উন্নমন

#207 ওরে ভাই, ফাগুন লেগেছে

ওরে ভাই, ফাগুন লেগেছে বনে বনে—

ডালে ডালে ফুলে ফলে পাতায় পাতায় রে,

আড়ালে আড়ালে কোণে কোণে॥

রঙে রঙে রঙিল আকাশ, গানে গানে নিখিল উদাস—

যেন চলচঞ্চল নব পল্লবদল মর্মরে মোর মনে মনে॥

হেরো হেরো অবনীর রঙ্গ,

গগনের করে তপোভঙ্গ।

হাসির আঘাতে তার মৌন রহে না আর,

কেঁপে কেঁপে ওঠে খনে খনে।

বাতাস ছুটিছে বনময় রে, ফুলের না জানে পরিচয় রে।

তাই বুঝি বারে বারে কুঞ্জের দ্বারে দ্বারে

শুধায়ে ফিরিছে জনে জনে॥

প্র: ফাল্গুন ১৩২১ (1915)

#208 এত দিন যে বসে

এত দিন যে বসে ছিলাম পথ চেয়ে আর কাল গুনে
দেখা পেলাম ফাল্গুনে॥

বালক বীরের বেশে তুমি করলে বিশ্বজয়—
একি গো বিস্ময়।

অবাক আমি তরুণ গলার গান শুনে॥
গন্ধে উদাস হাওয়ার মতো উড়ে তোমার উত্তরী,
কর্ণে তোমার কৃষ্ণচূড়ার মঞ্জরী।
তরুণ হাসির আড়ালে কোন আগুন ঢাকা রয়—
একি গো বিস্ময়।

অস্ত্র তোমার গোপন রাখো কোন তুণে॥

প্র: ১৪ ফাল্গুন ১৩২১ (1915)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

4, 9 লাইনে একি ⇒ এ কী

#209 **বসন্তে ফুল গাঁথল**

বসন্তে ফুল গাঁথল আমার জয়ের মালা।
 বইল প্রাণে দখিন-হাওয়া আগুন-জ্বালা॥
 পিছের বাঁশি কোণের ঘরে মিছে রে ওই কেঁদে মরে—
 মরণ এবার আনল আমার বরণডালা॥
 যৌবনেরই ঝড় উঠেছে আকাশ-পাতালে।
 নাচের তালের ঝঙ্কারে তার আমায় মাতালে।
 কুড়িয়ে নেবার ঘুচল পেশা, উড়িয়ে দেবার লাগল নেশা—
 আরাম বলে 'এল আমার যাবার পালা'॥

প্র: ফাল্গুন ১৩২১ (1915)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

2 লাইনে দখিন-হাওয়া ⇒ দখিন হাওয়া

5 লাইনে আকাশ-পাতালে ⇒ আকাশ পাতালে

6 লাইনে ঝঙ্কারে ⇒ ঝংকারে

#210 ওরে আয় রে তবে

ওরে আয় রে তবে, মাত রে সবে আনন্দে
 আজ নবীন প্রাণের বসন্তে॥

 পিছন-পানে বাঁধন হতে চল ছুটে আজ বন্যাস্রোতে,
 আপনাকে আজ দখিন-হাওয়ায় ছড়িয়ে দে রে দিগন্তে॥

বাঁধন যত ছিন্ন করো আনন্দে
 আজ নবীন প্রাণের বসন্তে।

 অকূল প্রাণের সাগর-তীরে ভয় কী রে তোর ক্ষয়-
 ক্ষতিরে।

 যা আছে রে সব নিয়ে তোর ঝাঁপ দিয়ে পড় অনন্তে॥

প্র: ১৩ ফাল্গুন ১৩২১ (1915)

#211 **বসন্ত, তোর শেষ ক'রে দে**

বসন্ত, তোর শেষ ক'রে দে, শেষ ক'রে দে, শেষ ক'রে দে রঙ্গ—

ফুল ফোটাবার খ্যাপামি, তার উদ্দামতরঙ্গ॥

উড়িয়ে দেবার ছড়িয়ে দেবার মাতন তোমার থামুক
এবার,

নীড়ে ফিরে আসুক তোমার পথহারা বিহঙ্গ॥

তোমার সাধের মুকুল কতই পড়ল ঝ'রে—

তারা ধুলা হল, তারা ধুলা দিল ভ'রে।

প্রখর তাপে জরোজরো ফল ফলাবার সাধন ধরো,

হেলাফেলার পালা তোমার এই বেলা হোক ভঙ্গ॥

প্র: মাঘ ১৩২৬ (1920)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

১ লাইনে 'বসন্ত, তোর শেষ ক'রে দে রঙ্গ '

৫ লাইনে তোমার-সাধের ⇒ **সাধের**

৬ লাইনে তারা ধুলা দিল ⇒ **ধুলা দিল**

৭ লাইনে জরোজরো ⇒ **জরজর**

৭ লাইনে সাধন ধরো ⇒ **শাসন ধরো**

#212 দিনশেষে বসন্ত যা

দিনশেষে বসন্ত যা প্রাণে গেল ব'লে
 তাই নিয়ে বসে আছি, বীণাখানি কোলে॥
 তারি সুর নেব ধরে
 আমারি গানেতে ভরে,
 ঝরা মাধবীর সাথে যায় সে যে চলে॥
 থামো থামো দখিনপবন,
 কী বারতা এনেছ তা কোরো না গোপন।
 যে দিনেরে নাই মনে তুমি তারি উপবনে
 কী ফুল পেয়েছ খুঁজে গন্ধে প্রাণ ভোলে॥—

প্র: ২৮ মাঘ ১৩৩৪ (1928)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

৪ লাইনে তুমি-তারি-উপবনে ⇒ সে দিনেরই উপবনে

#213 সব দিবি কে সব দিবি পায়

সব দিবি কে সব দিবি পায়,	আয় আয় আয়।
ডাক পড়েছে ওই শোনা যায়	‘আয় আয় আয়’॥
আসবে যে সে স্বর্ণরথে	জাগবি কারা রিক্ত পথে—
পৌষ-রজনী তাহার আশায়,	আয় আয় আয়॥
ক্ষণেক কেবল তাহার খেলা,	হায় হায় হায়।
তার পরে তার যাবার বেলা,	হায় হায় হায়।
চলে গেলে জাগবি যবে	ধনরতন বোঝা হবে—
বহন করা হবে যে দায়,	আয় আয় আয়।

প্র: ২৭ মাঘ ১৩২৯ (1923)

#214 বাকি আমি রাখব না

বাকি আমি রাখব না কিছুই—

তোমার চলার পথে পথে ছেয়ে দেব ভুঁই॥

ওগো মোহন, তোমার উত্তরীয় গন্ধে আমার ভরে নিয়ো,
উজাড় করে দেব পায়ে বকুল বেলা জুঁই॥

দখিন-সাগর পার হয়ে যে এলে পথিক তুমি,

আমার সকল দেব অতিথিরে আমি বনভূমি।

আমার কুলায়-ভরা রয়েছে গান, সব তোমারে করেছে দান

—

দেবার কাঙাল করে আমায় চরণ যখন ছুঁই॥

প্র: ২২ মাঘ ১৩২৯ (1923)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

7 লাইনে সব-তোমারে ⇒ সব তোমারেই

#215 ফল ফলাবার আশা আমি

ফল ফলাবার আশা আমি মনে রাখি নি রে।
 আজ আমি তাই মুকুল ঝরাই দক্ষিণসমীরে॥
 বসন্তগান পাখিরা গায়, বাতাসে তার সুর ঝরে যায়—
 মুকুল-ঝরার ব্যাকুল খেলা আমারি সেই রাগিণীরে॥
 জানি নে ভাই, ভাবি নে তাই কী হবে মোর দশা
 যখন আমার সারা হবে সকল ঝরা খসা।
 এই কথা মোর শূন্য ডালে বাজবে সে দিন তালে তালে—
 ‘চরম দেওয়ায় সব দিয়েছি মধুর মধুযামিনীরে’॥

প্র: ২২ মাঘ ১৩২৯ (1923)

#216 যদি তারে নাই চিনি গো

যদি তারে নাই চিনি গো সে কি আমায় নেবে চিনে
 এই নব ফাল্গুনের দিনে— জানি নে, জানি নে॥
 সে কি আমার কুঁড়ির কানে কবে কথা গানে গানে,
 পরান তাহার নেবে কিনে এই নব ফাল্গুনের দিনে—
 জানি নে জানি নে॥
 সে কি আপন রঙে ফুল রাঙাবে।
 সে কি মর্মে এসে ঘুম ভাঙাবে।
 ঘোমটা আমার নতুন পাতার হঠাৎ দোলা পাবে কি তার,
 গোপন কথা নেবে জিনে এই নব ফাল্গুনের দিনে—
 জানি নে জানি নে॥

প্র: ২৭ মাঘ ১৩২৯ (1923)

#217 ধীরে ধীরে ধীরে বও

ধীরে ধীরে ধীরে বও ওগো উতল হাওয়া,
 নিশীথরাতের বাঁশি বাজে শান্ত হও গো শান্ত হও॥—
 আমি প্রদীপশিখা তোমার লাগি ভয়ে ভয়ে একা জাগি,
 মনের কথা কানে কানে মৃদু মৃদু কও॥
 তোমার দূরের গাথা তোমার বনের বাণী
 ঘরের কোণে দেহো আনি।
 আমার কিছু কথা আছে ভোরের বেলার তারার কাছে,
 সেই কথাটি তোমার কানে চুপিচুপি লও॥

প্র: ২১ মাঘ ১৩২৯ (1923)

#218 **দখিন-হাওয়া জাগো জাগো**

দখিন-হাওয়া জাগো জাগো, জাগাও আমার সুপ্ত এ প্রাণ।

আমি বেণু, আমার শাখায় নীরব যে হয় কত-না গান। জাগো জাগো॥

পথের ধারে আমার কারা ওগো পথিক বাঁধন-হারা,
নৃত্য তোমার চিত্তে আমার মুক্তি-দোলা করে যে দান। জাগো জাগো॥
গানের পাখা যখন খুলি বাধা-বেদন তখন ভুলি।

যখন আমার বুকের মাঝে তোমার পথের বাঁশি বাজে
বন্ধ ভাঙার ছন্দে আমার মৌন-কাঁদন হয় অবসান। জাগো জাগো॥

প্র: ৫ ফাল্গুন ১৩২৯ (1923)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

২, ৪, শেষ লাইনে 'জাগো জাগো' নেই।

#219 **সহসা ডালপালা তোর উতলা**

সহসা ডালপালা তোর উতলা যে ও চাঁপা, ও
 করবী!

কারে তুই দেখতে পেলি আকাশ-মাঝে জানি না যে॥

কোন সুরের মাতন হাওয়ায় এসে বেড়ায় ভেসে ও
 চাঁপা, ও করবী!

কার নাচনের নূপুর বাজে জানি না যে॥

তোরে ক্ষণে ক্ষণে চমক লাগে।

কোন অজানার ধেয়ান তোমার মনে জাগে।

কোন রঙের মাতন উঠল দুলে ফুলে ফুলে ও চাঁপা,
 ও করবী!

কে সাজালে রঙিন সাজে জানি না যে॥

প্র: ২৭ মাঘ ১৩২৯ (1923)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

৭ লাইনে 'ও চাঁপা, ও করবী!' নেই।

#220 সে কি ভাবে গোপন রবে

সে কি ভাবে গোপন রবে লুকিয়ে হৃদয় কাড়া।

তাহার আসা হাওয়ায় ঢাকা, সে যে সৃষ্টিছাড়া॥

হিয়ায় হিয়ায় জাগল বাণী, পাতায় পাতায় কানাকানি—

‘ওই এল যে’ ‘ওই এল যে’ পরান দিল সাড়া॥

এই তো আমার আপনারই এই ফুল-ফোটানোর মাঝে

তারে দেখি নয়ন ভ’রে নানা রঙের সাজে।

এই-যে পাখির গানে গানে চরণধ্বনি বয়ে আনে,

বিশ্ববীণার তারে তারে এই তো দিল নাড়া॥

প্র: ২২ মাঘ ১৩২৯ (1923)

#221 ওই ভাঙল হাসির বাঁধ

ওই) ভাঙল হাসির বাঁধ।

অধীর হয়ে মাতল কেন পূর্ণিমার ওই চাঁদ॥

উতল হাওয়া ক্ষণে ক্ষণে মুকুল-ছাওয়া বকুলবনে

দোল দিয়ে যায় পাতায় পাতায়, ঘটায় পরমাদ॥

ঘুমের আঁচল আকুল হল কী উল্লাসের ভরে।

স্বপন যত ছড়িয়ে প'ল দিকে দিগন্তরে।

আজ রাতের এই পাগলামিরে বাঁধবে ব'লে কে ওই
ফিরে,

শালবীথিকায় ছায়া গেঁথে তাই পেতেছে ফাঁদ॥

প্র: ২১ মাঘ ১৩২৯ (1923)

#222 ও আমার চাঁদের আলো

ও আমার চাঁদের আলো, আজ ফাগুনের সন্ধ্যাকালে
ধরা দিয়েছ যে আমার পাতায় পাতায় ডালে ডালে॥

যে গান তোমার সুরের ধারায় বন্যা জাগায় তারায় তারায়
মোর আঙিনায় বাজল গো, বাজল সে-সুর আমার প্রাণের তালে-
তালে॥

সব কুঁড়ি মোর ফুটে ওঠে তোমার হাসির ইশারাতে।
দখিন-হাওয়া দিশাহারা আমার ফুলের গন্ধে মাতে।

শুভ্র, তুমি করলে বিলোল আমার প্রাণে রঙের হিলোল—
মর্মরিত মর্ম গো,

মর্ম আমার জড়ায় তোমার হাসির জালে॥

প্র: ১৮ মাঘ ১৩২৯ (1923)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

শেষ দু লাইনের বদলে ‘মর্মরিত মর্ম আমার জড়ায় তোমার হাসির জালে’

#223 ও চাঁদ, তোমায় দোলা

ও চাঁদ, তোমায় দোলা দেবে কে!

ও চাঁদ, তোমায় দোলা—

কে দেবে কে দেবে তোমায় দোলা—

আপন আলোর স্বপন-মাঝে বিভোল ভোলা॥

কেবল তোমার চোখের চাওয়ায় দোলা দিলে হাওয়ায় হাওয়ায়

বনে বনে দোল জাগালো ওই চাহনি তুফান-তোলা॥

আজ মানসের সরোবরে

কোন মাধুরীর কমলকানন দোলাও তুমি ঢেউয়ের 'পরে।

তোমার হাসির আভাস লেগে বিশ্ব-দোলন দোলার বেগে

উঠল জেগে আমার গানের কল্লোলিনী কলরোলা॥

প্র: ২০ মাঘ ১৩২৯ (1923)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

প্রথম তিন লাইনের বদলে 'কে দেবে চাঁদ, তোমায় দোলা'

#224 শুকনো পাতা কে যে ছড়ায়

শুকনো পাতা কে যে ছড়ায় ওই দূরে উদাস-করা কোন সুরে॥
 ঘর-ছাড়া ওই কে বৈরাগী জানি না যে কাহার লাগি
 ক্ষণে ক্ষণে শূন্য বনে যায় ঘুরে॥
 চিনি চিনি যেন ওরে হয় মনে,
 ফিরে ফিরে যেন দেখা ওর সনে।
 ছদ্মবেশে কেন খেলো, জীর্ণ এ বাস ফেলো ফেলো—
 প্রকাশ করো চিরনূতন বন্ধুরে॥

প্র: ২৭ মাঘ ১৩২৯ (1923)

#225 তোমার বাস কোথা যে পথিক

তোমার বাস কোথা যে পথিক ওগো, দেশে কি বিদেশে।
 তুমি হৃদয়-পূর্ণ-করা ওগো, তুমিই সর্বনেশে॥
 ‘আমার বাস কোথা যে জান না কি,
 শুধাতে হয় সে কথা কি
 ও মাধবী, ও মালতী!’
 হয়তো জানি, হয়তো জানি, হয়তো জানি নে,
 মোদের ব’লে দেবে কে সে॥
 মনে করি, আমার তুমি, বুঝি নও আমার।
 বলো বলো, বলো পথিক, বলো তুমি কার।
 ‘আমি তারি যে আমারে যেমনি দেখে চিনতে পারে,
 ও মাধবী, ও মালতী!’
 হয়তো চিনি, হয়তো চিনি, হয়তো চিনি নে,
 মোদের ব’লে দেবে কে সে॥

প্র: ২৯ মাঘ ১৩২৯ (1923)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

১-২, ৬-৭, ৮-৯ লাইন ‘...’ চিহ্নের ভিতর।

#226 আজ দখিন-বাতাসে

আজ দখিন-বাতাসে

নাম-না-জানা কোন বনফুল ফুটল বনের ঘাসে।

‘ও মোর পথের সাথি পথে পথে গোপনে যায় আসে।’

কৃষ্ণচূড়া চূড়ায় সাজে, বকুল তোমার মালার মাঝে,

শিরীষ তোমার ভরবে সাজি ফুটেছে সেই আশে।

‘এ মোর পথের বাঁশির সুরে সুরে লুকিয়ে কাঁদে হাসে।’

ওরে দেখ বা নাই দেখ, ওরে যাও বা না যাও ভুলে।

ওরে নাই বা দিলে দোলা, ওরে নাই বা নিলে তুলে।

সভায় তোমার ও কেহ নয়, ওর সাথে নেই ঘরের প্রণয়,

যাওয়া-আসার আভাস নিয়ে রয়েছে এক পাশে।

‘ওগো ওর সাথে মোর প্রাণের কথা নিশ্বাসে নিশ্বাসে।’

প্র: ২৩ মাঘ ১৩২৯ (1923)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

1 লাইনে দখিন-বাতাসে ⇒ দখিন বাতাসে

৩, ৫, শেষ লাইনে ‘...’ চিহ্ন নেই।

3 লাইনে সাথি ⇒ সাথী

#227 বিদায় যখন চাইবে তুমি

বিদায় যখন চাইবে তুমি দক্ষিণসমীপে

তোমায় ডাকব না ফিরে ফিরে॥

করব তোমায় কী সম্ভাষণ, কোথায় তোমার পাতব আসন

পাতা-ঝরা কুসুম-ঝরা নিকুঞ্জকুটীরে॥

তুমি আপনি যখন আস তখন আপনি কর ঠাই—

আপনি কুসুম ফোটাও, মোরা তাই দিয়ে সাজাই।

তুমি যখন যাও চলে যাও সব আয়োজন হয় যে উধাও-

গান ঘুচে যায়, রঙ মুছে যায়, তাকাই অশ্রুণীরে॥

প্র: ২৩ মাঘ ১৩২৯ (1923)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

2 লাইনে ডাকব না ফিরে ফিরে ⇒ ডাকব না তো ফিরে

4 লাইনে নিকুঞ্জকুটীরে ⇒ নিকুঞ্জকুটীতে

#228 এ বেলা ডাক পড়েছে কোনখানে

এ বেলা ডাক পড়েছে কোনখানে

ফাগুনের ক্লান্ত ক্ষণের শেষ গানে॥

সেখানে স্তব্ধ বীণার তারে তারে সুরের খেলা ডুব সাঁতারে—

সেখানে চোখ মেলে যার পাই নে দেখা

তাহারে মন জানে গো মন জানে॥

এ বেলা মন যেতে চায় কোনখানে

নিরালায় লুপ্ত পথের সন্ধানে।

সেখানে মিলনদিনের ভোলা হাসি লুকিয়ে বাজায় করুণ বাঁশি,

সেখানে যে কথাটি হয় নি বলা সে কথা রয় কানে গো রয় কানে॥

প্র: ২৩ মাঘ ১৩২৯ (1923)

#229 না যেয়ো না, যেয়ো নাকো

না, যেয়ো না, যেয়ো নাকো।

মিলনপিয়াসী মোরা কথা রাখো, কথা রাখো॥

আজো বকুল আপনহারা হয় রে, ফুল-ফোটানো হয় নি সারা,

সাজি ভরে নি—

পথিক ওগো, থাকো থাকো॥

চাঁদের চোখে জাগে নেশা,

তার আলো গানে গন্ধে মেশা।

দেখো চেয়ে কোন বেদনায় হয় রে

মল্লিকা ওই যায় চলে যায়

অভিমানিনী—

পথিক, তারে ডাকো ডাকো॥

প্র: ২৯ মাঘ ১৩২৯ (1923)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

3 লাইনে আজো ⇒ আজও

#230 এবার বিদায়বেলার সুর

এবার বিদায়বেলার সুর ধরো ধরো ও চাঁপা, ও করবী!
 তোমার শেষ ফুলে আজ সাজি ভরো॥
 যাবার পথে আকাশতলে মেঘ রাঙা হল চোখের জলে,
 ঝরে পাতা ঝরোঝরো॥
 হেরো হেরো ওই রুদ্র রবি
 স্বপ্নভাঙায় রক্তছবি।
 খেয়াতরীর রাঙা পালে আজ লাগল হাওয়া ঝড়ের
 তালে,
 বেণুবনের ব্যাকুল শাখা থরোথরো॥

প্র: ২৮ মাঘ ১৩২৯ (1923)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

4 লাইনে ঝরোঝরো ⇒ **ঝরঝর**

oeSP লাইনে থরোথরো ⇒ **থরথর**

#231 আজ খেলা ভাঙার খেলা

আজ খেলা ভাঙার খেলা খেলবি আয়,
 সুখের বাসা ভেঙে ফেলবি আয়॥
 মিলনমালার আজ বাঁধন তো টুটবে,
 ফাগুন-দিনের আজ স্বপন তো ছুটবে—
 উধাও মনের পাখা মেলবি আয়॥
 অস্তগিরির ওই শিখরচূড়ে
 ঝড়ের মেঘের আজ ধ্বজা উড়ে।
 কালবৈশাখীর হবে যে নাচন,
 সাথে নাচুক তোর মরণ বাঁচন—
 হাসি কাঁদন পায়ে ঠেলবি আয়॥

প্র: ২৮ মাঘ ১৩২৯ (1923)

#232 আজ কি তাহার বারতা পেল

আজ কি তাহার বারতা পেল রে কিশলয়।

ওরা কার কথা কয় রে বনময়॥

আকাশে আকাশে দূরে দূরে সুরে সুরে

কোন পখিকের গাহে জয়॥

যেথা চাঁপা-কোরকের শিখা জ্বলে

ঝিল্লিমুখর ঘন বনতলে,

এসো কবি, এসো, মালা পরো, বাঁশি ধরো—

হোক গানে গানে বিনিময়॥

প্র: ২৬ ফাল্গুন ১৩৩১ (1925)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

2 লাইনে ~~কর কথা কয় রে বনময়~~ ⇒ **কার কথা কয় বনময়**

#233 চরণরেখা তব যে পথে

চরণরেখা তব যে পথে দিলে লেখি

চিহ্ন আজি তারি আপনি ঘুচালে কি॥

অশোকরেণুগুলি

রাঙালো যার ধূলি

তারে যে তৃণতলে

আজিকে লীন দেখি॥

ফুরায় ফুল-ফোটা,

পাখিও গান ভোলে,

দখিনবায়ু সেও

উদাসী যায় চলে।

তবু কি ভরি তারে

অমৃত ছিল না রে—

স্মরণ তারো কি গো

মরণে যাবে ঠেকি॥

প্র: ১৯ ফাল্গুন ১৩৩৩ (1927)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

5 লাইনে ফুরায় ⇒ ফুরোয়

oeSP লাইনে ভরে ⇒ তারও

#233 চরণরেখা তব যে পথে

চরণরেখা তব যে পথে দিলে লেখি
 চিহ্ন আজি তারি আপনি ঘুচালে কি॥

অশোকরেণুগুলি রাঙালো যার ধূলি
 তারে যে তৃণতলে আজিকে লীন দেখি॥

ফুরায় ফুল-ফোটা, পাখিও গান ভোলে,
 দখিনবায়ু সেও উদাসী যায় চলে।

তবু কি ভরি তারে অমৃত ছিল না রে—
 স্মরণ তারো কি গো মরণে যাবে ঠেকি॥

প্র: ১৯ ফাল্গুন ১৩৩৩ (1927)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

5 লাইনে ফুরায় ⇒ ফুরোয়

oeSP লাইনে ভরে ⇒ তারও

#234 নমো নমো, তুমি সুন্দরতম

নমো নমো, নমো নমো, নমো নমো, তুমি সুন্দরতম।

নমো নমো নমো।

দূর হইল দৈন্যদ্বন্দ্ব,

ছিন্ন হইল দুঃখবন্ধ—

উৎসবপতি মহানন্দ

তুমি সুন্দরতম॥

প্র: ২২ অগ্রহায়ণ ১৩৩৪ (1927)

#235 তোমার আসন পাতব কোথায়

তোমার আসন পাতব কোথায় হে অতিথি।
 ছেয়ে গেছে শুকনো পাতায় কাননবীথি॥
 ছিল ফুটে মালতীফুল কুন্দকলি,
 উত্তরবায় লুঠ ক'রে তায় গেল চলি—
 হিমে বিবশ বনস্থলী বিরলগীতি
 হে অতিথি॥
 সুর-ভোলা ওই ধরার বাঁশি লুটায় ভুঁয়ে,
 মর্মে তাহার তোমার হাসি দাও-না ছুঁয়ে।
 মাতবে আকাশ নবীন রঙের তানে তানে,
 পলাশ বকুল ব্যাকুল হবে আত্মদানে—
 জাগবে বনের মুহূর্তে মধুর স্মৃতি
 হে অতিথি॥

প্র: ১৮ ফাল্গুন ১৩৩৩ (1927)

#236 কে) রঙ লাগালে বনে বনে

কে) রঙ লাগালে বনে বনে।

ঢেউ জাগালে সমীরণে॥

আজ ভুবনের দুয়ার খোলা দোল দিয়েছে বনের দোলা—

দে দোল! দে দোল! দে দোল!

কোন ভোলা সে ভাবে-ভোলা খেলায় প্রাঙ্গণে॥

আন বাঁশি আন রে তোর আন রে বাঁশি,—

উঠল সুর উচ্ছ্বাসি ফাগুন-বাতাসে।

আজ দে ছড়িয়ে ছড়িয়ে শেষ বেলাকার কান্না হাসি—

সন্ধ্যাকাশের বুক-ফাটা সুর বিদায়-রাতি করবে মধুর,

মাতল আজি অন্তসাগর সুরের প্লাবনে॥

প্র: ২২ অগ্রহায়ণ ১৩৩৪ (1927)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

৪ লাইনের ‘দে দোল! দে দোল! দে দোল!’ নেই। ৬, ৭, ৮ লাইনের বদলে ‘আন বাঁশি তোর আন রে লাগল সুরের বান রে, বাতাসে আজ দে ছড়িয়ে শেষ বেলাকার গান রে।’

#237 **মন যে বলে চিনি চিনি**

মন যে বলে চিনি চিনি যে গন্ধ বয় এই সমীরে।
 কে ওরে কয় বিদেশিনী চৈত্ররাতের চামেলিরে॥
 রক্তে রেখে গেছে ভাষা,
 স্বপেন্ছিল যাওয়া-আসা—
 কোন যুগে কোন হাওয়ার পথে, কোন বনে, কোন সিন্ধুতীরে।
 এই সুদূরে পরবাসে
 ওর বাঁশি আজ প্রাণে আসে।
 মোর পুরাতন দিনের পাখি
 ডাক শুনে তার উঠল ডাকি,
 চিত্ততলে জাগিয়ে তোলে অশ্রুজলের ভৈরবীরে॥

প্র: ভাদ্র ১৩৩৬ (1929)

#238 বকুলগন্ধে বন্যা এল

বকুলগন্ধে বন্যা এল দখিন-হাওয়ার স্রোতে।
 পুষ্পধনু, ভাসাও তরী নন্দনতীর হতে॥
 পলাশকলি দিকে দিকে তোমার আখর দিল লিখে,
 চঞ্চলতা জাগিয়ে দিল অরণ্যে পর্বতে॥
 আকাশ-পারে পেতে আছে একলা আসনখানি—
 নিত্যকালের সেই বিরহীর জাগল আশার বাণী॥
 পাতায় পাতায় ঘাসে ঘাসে নবীন প্রাণের পত্র আসে,
 পলাশ-জবায় কনক-চাঁপায় অশোকে অশ্বথে॥

প্র: ভাদ্র ১৩৩৬ (1929)

#239 বাসন্তী, হে ভুবনমোহিনী

বাসন্তী, হে ভুবনমোহিনী,
 দিকপ্রান্তে, বনবনান্তে,
 শ্যাম প্রান্তরে, আশ্রছায়ে,
 সরোবরতীরে, নদীতীরে,
 নীলআকাশে, মলয়বাতাসে
 ব্যাপিল অনন্ত তব মাধুরী॥
 নগরে গ্রামে কাননে, দিনে নিশীথে,
 পিকসঙ্গীতে, নৃত্যগীতকলনে বিশ্ব আনন্দিত।
 ভবনে ভবনে বীণাতান রণ-রণ ঝঙ্কত
 মধুমদমোদিত হৃদয়ে হৃদয়ে রে
 নবপ্রাণ উচ্ছ্বসিল আজি,
 বিচলিত চিত উচ্ছলি উন্মাদনা
 ঝন-ঝন ঝনিল মঞ্জীরে মঞ্জীরে॥

প্র: ফাল্গুন ১৩৩৭ (1930-1931)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

৪ লাইনে পিকসঙ্গীতে ⇒ পিকসংগীতে

৭ লাইনে ঝঙ্কত ⇒ ঝংকত

#240 **আন গো তোরা কার কী**

আন গো তোরা কার কী আছে,
দেবার হাওয়া বইল দিকে দিগন্তরে—

এই সুসময় ফুরায় পাছে॥

কুঞ্জবনের অঞ্জলি যে ছাপিয়ে পড়ে,
পলাশকানন ধৈর্য হারায় রঙের ঝড়ে,

বেণুর শাখা তালে মাতাল পাতার নাচে॥

প্রজাপতি রঙ ভাসালো নীলাম্বরে,
মৌমাছির ধ্বনি উড়ায় বাতাস-‘পরে।

দখিন-হাওয়া হেঁকে বেড়ায় ‘জাগো জাগো’,
দোয়েল কোয়েল গানের বিরাম জানে না গো—
রক্ত রঙের জাগল প্রলাপ অশোক-গাছে॥

প্র: ফাল্গুন ১৩৩৭ (1930-1931)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

oeSP লাইনে অশোক-গাছে ⇒ অশোক-গাছে

#241 ফাগুন, হাওয়ায় হাওয়ায় করেছি

ফাগুন, হাওয়ায় হাওয়ায় করেছি যে দান—

তোমার হাওয়ায় হাওয়ায় করেছি যে দান—

আমার আপনহারা প্রাণ আমার বাঁধন-ছেঁড়া প্রাণ॥

তোমার অশোকে কিংশুকে

অলক্ষ্য রঙ লাগল আমার অকারণের সুখে,

তোমার ঝাউয়ের দোলে

মর্মরিয়া ওঠে আমার দুঃখরাতের গান॥

পূর্ণিমা সন্ধ্যায় তোমার রজনীগন্ধায়

রূপসাগরের পারের পানে উদাসী মন ধায়।

তোমার প্রজাপতির পাখা

আমার আকাশ-চাওয়া মুহূচ্চাখের রঙিন-স্বপন-মাখা।

তোমার চাঁদের আলোয়

মিলায় আমার দুঃখসুখের সকল অবসান॥

প্র: ফাল্গুন ১৩৩৭ (1931)

#242 নিবিড় অমা-তিমির হতে

নিবিড় অমা-তিমির হতে বাহির হল জোয়ার-স্রোতে
 শুল্কুরাতে চাঁদের তরণী।
 ভরিল ভরা অরূপ ফুলে, সাজালো ডালা অমরাকূলে
 আলোর মালা চামেলি-বরনী॥
 তিথির পরে তিথির ঘাটে আসিছে তরী দোলের নাটে,
 নীরবে হাসে স্বপনে ধরণী।
 উৎসবের পসরা নিয়ে পূর্ণিমার কূলেতে কি এ
 ভিড়িল শেষে ত্রাছরণী॥

প্র: ২০ ফাল্গুন ১৩৩৭ (1931)

#243 **হে মাধবী, দ্বিধা কেন**

হে মাধবী, দ্বিধা কেন, আসিবে কি ফিরিবে কি—

আঙিনাতে বাহিরিতে মন কেন গেল ঠেকি॥

বাতাসে লুকায়ে থেকে কে যে তোরে গেছে ডেকে,

পাতায় পাতায় তোরে পত্র সে যে গেছে লেখি॥

কখন দখিন হতে কে দিল দুয়ার ঠেলি,

চমকি উঠিল জাগি চামেলি নয়ন মেলি।

বকুল পেয়েছে ছাড়া, করবী দিয়েছে সাড়া,

শিরীষ শিহরি উঠে দূর হতে কারে দেখি॥

প্র: ১ ফাল্গুন ১৩৩৪ (1928)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

5 লাইনে কখন ⇒ কখন

#244 ওরা অকারণে চঞ্চল

ওরা অকারণে চঞ্চল।

ডালে ডালে দোলে বায়ুহিল্লোলে নব পল্লবদল॥

ছড়ায়ে ছড়ায়ে ঝিকিমিকি আলো

দিকে দিকে ওরা কী খেলা খেলালো,

মর্মরতানে প্রাণে ওরা আনে

কৈশোরকোলাহল॥

ওরা কান পেতে শোনে গগনে গগনে

নীরবের কানাকানি,

নীলিমার কোন বাণী।

ওরা প্রাণঝরনার উচ্ছল ধার, ঝরিয়া ঝরিয়া বহে অনিবার,

চির তাপসিনী ধরণীর ওরা শ্যামশিখা হোমানল॥

প্র: ফাল্গুন ১৩৩৭ (1931)

#244 ওরা অকারণে চঞ্চল

ওরা অকারণে চঞ্চল।

ডালে ডালে দোলে বায়ুহিল্লোলে নব পল্লবদল॥

ছড়ায়ে ছড়ায়ে ঝিকিমিকি আলো

দিকে দিকে ওরা কী খেলা খেলালো,

মর্মরতানে প্রাণে ওরা আনে

কৈশোরকোলাহল॥

ওরা কান পেতে শোনে গগনে গগনে

নীরবের কানাকানি,

নীলিমার কোন বাণী।

ওরা প্রাণঝরনার উচ্ছল ধার, ঝরিয়া ঝরিয়া বহে অনিবার,

চির তাপসিনী ধরণীর ওরা শ্যামশিখা হোমানল॥

প্র: ফাল্গুন ১৩৩৭ (1931)

#245 ফাগুনের নবীন আনন্দে

ফাগুনের নবীন আনন্দে

গানখানি গাঁথিলাম ছন্দে॥

দিল তারে বনবীথি কোকিলের কলগীতি,

ভরি দিল বকুলের গন্ধে॥

মাধবীর মধুময় মন্ত্র

রঙে রঙে রাঙালো দিগন্ত।

বাণী মম নিল তুলি পলাশের কলিগুলি,

বেঁধে দিল তব মণিবন্ধে॥

প্র: ১৫ ফাল্গুন ১৩৩২ (1926)

#246 বেদনা কী ভাষায় রে

বেদনা কী ভাষায় রে

মর্মে মর্মরি গুঞ্জরি বাজে ॥

সে বেদনা সমীরে সমীরে সঞ্চারে,

চঞ্চল বেগে বিশ্বৈ দিল দোলা ॥

দিবানিশা আছি নিদ্রাহরা বিরহে

তব নন্দনবন-অঙ্গনদ্বারে,

মনোমোহন বন্ধু—

আকুল প্রাণে

পারিজাতমালা সুগন্ধ হানে ॥

প্র: ফাল্গুন ১৩৩৭ (1931)

#247 চলে যায় মরি হয়

চলে যায় মরি হয় বসন্তের দিন।

দূর শাখে পিক ডাকে বিরামবিহীন॥

অধীর সমীর -ভরে উচ্ছ্বসি বকুল ঝরে,

গন্ধ-সনে হল মন সুদূরে বিলীন॥

পুলকিত আশ্রবীথি ফাল্গুনেরই তাপে,

মধুকরগুঞ্জরনে ছায়াতল কাঁপে।

কেন আজি অকারণে সারা বেলা আনমনে

পরানে বাজায় বীণা কে গো উদাসীন॥

প্রঃ াবণ ১৩৩৬ (1929)

#248 বসন্তে-বসন্তে তোমার কবিরে

বসন্তে-বসন্তে তোমার কবিরে দাও ডাক—

যায় যদি সে যাক॥

রইল তাহার বাণী রইল ভরা সুরে, রইবে না সে দূরে—

হৃদয় তাহার কুঞ্জে তোমার রইবে না নির্বাক॥

ছন্দ তাহার রইবে বেঁচে

কিশলয়ের নবীন নাচে নেচে নেচে॥

তারে তোমার বীণা যায় না যেন ভুলে,

তোমার ফুলে ফুলে

মধুকরের গুঞ্জরনে বেদনা তার থাক॥

প্র: ফাল্গুন ১৩৩৭ (1931)

#249 আমার মল্লিকাবনে যখন

আমার মল্লিকাবনে যখন প্রথম ধরেছে কলি
 তোমার লাগিয়া তখনি, বন্ধু বেঁধেছিঁ অঞ্জলি॥
 তখনো কুহেলীজালে,
 সখা, তরুণী উষার ভালে
 শিশিরে শিশিরে অরুণমালিকা উঠিতেছে ছলোছলি॥
 এখনো বনের গান, বন্ধু হয় নি তো অবসান—
 তবু এখনি যাবে কি চলি।
 ও মোর করুণ বল্লিকা,
 ও তোর শ্রান্ত মল্লিকা
 ঝরো-ঝরো হল, এই বেলা তোর শেষ কথা দিস বলি॥

প্র: ফাল্গুন ১৩৩৭ (1931)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

১ লাইনে রচনাবলীতে ‘যখন মল্লিকাবনে প্রথম ধরেছে কলি’

২ লাইনে তখনি, বন্ধু ⇒ তখনি বন্ধু

৪ লাইনে সখা, ⇒ সখা

৫ লাইনে ছলোছলি ⇒ ছলছলি

৬ লাইনে বনের-গান, ⇒ বনের গান

১০ লাইনে ঝরো-ঝরো ⇒ ঝর-ঝর

#250 ক্লান্ত যখন আম্রকলির কাল

ক্লান্ত যখন আম্রকলির কাল, মাধবী ঝরিল ভূমিতলে অবসন্ন,
 সৌরভধনে তখন তুমি হে শালমঞ্জরী বসন্তে কর ধন্য॥
 সান্ত্বনা মাগি দাঁড়ায় কুঞ্জভূমি রিক্ত বেলায় অঞ্চল যবে শূন্য—
 বনসভাতলে সবার ঊর্ধ্বে তুমি, সব-অবসানে তোমার দানের
 পুণ্য॥

প্র: ফাল্গুন ১৩৩৭ (1931)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

2 লাইনে শালমঞ্জরী ⇒ শাল

#251 তুমি কিছু দিয়ে যাও

তুমি কিছু দিয়ে যাও মোর প্রাণে গোপনে গো—
 ফুলের গন্ধে বাঁশির গানে, মর্মরমুখরিত পবনে॥
 তুমি কিছু নিয়ে যাও বেদনা হতে বেদনে—
 যে মোর অশ্রু হাসিতে লীন, যে বাণী নীরব নয়নে॥

প্র: ফাল্গুন ১৩৩৭ (1931)

#252 আজি এই গন্ধবিধুর সমীরণে

আজি এই গন্ধবিধুর সমীরণে
 কার সন্ধান ফিরি বনে বনে॥
 আজি ক্ষুর নীলাম্বরমাঝে একি চঞ্চল ক্রন্দন
 বাজে।
 সুদূর দিগন্তের সক্রিয় সঙ্গীত লাগে মোর চিন্তায় কাজে—
 আমি খুঁজি করে অন্তরে মনে গন্ধবিধুর সমীরণে॥
 ওগো, জানি না কী নন্দনরাগে
 সুখে উৎসুক যৌবন জাগে।
 আজি আম্রমুকুলসৌগন্ধে, নব পল্লবমর্মরছন্দে,
 চঞ্চিরণসুধাসিঞ্চিত অম্বরে অশ্রুসরস মহানন্দে,
 আমি পুলকিত কার পরশনে গন্ধবিধুর সমীরণে॥

প্র: ফাল্গুন ১৩১৬ (1910)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

১ লাইনে 'এই' নেই।

4 লাইনে সঙ্গীত ⇒ সংগীত

#253 এবার ভাসিয়ে দিতে হবে

এবার ভাসিয়ে দিতে হবে আমার এই তরী—
 তীরে ব'সে যায় যে বেলা, মরি গো মরি॥
 ফুল-ফোটানো সারা ক'রে বসন্ত যে গেল সরে,
 নিয়ে ঝরা ফুলের ডালা বলো কী করি॥
 জল উঠেছে ছলছলিয়ে, ঢেউ উঠেছে দুলে,
 মর্মরিয়ে ঝরে পাতা বিজন তরুমূলে।
 শূন্যমনে কোথায় তাকাস।
 ওরে, সকল বাতাস সকল আকাশ
 আজি ওই পারের ওই বাঁশির সুরে উঠে শিহরি॥

প্র: ২৬ চৈত্র ১৩১৮ (1912)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

৮ লাইনে 'ওরে,' নেই

৯ লাইনে 'আজি' নেই

#254 **বসন্তে আজ ধরার চিত্ত**

বসন্তে আজ ধরার চিত্ত হল উতলা,
 বুকের 'পরে দোলে দোলে দোলে দোলে রে তার পরানপুতলা॥
 আনন্দেরই ছবি দোলে দিগন্তেরই কোলে কোলে,
 গান দুলিছে দোলে দোলে গান দুলিছে নীল-আকাশের হৃদয়-
 উতলা॥
 আমার দুটি মুহূর্তন নিদ্রা ভুলেছে।
 আজি আমার হৃদয়দোলায় কে গো দুলিছে।
 দুলিয়ে দিল সুখের রাশি লুকিয়ে ছিল যতেক হাসি—
 দুলিয়ে দিল দোলে দোলে দুলিয়ে দিল জনম-ভরা ব্যথা অতলা॥

প্র: ২৮ মাঘ ১৩২০ (1914)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

২ লাইন 'বুকের 'পরে দোলে রে তার পুরানপুতলা।'

৪ লাইনে 'গান দুলিছে দোলে দোলে ' নেই।

শেষ লাইনে 'দুলিয়ে দিল দোলে দোলে' নেই।

#255 তুমি কোন পথে যে এলে

তুমি কোন পথে যে এলে পথিক,
আমি দেখি নাই তোমারে।

হঠা স্বপন-সম দেখা দিলে বনেরই কিনারে॥

ফাগুনে যে বাণ ডেকেছে মাটির পাথারে।

তোমার সবুজ পালে লাগল হাওয়া, এলে
জোয়ারে॥

ভেসে এলে জোয়ারে— যৌবনের জোয়ারে॥

কোন দেশে যে বাসা তোমার কে জানে ঠিকানা।

কোন গানের সুরের পারে তার পথের নাই নিশানা।

তোমার সেই দেশেরই তরে আমার মন যে কেমন করে

—

তোমার মালার গন্ধে তারি আভাস আমার প্রাণে
বিহারে।

প্র: ফাল্গুন ১৩২২ (1916)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

1 লাইনে আমি দেখি নাই তোমারে ⇒ দেখি নাই তোমারে

3 লাইনে বাণ ⇒ বান রচনাবলীতে ৫ লাইন 'ভেসে এলে জোয়ারে যৌবনের
জোয়ারে॥' নেই।

#256 অনেক দিনের মনের মানুষ

অনেক দিনের মনের মানুষ যেন এলে কে

কোন ভুলে-যাওয়া বসন্ত থেকে॥

যা-কিছু সব গেছ ফেলে খুঁজতে এলে হৃদয়ে,

পথ চিনেছ চেনা ফুলের চিহ্ন দেখে॥

বুঝি মনে তোমার আছে আশা—

আমায় ব্যথায় তোমার মিলবে বাসা।

দেখতে এলে সেই-যে বীণা বাজে কিনা হৃদয়ে,

তারগুলি তার ধুলায় ধুলায় গেছে কি ঢেকে।

প্র: পৌষ ১৩২৯ (1923)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

১ লাইনে 'যেন' নেই।

#257 পুরাতনকে বিদায় দিলে না

পুরাতনকে বিদায় দিলে না যে ওগো নবীন রাজা।
 শুধু বাঁশি তোমার বাজালে তার পরান-মাঝে ওগো
 নবীন রাজা॥

মন্ত্র যে তার লাগল প্রাণে মোহন গানে হায়,
 বিকশিয়া উঠল হিয়া নবীন সাজে ওগো নবীন রাজা॥

তোমার রঙে দিলে তুমি রাঙিয়া ও তার আঙিয়া ওগো নবীন রাজা।
 তোমার মালা দিলে গলে খেলার ছলে হায়—
 তোমার সুরে সুরে তাহার বীণা বাজে ওগো নবীন
 রাজা॥

প্র: পৌষ ১৩২৯ (1923)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

২ লাইনের শেষে 'ওগো নবীন রাজা' নেই।

5 লাইনে ও-তার-আঙিয়া ⇒ তার আঙিয়া

#258 ঝরো-ঝরো ঝরো-ঝরো ঝরে

ঝরো-ঝরো ঝরো-ঝরো ঝরে রঙের ঝরনা।

আয় আয় আয় আয় সে রসের সুধায় হৃদয় ভর-না॥

সেই মুত্ত বন্যাধারায় ধারায় চিত্ত মৃত্যু-আবেশ হারায়,
ও সেই রসের পরশ পেয়ে ধরা নিত্যনবীনবর্ণা॥

তার কলধ্বনি দখিন-হাওয়ায় ছড়ায় গগনময়,
মর্মরিয়া আসে ছুটে নবীন কিশলয়।

বনের বীণায় বীণায় ছন্দ জাগে বসন্তপঞ্চমের রাগে—
ও সেই সুরে সুরে সুর মিলিয়ে আনন্দগান ধর-না॥

প্র: পৌষ ১৩২৯ (1923)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

1 লাইনে ঝরো ⇒ ঝর

4, oeSP লাইনে ও-সেই ⇒ সেই

6 লাইনে আসে-ছুটে ⇒ আসে ছুটি

#259 পূর্বাচলের পানে তাকাই

পূর্বাচলের পানে তাকাই অস্ত্রাচলের ধারে আসি।

ডাক দিয়ে যার সাড়া না পাই তার লাগি আজ বাজাই বাঁশি॥

যখন এ কুল যাব ছাড়ি পারের খেয়ায় দেব পাড়ি,

মোর ফাগুনের গানের বোঝা বাঁশির সাথে যাবে ভাসি॥

সেই-যে আমার বনের গলি রঙিন ফুলে ছিল আঁকা

সেই ফুলেরই ছিন্ন দলে চিহ্ন যে তার পড়ল ঢাকা।

মাঝে মাঝে কোন বাতাসে চেনা দিনের গন্ধ আসে,

হঠাৎ বুকে চমক লাগায় আধ-ভোলা সেই কান্নাহাসি॥

প্র: ১০ চৈত্র ১৩২৮ (1922)

#260 নীল আকাশের কোণে কোণে

নীল আকাশের কোণে কোণে ওই বুঝি আজ শিহর লাগে
আহা।

শাল-পিয়ালের বনে বনে কেমন যেন কাঁপন-জাগে আহা॥

সুদূরে কার পায়ের ধ্বনি গণি গণি দিন-রজনী
ধরণী তার চরণ মাগে আহা॥

দখিন-হাওয়া ক্ষণে ক্ষণে কেন ডাকিস 'জাগো জাগো'।

ফিরিস মেতে শিরীষবনে, শোনাস কানে কোন কথা গো।

শূন্যে তোমার ওগো প্রিয় উত্তরীয় উড়ল কি ও
রবির আলো রঙিন রাগে আহা॥

প্র: পৌষ ১৩৩৬ (1930)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

2 লাইনে কাঁপন-জাগে ⇒ কাঁপন জাগে

#261 মাধবী হঠাৎ কোথা হতে

মাধবী হঠাৎ কোথা হতে এল ফাগুন-দিনের
স্রোতে।

এসে হেসেই-বলে, 'যাই যাই যাই।'
পাতারা ঘিরে দলে দলে তারে— কানে কানে
বলে,

'না না না।'
নাচে তাই তাই তাই॥
আকাশের তারা বলে তারে, 'তুমি এসো গগন-পারে,
তোমায় চাই চাই চাই।'

পাতারা ঘিরে দলে দলে তারে— কানে কানে
বলে,

'না না না।'
নাচে তাই তাই তাই॥
বাতাস দখিন হতে আসে, ফেরে তারি পাশে
পাশে,

বলে, 'আয় আয় আয়॥'
বলে, 'নীল অতলের কূলে সুদূর অস্ত্রাচলের
মূলে

বেলা, যায় যায় যায়।'
বলে, 'পূর্ণশশীর রাতি ক্রমে হবে মলিন-ভাতি,

সময় নাই নাই নাই।’
 পাতারা ঘিরে দলে দলে তারে— কানে কানে
 বলে,
 ‘না না না ।’
 নাচে তাই তাই তাই॥

প্র: দোলপূর্ণিমা ১৩২৬ (1920)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

14 লাইনে বেলা, ⇒ বেলা

#262 নীল দিগন্তে ওই ফুলের

নীল দিগন্তে ওই ফুলের আগুন লাগল,
 বসন্তে সৌরভের শিখা জাগল॥
 আকাশের লাগে ধাঁধা রবির আলো ওই কি বাঁধা।
 বুঝি ধরার কাছে আপনাকে সে মাগল,
 সর্ষেক্ষেতে ফুল হয়ে তাই জাগল॥
 নীল দিগন্তে মোর বেদনখানি লাগল,
 অনেক কালের মনের কথা জাগল।
 এল আমার হারিয়ে-যাওয়া কোন ফাগুনের পাগল হাওয়া।
 বুঝি এই ফাগুনে আপনাকে সে মাগল,
 সর্ষেক্ষেতে ঢেউ হয়ে তাই জাগল॥

প্র: আষাঢ় ১৩২৯ (1922)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

3 লাইনে ধাঁধা ⇒ ধাঁধা

5, oeSP লাইনে সর্ষেক্ষেতে ⇒ সর্ষেখেতে

৫ লাইনে গীতবিতানে 'শর্ষে' খুব সম্ভব ছাপার ভুল।

#263 বসন্ত তার গান লিখে

বসন্ত তার গান লিখে যায় ধুলির 'পরে কী আদরে॥
 তাই সে ধুলা ওঠে হেসে বারে বারে নবীন বেশে,
 বারে বারে রূপের সাজি আপনি ভরে কী আদরে॥
 তেমনি পরশ লেগেছে মোর হৃদয়তলে,
 সে যে তাই ধন্য হল মন্ত্রবলে।
 তাই প্রাণে কোন মায়া জাগে, বারে বারে পুলক লাগে,
 বারে বারে গানের মুকুল আপনি ধরে কী আদরে॥

প্র: ৫ অগ্রহায়ণ ১৩২৮ (1921)

#264 ফাগুনের শুরু হতেই

ফাগুনের শুরু হতেই শুকনো পাতা ঝরল যত
 তারা আজ কেঁদে শুধায়, 'সেই ডালে ফুল ফুটল কি গো,
 ওগো কও ফুটল কত।'
 তারা কয়, 'হঠাৎ হাওয়ায় এল ভাসি
 মধুরের সুদূর হাসি হয়।
 খ্যাপা হাওয়ায় আকুল হয়ে ঝরে গেলেম শত শত।'
 তারা কয়, 'আজ কি তবে এসেছে সে নবীন বেশে।
 আজ কি তবে এত ক্ষণে জাগল বনে যে গান ছিল মনে
 মনে।
 সেই বারতা কানে নিয়ে
 যাই যাই চলে এই বারের মতো।'

প্র: ফাল্গুন ১৩২৮ (1922)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

oeSP লাইনে ঝাই-ঝাই ⇒ যাই

#265 ফাগুনের পূর্ণিমা

ফাগুনের পূর্ণিমা এল কার লিপি হাতে।
 বাণী তার বুঝি না রে, ভরে মন বেদনাতে॥
 উদয়শৈলমূলে জীবনের কোন কূলে
 এই বাণী জেগেছিল কবে কোন মধুরাতে॥
 মাধবীর মঞ্জরী মনে আনে বারে বারে
 বরণের মালা গাঁথা স্মরণের পরপারে।
 সমীরণে কোন মায়া ফিরিছে স্বপনকায়া,
 বেণুবনে কাঁপে ছায়া অলখ-চরণ-পাতে॥

প্র: পৌষ ১৩২৯ (1923)

#266 এক ফাগুনের গান সে আমার

এক ফাগুনের গান সে আমার আর ফাগুনের কূলে কূলে
 কার খোঁজে আজ পথ হারালো নতুন কালের ফুলে ফুলে॥
 শুধায় তারে বকুল-হেনা, 'কেউ আছে কি তোমার চেনা।'
 সে বলে, 'হায়, আছে কি নাই
 না বুঝে তাই বেড়াই ভুলে
 নতুন কালের ফুলে ফুলে।'
 এক ফাগুনের মনের কথা আর ফাগুনের কানে কানে
 গুঞ্জরিয়া কেঁদে শুধায়, 'মোর ভাষা আর কেই বা জানে।'
 আকাশ বলে, 'কে জানে সে কোন ভাষা যে বেড়ায় ভেসে।'
 'হয়তো জানি' 'হয়তো জানি'
 বাতাস বলে দুলে দুলে
 নতুন কালের ফুলে ফুলে॥

প্র: ১৪ চৈত্র ১৩২৮ (1922)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

৪ লাইনে আর-কেই-বা-জানে ⇒ আজ কেউ কি জানে

#267 ওরে বকুল, পারুল, ওরে শাল-পিয়ালের বন

ওরে বকুল, পারুল, ওরে শাল-পিয়ালের বন,
কোনখানে আজ পাই

এমন মনের মতো ঠাঁই
যেথায় ফাগুন ভরে দেব দিয়ে সকল মন,
দিয়ে আমার সকল মন॥

সারা গগনতলে তুমুল রঙের কোলাহলে
মাতামাতির নেই যে বিরাম কোথাও অনুক্ষণ
যেথায় ফাগুন ভরে দেব দিয়ে সকল মন,
দিয়ে আমার সকল মন॥

ওরে বকুল, পারুল, ওরে শাল-পিয়ালের বন,
আকাশ নিবিড় ক'রে

তোরা দাঁড়াস নে ভিড় ক'রে—
আমি চাই নে, চাই নে এমন
গন্ধরঙের বিপুল আয়োজন।

অকূল অবকাশে যেথায় স্বপ্নমল ভাসে
দে আমারে একটি এমন গগন-জোড়া কোণ—
যেথায় ফাগুন ভরে দেব দিয়ে সকল মন,
দিয়ে আমার সকল মন॥

প্র: ২৪ চৈত্র ১৩২৯ (1923)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

‘শাল-পিয়ালের’ $\Rightarrow$ ‘শালপিয়ালের’ ৫, ৯, শেষ লাইনের ‘দিয়ে আমার সকল মন’ নেই।

#267 ওরে বকুল, পারুল, ওরে শাল-পিয়ালের বন

ওরে বকুল, পারুল, ওরে শাল-পিয়ালের বন,
কোনখানে আজ পাই

এমন মনের মতো ঠাঁই
যেথায় ফাগুন ভরে দেব দিয়ে সকল মন,
দিয়ে আমার সকল মন॥

সারা গগনতলে তুমুল রঙের কোলাহলে
মাতামাতির নেই যে বিরাম কোথাও অনুক্ষণ
যেথায় ফাগুন ভরে দেব দিয়ে সকল মন,
দিয়ে আমার সকল মন॥

ওরে বকুল, পারুল, ওরে শাল-পিয়ালের বন,
আকাশ নিবিড় ক'রে

তোরা দাঁড়াস নে ভিড় ক'রে—
আমি চাই নে, চাই নে এমন
গন্ধরঙের বিপুল আয়োজন।

অকূল অবকাশে যেথায় স্বপ্নমল ভাসে
দে আমারে একটি এমন গগন-জোড়া কোণ—
যেথায় ফাগুন ভরে দেব দিয়ে সকল মন,
দিয়ে আমার সকল মন॥

প্র: ২৪ চৈত্র ১৩২৯ (1923)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

‘শাল-পিয়ালের’ $\Rightarrow$ ‘শালপিয়ালের’ ৫, ৯, শেষ লাইনের ‘দিয়ে আমার সকল মন’ নেই।

#268 নিশীথরাতের প্রাণ

নিশীথরাতের প্রাণ

কোন সুধা যে চাঁদের আলোয় আজ করেছে পান॥

মনের সুখে তাই আজ গোপন কিছু নাই,
আঁধার-ঢাকা ভেঙে ফেলে সব করেছে দান॥

দখিন-হাওয়ায় তার সব খুলেছে দ্বার।

তারি নিমন্ত্রণে আজি ফিরি বনে বনে,
সঙ্গে করে এনেছি এই

রাত-জাগা মোর গান॥

প্র: ১৯ মাঘ ১৩২৯ (1923)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

3 লাইনে আজ গোপন-কিছু নাই $\Rightarrow$ গোপন কিছু নাই

5 লাইনে দখিন-হাওয়ায় $\Rightarrow$ দখিন হাওয়ায়

6 লাইনে আজি ফিরি বনে বনে $\Rightarrow$ ফিরি বনে বনে

#269 চেনা ফুলের গন্ধস্রোতে

চেনা ফুলের গন্ধস্রোতে ফাগুন-রাতের অন্ধকারে
 চিত্তে আমার ভাসিয়ে আনে নিত্যকালের অচেনারে॥

একদা কোন কিশোর-বেলায় চেনা চোখের মিলন-মেলায়
 সেই তো খেলা করেছিল কান্নাহাসির ধারে ধারে॥

তারি ভাষার বাণী নিয়ে প্রিয়া আমার গেছে ডেকে,
 তারি বাঁশির ধ্বনি সে যে বিরহে মোর গেছে রেখে।

পরিচিত নামের ডাকে তার পরিচয় গোপন থাকে,
 পেয়ে যারে পাই নে তারি পরশ পাই যে বারে বারে॥

প্র: আশ্বিন ১৩৩৬ (1929)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

1 লাইনে ফাগুন-রাতের ⇒ ফাগুন রাতের

3 লাইনে কিশোর-বেলায় ⇒ কিশোর বেলায়

#270 মধুর বসন্ত এসেছে মধুর

মধুর বসন্ত এসেছে মধুর মিলন ঘটাতে,
মধুর মলয়সমীরে মধুর মিলন রটাতে॥

কুহকলেখনী ছুটায়ে কুসুম তুলিছে ফুটায়ে,
লিখিছে প্রণয়কাহিনী বিবিধ বরনছটাতে ॥

হেরো পুরানো প্রাচীন ধরণী হয়েছে শ্যামলবরনী,
যেন যৌবনপ্রবাহ ছুটেছে কালের শাসন টুটাতে।
পুরানো বিরহ হানিছে নবীন মিলন আনিছে,
নবীন বসন্ত আইল নবীন জীবন ফুটাতে॥

প্র: ১৮৮৮ (1888)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

6 লাইনে যৌবনপ্রবাহ ছুটেছে ⇒ যৌবনস্রোত ছুটিছে

#271 আমার মালার ফুলের দলে

আমার মালার ফুলের দলে আছে লেখা বসন্তের মন্ত্রলিপি।
এর মাধুর্যে আছে যৌবনের আমন্ত্রণ।

সাহানা রাগিণী এর রাঙা রঙে রঞ্জিত,
মধুকরের ক্ষধা অশ্রুত হৃন্দে গন্ধে তার গুঞ্জরে॥

আন গো ডালা গাঁথ গো মালা,
আন মাধবী মালতী অশোকমঞ্জরী, আয় তোরা আয়।
আন করবী রঙ্গন কাঞ্চন রজনীগন্ধা প্রফুল্লমল্লিকা, আয়
তোরা আয়।

মালা পর গো মালা পর সুন্দরী—
ত্বরা কর গো ত্বরা কর।
আজি পূর্ণিমারাতে জাগিছে চন্দ্র,
বকুলকুঞ্জ দক্ষিণবাতাসে দুলিছে কাঁপিছে
থরোথরো মৃদু মর্মরি।

নৃত্যপরা বনাঙ্গনা বনাঙ্গনে সঞ্চরে,
চঞ্চলিত চরণ ঘেরি মঞ্জীর তার গুঞ্জরে আহা।
দিস নে মধুরাতি বৃথা বহিয়ে উদাসিনী হায় রে।
শুভলগন গেলে চলে ফিরে দেবে না ধরা—
সুধাপসরা ধুলায় দেবে শূন্য করি, শুকাবে বঞ্জুলমঞ্জরী।
চক্রে অভিষিক্ত নিশীথে ঝিল্লিমুখর বনছায়ে
ত্রাহারাপিকবিরহকাকলি-কুজিত দক্ষিণবায়ে

মালঞ্চ মোর ভরল ফুলে ফুলে ফুলে গো,
কিংকশাখা চঞ্চল হল দুলে দুলে দুলে গো॥

প্র: ১৯৩৮ (1938)

#272 আজি কমলমুকুলদল খুলিল

আজি কমলমুকুলদল খুলিল, দুলিল রে দুলিল—
মানসসরসে রসপুলকে পলকে পলকে ঢেউ তুলিল॥
গগন মগন হল গন্ধে, সমীরণ মূর্ছে আনন্দে,
গুনগুন গুঞ্জনহন্দে মধুকর ঘিরি ঘিরি বন্দে—
নিখিলভুবনমন ভুলিল।
মন ভুলিল রে মন ভুলিল॥

প্র: পৌষ ১৩১৭ (1910)

#273 পুষ্প ফুটে কোন

পুষ্প ফুটে কোন কুঞ্জবনে,
 কোন নিভূতে ওরে, কোন গহনে।
 মাতিল আকুল দক্ষিণবায়ু সৌরভচঞ্চল সঞ্চরণে॥
 বন্ধুহারা মম অন্ধ ঘরে আছি বসে অবসন্নমনে,
 উৎসবরাজ কোথায় বিরাজে কে লয়ে যাবে সে ভবনে॥

প্র: : ১৯০৯ (1909)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

4 লাইনে বন্ধুহারা মম অন্ধ ঘরে আছি বসে অবসন্নমনে, ⇒ কাটিল ক্লান্ত
 বসন্ত নিশা বাহির-অঙ্গন-সঙ্গীসনে

oeSP লাইনে কোথায় বিরাজে ⇒ বিরাজ কোথা'; 'লয়ে' ⇒ 'লয়ি

#274 এই মৌমাছিদের ঘরছাড়া

এই মৌমাছিদের ঘরছাড়া কে করেছে রে
 তোরা আমায় ব'লে দে ভাই, বলে দে রে॥
 ফুলের গোপন পরান-মাঝে নীরব সুরে বাঁশি বাজে—
 ওদের সেই সুরেতে কেমনে মন হরেছে রে॥
 যে মধুটি লুকিয়ে আছে, দেয় না ধরা কারো কাছে,
 সেই মধুতে কেমনে মন ভরেছে রে॥

প্র: আশ্বিন ১৩১৮ (1911)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

5 লাইনে ঝরঝর ⇒ কারও

#275 বিদায় নিয়ে গিয়েছিলাম

বিদায় নিয়ে গিয়েছিলাম বারে বারে।

ভেবেছিলাম ফিরব না রে॥

এই তো আবার নবীন বেশে

এলেম তোমার হৃদয়দ্বারে॥

কে গো তুমি।- ‘আমি বকুল ।’

কে গো তুমি।- ‘আমি পারুল ।’

তোমরা কে বা।- ‘আমরা আমার মুকুল গো

এলেম আবার আলোর পারে ।’

‘এবার যখন ঝরব মোরা ধরার বুকে

ঝরব তখন হাসিমুখে—

অফুরানের আঁচল ভরে

মরব মোরা প্রাণের সুখে ।’

তুমি কে গো।- ‘আমি শিমুল ।’

তুমি কে গো।- ‘কামিনী ফুল ।’

তোমরা কে বা।- ‘আমরা নবীন পাতা গো

শালের বনে ভারে ভারে।’

প্র: ১৩ ফাল্গুন ১৩২১ (1915)

#276 এই কথাটাই ছিলেম ভুলে

এই কথাটাই ছিলেম ভুলে—

মিলব আবার সবার সাথে ফাল্গুনের এই ফুলে ফুলে॥
 অশোকবনে আমার হিয়া ওগো নূতন পাতায় উঠবে
 জিয়া,
 বুকের মাতন টুটবে বাঁধন যৌবনেরই কূলে কূলে
 ফাল্গুনের এই ফুলে ফুলে॥
 বাঁশিতে গান উঠবে পুরে
 নবীন-রবির-বাণী-ভরা আকাশবীণার সোনার সুরে।
 আমার মনের সকল কোণে ওগো ভরবে গগন
 আলোক-ধনে,
 কান্নাহাসির বন্যারই নীর উঠবে আবার দুলে দুলে
 ফাল্গুনের এই ফুলে ফুলে॥

প্র: ১৩ ফাল্গুন ১৩২১ (1915)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

৩ লাইনে ওগো-নূতন-পাতায় ⇒ নূতন পাতায়

৬ লাইনে পুরে ⇒ পুরে

৭ লাইনে নবীন-রবির-বাণী-ভরা ⇒ নবীন রবির বাণী-ভরা

৮ লাইনে 'ওগো' নেই।

#277 এবার তো যৌবনের কাছে

এবার তো যৌবনের কাছে মেনেছ হার মেনেছ?

‘মেনেছি’।

আপন-মাঝে নূতনকে আজ জেনেছ?

‘জেনেছি’ ॥

আবরণকে বরণ ক’রে ছিলে কাহার জীর্ণ ঘরে?

আপনাকে আজ বাহির করে এনেছ?

‘এনেছি’ ॥

এবার আপন প্রাণের কাছে মেনেছ হার মেনেছ?

‘মেনেছি’।

মরণ-মাঝে অমৃতকে জেনেছ?

‘জেনেছি’।

লুকিয়ে তোমার অমরপুরী ধুলা-অসুর করে চুরি,

তাহারে আজ মরণ-আঘাত হেনেছ?

‘হেনেছি’ ॥

প্র: ১৩ ফাল্গুন ১৩২১ (1915)

#278 সেই তো বসন্ত ফিরে এল

সেই তো বসন্ত ফিরে এল, হৃদয়ের বসন্ত ফুরায় হয় রে।
 সব মরুময়, মলয়-অনিল এসে কেঁদে শেষে ফিরে চলে যায় হয় রে।
 কত শত ফুল ছিল হৃদয়ে, ঝরে গেল, আশালতা শুকালো—
 পাখিগুলি দিকে দিকে চলে যায়।
 শুকানো পাতায় ঢাকা বসন্তের মৃতকায়,
 প্রাণ করে হয়-হয় হয়-রে॥
 ফুরাইল সকলই।
 প্রভাতের মৃদু হাসি, ফুলের রূপরাশি, ফিরিবে কি আর।
 কিবা জোছনা ফুটিত রে কিবা যামিনী—
 সকলই হারালো, সকলই গেল রে চলিয়া, প্রাণ করে হয় হয় হয় রে॥

প্র: বৈশাখ ১২৯২ (1885)

#279 **নিবিড় অন্তরতর বসন্ত**

নিবিড় অন্তরতর বসন্ত এল প্রাণে।
 জগতজনহৃদয়ধন, চাহি তব পানে॥
 হরষরস বরষি যত তৃষিত ফুলপাতে
 কুঞ্জকাননপবন পরশ তব আনে॥
 মুগ্ধকোকিল মুখর রাত্রি দিন যাপে,
 মর্মরিত পল্লবিত সকল বন কাঁপে।
 দশ দিশি সুরম্য সুন্দর মধুর হেরি,
 দুঃখ হল দূর সব-দৈন্য-অবসানে॥

প্র: ফাল্গুন ১৩১৩ (1907)

#280 নব নব পল্লবরাজি

নব নব পল্লবরাজি

সব বন উপবনে উঠে বিকশিয়া,

দখিনপবনে সঙ্গীত উঠে বাজি॥

মধুর সুগন্ধে আকুল ভুবন, হাহা করিছে মম জীবন।

এসো এসো সাধনধন, মম মন করো পূর্ণ আজি॥

প্র: ফাল্গুন ১৩১৩ (1907)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

3 লাইনে সঙ্গীত ⇒ সংগীত

oeSP লাইনে সাধনধন ⇒ সাধনার ধন

#281 মম অন্তর উদাসে

মম অন্তর উদাসে

পল্লবমর্মরে কোন চঞ্চল বাতাসে॥

জ্যো স্নাজড়িত নিশা ঘুমে-জাগরণে-মিশা

বিহ্বল আকুল কার অঞ্চলসুবাসে॥

থাকিতে না দেয় ঘরে, কোথায় বাহির করে

সুন্দর সুদূরে কোন নন্দন-আকাশে।

অতীত দিনের পারে স্মরণসাগর-ধারে

বেদনা লুকানো কোন ক্রন্দন-আভাসে॥

প্র: ১৯১২ (1912)

#282 ফাগুন-হাওয়ায় রঙে রঙে পাগল

ফাগুন-হাওয়ায় রঙে রঙে পাগল ঝোরা লুকিয়ে ঝরে
 গোলাপ জবা পারুল পলাশ পারিজাতের বুকুর 'পরে॥

সেইখানে মোর পরানখানি যখন পারি বহে আনি,
 নিলাজ-রাঙা পাগল রঙে রঙিয়ে নিতে থরে থরে॥

বাহির হলেম ব্যাকুল হাওয়ার উতল পথের চিহ্ন ধরে—
 ওগো তুমি রঙের পাগল, ধরব তোমায় কেমন করে।

কোন আড়ালে লুকিয়ে রবে, তোমায় যদি না পাই তবে
 রক্তে আমার তোমার পায়ের রঙ লেগেছে কিসের তরে॥

প্র: বৈশাখ ১৩২৬ (1919)

#283 ঝরা পাতা গো, আমি

ঝরা পাতা গো, আমি তোমারি দলে।

অনেক হাসি অনেক অশ্রুজলে

ফাগুন দিল বিদায়মন্ত্র আমার হিয়াতলে॥

ঝরা পাতা গো, বাসন্তী রঙ দিয়ে

শেষের বেশে সেজেছ তুমি কি এ।

খেলিলে হোলি ধুলায় ঘাসে ঘাসে

বসন্তের এই চরম ইতিহাসে।

তোমারি মতো আমারো উত্তরী

আগুন-রঙে দিয়ো রঙিন করি—

অস্তুরবি লাগাক পরশমণি

প্রাণের মম শেষের সম্বলে॥

প্র: ২০ ফাল্গুন ১৩৩৭ (1931)

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

৭ লাইনে আগুন-রঙে ⇒ আগুন রঙে